

中華民國八年十一月

中國郵務局特准掛號認爲新聞紙類

江蘇第四次省教育行政會議彙錄

江蘇教育廳編印



A541 212 0014 5020B



例言

一本書分攝影規章議員一覽表訓詞贈言議案一覽表議決案公布案奉 省長核准
酌辦案未奉 省長核准案凡十種

一議決案及公布等案順序均以類相從首經費次義務教育小學教育師範教育實業
教育社會教育末附以其他之無類可歸者

一議決案後均附錄諮詢及請議案原文以便查考

一公布案以呈奉 省長核准者爲準

一凡訓令呈文後附錄之議決案及諮詢請議案等原文前已散見者概從省略以免繁
複

一本書自民國八年十一月開始編輯閱一月竣事時間匆遽校訂多疏舛誤墨漏之處
知不能免閱者諒之


一本書搜集編纂譚君翼珪致力最多其校對事宜由趙君景沂協助之

中華民國八年十一月

朱鶴皋識

例

言



二

江蘇第四次省教育行政會議彙錄目次

攝影

規章

議員一覽表

訓詞

贈言

議案一覽表

(甲) 已有結果各議案

(乙) 付審查後未有辦法各議案

(丙) 未成立各議案

議決案

公布案

奉 省長核准酌辦案


未奉
省長核准案

目次

二


江蘇第四次省教育行政會議開會攝影

民國八年八月一日





長 議
棋 家 胡



長官記書
朱鶴皋



長事幹
福傳楊

規章

江蘇第四次省教育行政會議章程

第一條 本會議以考察各地方教育狀況集合研究俾省教育行政得適當之方法以利推行而促進步爲宗旨

第二條 本會議以本省教育行政事宜爲限

第三條 本會議議員以左列人員充之

甲 教育廳廳長

乙 教育廳科長科員省視學

丙 縣公署主辦教育行政之掾屬及縣視學勸學所所長

第四條 本會議以教育廳廳長爲議長議長有事不能出席時得於議員中指定一人

代理之

第五條 本會議議案如遇與其他機關有關聯者得臨時請其派員蒞會惟須先將議

案送閱

第六條 議長依會議規則維持議場秩序
會議規則另訂之

第七條 本會議除由省公署交議之件應行交議外其餘議案由教育廳編列交議其
議決案統由教育廳呈報

省長核示施行

第八條 本章程第三條丙項議員得具請議書先期送教育廳酌核交議但會議時須
由本員說明趣旨

第九條 本省省縣教育會得具意見書五日前送教育廳采酌交議

第十條 本會議以七日爲限如應議事項未畢得延長三日以內其開議時日及場所
由教育廳長定之

第十一條 本章程第三條丙項議員赴議時得由縣公署支給相當之川資旅費

第十二條 本會議議案應付審查者由議長於會員中指定若干人擔任之

第十三條 本會議設幹事長一人幹事員四人書記官長一人書記官四人由教育廳

長就廳員中指派

第十四條 本章程有未盡事宜得由教育廳長隨時修正請省長核定之

第十五條 本章程由教育廳呈請

省長核准施行

江蘇第四次省教育行政會議規則

第一條 議員每日入議場時應各署其名於署名簿

第二條 議員入場就座應各依編定之坐位

議員兼充書記官長或書記官者應坐於書記官長或書記官席

第三條 開議時刻每日午前八時三十分始十一時三十分止若本日應議之事未畢

已屆散會時限得由議長酌量宣告展會但至遲不逾三十分鐘

第四條 每日應議事件由議長編爲議事日程依次議之

第五條 議員欲發言時應先起立自報號數及姓名然後發言兼充書記官長或書記

官之議員同

第六條 同時不得有二人以上發言其同時報名者由議長指定先後依次發言

第七條 發言既畢由議長宣告討論終止或付表決或以其僅屬討論問題無庸付表

決均由議長酌定之

第八條 表決法用起立若可否同數則取決於議長

第九條 議員入場後非至宣告散會時不得無故離坐及退出

第十條 議員因事或因病不能到會須向議長聲明事由告假

第十一條 凡議場會議事件應備載於議事錄

第十二條 議場設旁聽席凡持有旁聽券者即可入場旁聽惟必要時得由議長謝絕之

第十三條 除本規則所定外其有未盡事宜得由議長臨時酌辦

江蘇第四次省教育行政會議議員一覽表

議場 席次	姓名	職務	議場 席次	姓名	職務	議場 席次	姓名	職務
一	朱鶴皋	教育廳第一科 科長	二	劉永昌	教育廳第二科 科長	三	楊傳福	教育廳第三科 科長
四	謝忻	教育廳第一科 科員	五	韓銳	教育廳第一科 科員	六	王蘊曾	教育廳第一科 科員
七	蔣拱辰	教育廳第二科 科員	八	問榮生	教育廳第二科 科員	九	孫樹章	教育廳第二科 科員
一〇	譚翼珪	教育廳第三科 科員	一二	孫肇圻	教育廳第三科 科員	一二	張沛霖	教育廳第三科 科員
一三	鄒楫	省視學	一四	伍崇宜	省視學	一五	章慰高	省視學
一六	費玄韜	省視學	一七	林懿均	省視學	一八	王小峯	體育視察員
一九	凌玉成	江寧縣教育主 任 任豫屬	二〇	王文樞	江寧縣勸學所 長	二一	孫濟源	江寧縣視學
二三	陳祖濂	句容縣勸學所 長	二三	徐進	溧水縣勸學所 長代表	二四	陳維國	溧水縣視學
二五	陳紹恕	高淳縣視學	二六	邢泰階	江浦縣視學	二七	厲式鉉	六合縣勸學所 長
二八	朱振宇	六合縣視學	二九	顧鴻治	丹徒縣教育主 任 任豫屬	三〇	道受章	丹徒縣勸學所 長
三一	徐興範	丹徒縣視學	三二	韓蘇	丹陽縣視學	三三	強敦保	金壇縣教育主 任 任豫屬
三四	陳允元	金壇縣視學	三五	馬馨	溧陽縣視學	三六	姚湘	揚中縣勸學所 長
三七	何玉卿	揚中縣觀學	三八	錢允中	上海縣教育主 任 任豫屬	三九	李宗鄴	上海縣觀學所 長

議員一覽表

議員一覽表

二

四〇	張樹勳	松江縣勸學所	四一	倪宗伊	松江縣視學	四二	徐守清	南匯縣視學
四三	蔡鍾秀	青浦縣勸學所 長	四四	陳龍章	青浦縣視學	四五	朱聲鳳	奉賢縣勸學所 長
四六	刁文裳	奉賢縣視學	四七	李銘訓	金山縣勸學所 長	四八	張本載	金山縣視學
四九	張志鶴	川沙縣勸學所	五〇	劉鎔經	太倉縣視學	五一	顧瑞	嘉定縣勸學所 長
五二	嚴善言	嘉定縣視學	五三	印書畦	寶山縣勸學所 長	五四	王鍾麟	寶山縣視學
五五	陶鑄	崇明縣勸學所 長	五六	施祖恒	崇明縣視學	五七	張言揚	海門縣視學
五八	潘起鵬	吳縣勸學所長	五九	張祖誠	常熟縣教育主 任	六〇	王頌文	崑山縣勸學所 長
六一	陸章綬	崑山縣視學	六二	王葵	吳江縣教育主 任	六三	邱庚藻	吳江縣視學
六四	王需	武進縣教育主 任	六五	徐學競	武進縣勸學所 長	六六	過鑄涵	武進縣視學
六七	秦銘光	無錫縣勸學所 長	六八	潘景洛	宜興縣勸學所 長	六九	儲蘊華	宜興縣視學
七〇	章仁治	江陰縣教育主 任	七一	祝廷華	江陰縣勸學所 長	七二	章鼎治	江陰縣視學
七三	劉樹圻	靖江縣視學	七四	于忱	南通縣勸學所 長	七五	葛懋昌	南通縣視學
七六	黃文濬	如皋縣教育主 任	七七	蔡寶善	泰興縣勸學所 長	七八	余瀚秋	泰興縣視學
七九	聞之駿	淮陰縣教育主 任	八〇	王義成	淮陰縣勸學所 長	八一	范奉怡	淮陰縣視學
八二	阮師凝	淮安縣勸學所 長	八三	崔克慶	淮安縣視學	八四	李景邦	泗陽縣勸學所 長

八五	李昂軒	泗陽縣視學	八六	朱棨	漣水縣觀學所	八七	李毅	漣水縣視學
八八	江啓鋐	阜寧縣勸學所	八九	姜慕猷	阜寧縣視學	九〇	謝厚勤	江都縣教育主 任
九一	宋潤	鹽城縣觀學所	九二	孟義臣	鹽城縣視學	九三	曾雲程	江都縣觀學所
九四	蔣兆祺	江都縣視學	九五	樊德馨	儀徵縣觀學所	九六	古思公	儀徵縣視學
九七	樂漢	東台縣勸學所	九八	袁牧	東台縣視學	九九	倪寶吾	興化縣教育主 任
一〇〇	劉循程	興化縣觀學所	一〇一	張景齡	興化縣視學	一〇二	韓烺	泰縣視學
一〇三	夏倫彝	高郵縣視學	一〇四	王鼎彝	寶應縣教育主 任	一〇五	周熙績	寶應縣觀學所
一〇六	劉鍾瑛	寶應縣視學	一〇七	楊懋卿	銅山縣勸學所	一〇八	蔣伯壩	豐縣勸學所長
一〇九	蔡春元	沛縣勸學所長	一一〇	李昭軒	沛縣視學	一一一	丁作則	蕭縣勸學所長
一二〇	孟昭潛	蕭縣視學	一二一	孫廷楨	碭山縣觀學所	一二二	劉摯田	碭山縣視學
一二二	趙開文	邳縣勸學所長	一二三	顧視賢	邳縣視學	一二四	陸文椿	宿遷縣勸學所
一二四	杜壽祺	宿遷縣視學	一二五	周公權	睢寧縣觀學所	一二六	全錫藻	睢寧縣視學
一二七	李獻三	灌雲縣視學	一二八	葛槃	東海縣視學	一二九	陶緒會	灌雲縣觀學所
一二九	沈濟安	東海縣勸學所	一二〇	張卓東	沐陽縣觀學所	一二一	祁峻城	沐陽縣視學
一二一	余鴻昇	贛榆縣學勸所	一二二	錢基厚	無錫縣教育主 任	一二三	朱賛	上海縣視學


議員一覽表

四

一三〇	顧葆康	松江縣教育主 任	一三一	吳恩棠	江都縣教育主 任	一三二	龔鼎	吳縣視學
一三三	曹恭植	吳縣教育主任 屬	一三四	施恩需	青浦縣教育主 任	一三五	沈崇基	金山縣教育主 任
一三六	陳恩治	泰縣勸學所長	一三七	蔣炳熙	靖江縣教育主 任	一三八	龐樹階	常熟縣觀學所 長
一三九	張明新	銅山縣視學	一四〇	陳楫	靖江縣勸學所 長	一四一	季朝楨	嘉定縣教育主 任
一四二	潘烈芬	宜興縣教育主 任	一四三	吳輔勳	高郵縣勸學所 長	一四四	李長基	高郵縣教育主 任

(說明) 右表以到會議員爲限未到者從闕

訓詞



齊省長致江蘇省第四次省教育行政會議開會日訓詞


漢申公有云爲政不在多言顧力行何如此謂政治貴實際不貴空談也然爲政在行行政在言果能坐言起行言亦何病江蘇省教育行政會議舉行三次數年之間地方教育得有寸進會議之效昭昭在人然夷攷其實按諸預期猶難悉應此則所言所行未能合一無可諱也猶憶去夏開會致詞經費人才引爲推廣教育之要鍵一年以來其成績奚若一經回顧輒復怦怦在座諸君諒同此感故今茲之會當鑒歷屆之闕憾而彌補之提案必舉事業上確有實益者決一案必審事實上確無窒碍者矧今各地學潮平而未定此後訓育學生於愛國熱忱當如何涵養之於學校風紀當如何整飭之此尤在教育行政人員集合多數意見決疑定計俾辦學者有率循之軌道統一之方針是則此次會議其精神上之關係固有較從前爲尤重要者初不僅經費人才各端之有事於推廣已也坐而言起而行是所望於諸君子

胡教育廳長致江蘇第四次省教育行政會議開會日訓詞

本日爲江蘇第四次省教育行政會議開會之期凡到會諸君悉係教育界有力分子江蘇省教育得以逐漸發展表著成績者皆諸君平日經營之力深爲欽佩鄙人於本年三月到蘇半載以來與諸君雖有文字上之接洽尙無覲面討論之時期今日得此機會與諸君聚首一堂各抒所見其獲益當較平時爲多無任欣慰夫國家根本在於教育而地方教育尤爲根本之根本顧欲謀地方教育之發展有二要素一曰人才一曰經濟先就人才言之今日列席諸君在各縣擔任各種職務其責任雖異而目的則同如教育據屬勸學所長縣視學皆負襄助縣長發展教育之重要責任然欲發展教育不可不先注意人才如各縣師範學校畢業生富於教育上之學識固爲社會所需要而在師範教育未臻完善以前舊時人才其辦學成績亦不可沒此兩項人才同在地方服務或不免有意見發生須賴諸君調劑其間消除障礙一致進行則教育之發展可計日而待矣次就經濟言之各縣教育經費多寡不同然以固有之經費維持目前之現狀有絀無盈可斷言也故欲推廣事業非先寬籌經費不可諸君對於本縣教育經費固有者須求支配得當

一面尤當設法寬籌以圖教育之推廣此次會議之期至多以十日爲率希望諸君悉心討論凡屬議決案件而爲蘇省財力所能辦者自當呈請省長核示施行以期教育之進步願與諸君共勉焉

訓
詞





贈言

齊省長致江蘇第四次省教育行政會議閉會日贈言

本省第四屆教育行政會議開會以來諸君子聚精會神相與從容討論以冀笙簧大化饗飫上腴慮至周意至渥也今已閱一來復矣爲期有限而屬望正復無窮誠以言論之局終斯實行之事起本省長執行教育行政五載於茲平日對於教育一途要無非以實事求是之心求所以與年俱進之道雖所預期未能悉應而多經一次討論必可多見諸一次實行實行若何不外整頓擴充求教育之適宜以蕲至教育之普及而已諸君子回里之後可本此次會議討論之所得一一注重於實行其庶幾日起有功而即相與有成乎蓋凡天下事果能以實心實力行之未有不可收良好效果者教育亦然所貴行之以漸而復持之以恒則此會爲不虛矣臨別贈言願申斯指

胡教育廳長致江蘇第四次省教育行政會議閉會日贈言

本屆會議自八月一日起迄今已閱九日諸君在盛暑之中始終不懈所議各案均能詳細討論得告結束欣慰奚似夫言論爲事實之母有此言論固貴能見諸事實諸君所建議各案其目不勝枚舉一言以蔽之不外求地方教育之進行而已然經費如何籌畫師資如何培養義務教育宜如何實施小學教育宜如何整理其他實業教育社會教育又宜如何促進千端萬緒言匪艱而行維艱非由諸君竭其熱忱持以毅力始終以精神貫注之未易達實行之目的語曰有一分精神始能建一分事業精神與事業其關係有如此者諸君回縣以後務望振刷精神排除障礙本此次建議各案次第施行庶幾今日之言論異日悉見諸事實而此會議爲不虛矣諸君行矣鄙人將拭目俟之

議案一覽表

江蘇第四次省教育行政會議議案一覽表

(甲) 已有結果各議案

教育廳諮詢第三次省教育行政會議議決各縣教育經費分別整理擴張各項辦法是否均已實行案

省視學費玄韜請議八年度內地方教育應行規畫及改進案(甲項第一條)

宜興縣教育主任據屬潘烈芬等請議寬籌經費以圖逐年推廣教育案

吳縣勸學所所長潘起鵬請議實行帶征屠宰附稅特捐以充教育經費案

揚中縣教育主任據屬何穗生等請議整頓屠宰稅重申明令以助學款案

溧水縣勸學所所長張培方請議規定官中捐改由各縣勸學所徵收案

六合縣教育主任據屬張逸石等請議勸學所統一抽收中資捐案

蕭縣勸學所所長丁作四請議整頓各縣教育不動產案

江寧縣教育主任據屬凌玉成請議學校承領官荒作為本校基本財產案

溧水縣勸學所所長張培方請議明定忙漕滯納罰金成數提充教育經費案

溧水縣勸學所所長張培方請議明定忙漕滯納罰金成數提充教育經費案

議案一覽表

二

江陰縣勸學所所長祝廷華等請議忙漕滯納罰金完全撥充市鄉教育經費案

泗陽縣勸學所所長李景邦等請議將忙漕項下滯納罰金五成完全提充教育經費案

沐陽縣勸學所所長張卓東等請議指定滯納罰金以及田房稅契加征附稅以裕教育經費案

揚中縣教育主任掾屬何穗生等請議忙漕滯納罰金留縣之五成全數撥充教育經費案

江陰縣勸學所所長祝廷華等請議忙漕徵收費除額支外儘數撥充教育經費案

武進縣教育主任掾屬王需請議通行畝捐以裕教育經費案

蕭縣視學孟昭潛請議擴張教育經費應以增加畝捐爲劃一之辦法案

江陰縣勸學所所長祝廷華等請議通飭各屬一律開辦畝捐以濟教育困難案

溧水縣視學陳維國請議代徵畝捐撥充教育經費以資擴張案

銅山縣教育主任掾屬余國屏等請議履畝加征以裕教育經費案

銅山縣勸學所所長楊懋卿等請議徵收畝捐以裕教育經費案

邳縣勸學所所長趙開文等請議忙漕實行帶征畝捐案

吳江縣教育主任掾屬王葵等請議煙酒公賣帶征教育捐案

泰興縣勸學所所長蔡寶善等請議酌定於酒稅成數補助教育費用案

沛縣視學李昭軒請議酌加煙酒特捐補助市鄉小學經費案

崇明縣勸學所所長陶鑄請議實行前二次省教育會議議決帶征公賣於酒捐擴充教育經費案

邵縣勸學所所長趙開文等請議實行菸酒公賣帶征教育特捐案

儀徵縣教育主任孫屬顧承壘等請議帶征產銷稅以充教育經費案

崇明縣勸學所所長陶鑄請議自八年度始實行第二次省教育行政會議議決公布各縣征收牙帖附稅以充縣

市鄉教育經費案

江都縣教育主任孫屬吳恩棠等請議地方教育經費徵收機關應照額按期撥放案

常熟縣教育主任孫屬張祖誠等請議本年預算支配爲難請定標準案

吳江縣勸學所所長費攬澄等請議預籌水災各縣教育維持辦法案

常熟縣教育主任孫屬張祖誠等請議水災荒歉預算銳改請撥借省款維持學校案

常熟縣教育會會長王鴻飛請議各縣教育經費不能因偏災減少應另籌抵補方法案

教育廳諮詢實行義務教育計畫案

省教育會請議各縣分區試辦義務教育案

江寧縣勸學所所長王文樞請議核定試辦四縣義務教育費額提交省議會在八年度預算案內追加案

江寧縣教育主任孫屬凌玉成請議厲行義務教育應先養成師資案

上海縣勸學所所長李宗鄰請議畫區試辦普及教育案

江都縣教育主任孫屬吳恩棠等請議就全省各縣中選擇一二縣試行強迫教育以樹模範案

蕭縣勸學所所長丁作則請議施行義務教育分年籌備進行案

議案一覽表

議案一覽表

四

沛縣視學李昭軒請議調查學齡兒童預備實行強迫教育案

句容縣勸學所所長陳祖濂請議各縣擇區試行強迫教育案

教育廳諮詢整頓小學員視學注重點案

省教育會請議視學員視學注重點案

蕭縣視學孟昭潛請議小學校宜注意課外共同作業案

儀徵縣教育主任孫屬顧承壩等請議小學教員實行年功加俸辦法案

吳江縣視學邱庚藻請議規定獎勵高等小學校校長教員辦法案

青浦縣教育主任孫屬施恩需等請議變通小學校放假日期案

溧陽縣視學馬馨請議縮短小學寒暑假案

金山縣教育主任孫屬沈崇基等請議注重理化教授應推及小學以求普及物質的知識案

上海縣勸學所所長李宗鄰請議提倡國民學校課外運動案

武進縣勸學所所長徐學競等請議高等小學校添設實業科目應改為必修科並注重實習案

青浦縣教育主任孫屬施恩需等請議鄉村國民學校實施農業教育案

儀徵縣教育主任孫屬顧承壩等請議限制國民學校收受插級學生案

靖江縣視學劉樹圻請議通令各縣研究教育機關與縣志局合編鄉土誌案

青浦縣教育主任孫屬施恩需等請議小學教育對於兒童身體之養護應特別視察案

南匯縣教育主任掾屬顧忠宣等請議省立第二師範學校區轉太廣請議變更並增設學校案
儀徵縣教育主任掾屬顧承壠等請議增加省立師範學級並續辦甲種講習科以廣植師資案

松江縣教育主任掾屬顧葆康等請議滬海道屬應擇相當地點添設女子師範學校案

蕭縣勸學所所長丁作則等請議在徐州增設省立第三女子師範學校案

淮安縣勸學所所長阮師灝等請議增設江北女子師範學校案

泗陽縣勸學所所長李景邦等請議推廣女子師範學校以謀普及案

銅山縣勸學所所長楊懋卿等請議設省立第三女子師範學校於銅山以謀各邑女子教育發展案

寶山縣視學王鍾麟請議修改第三次省教育行政會議議決廣儲師資案

崇明縣勸學所所長陶鑄等請議呈請

省長變通前屆公布之廣儲師資續辦講習科案

江都縣教育主任掾屬吳恩棠等請議聯合缺乏女學師資各縣認定學額經費請托省立女子師範代辦甲種講習科案

江浦縣視學邢泰階請議續辦甲種師範講習所案

寶山縣視學王鍾麟請議省立第二師範辦理巡迴講授遍及滬海道屬各縣案

銅山縣勸學所所長楊懋卿等請議各師範學校教育應一律分區按期巡迴講習以便改良小學教育案

崇明縣視學施祖恒請議各省立師範學校多添設附屬小學形式務須簡樸地點宜在鄉村以資練習案

教育廳諮詢整頓實業教育辦法案

句容縣勸學所所長陳祖濂請議各縣宜酌提教育積敘金預備金籌設工場以裕學款案

靖江縣視學劉樹圻請議通令各縣酌設工業補習學校或補習科案

儀徵縣教育主任孫屬顧承壠等請議設立商業補習學校並令小學校學生往商店學習以期商學聯絡案
蕭縣視學孟昭潛請議縣立女子高等小學校宜增設女子職業補習科案

儀徵縣教育主任孫屬顧承壠等請議小學酌設補習科以注重職業教育案

江寧縣教育主任孫屬凌玉成請議各校製作物品公設販賣機關爲學生商業之練習案

吳江縣教育主任孫屬王葵請議推廣實業教育並增進教育經費案

泗陽縣勸學所所長李景邦等請議寬籌經費以興實業教育並養成師範生職業技能案

溧陽縣視學馬馨請議推廣工業教育案

江寧縣教育主任孫屬凌玉成請議儲養職業教員擴充補習教育案

江浦縣視學邢泰階請議職業教材就本地物產編訂教科書以求適用案

嘉定縣教育主任孫屬季朝楨等請議籌辦省立中等職業學校製造教育用品案

嘉定縣教育主任孫屬季朝楨等請議籌辦省立女子中等職業學校提倡國貨案

蕭縣勸學所所長丁作則請議徐州設立省立第四農業學校案

沐陽縣勸學所長張卓東等請議設立第四農業學校於銅山以謀農業進步案

淮安縣勸學所所長阮師凝等請議增設江北甲種工業學校案

教育廳諮詢促進社會教育辦法案

沛縣視學李昭軒請議整頓講演或改良戲曲以謀推廣社會教育案

江寧縣教育主任孫屬凌玉成請議推廣通俗教育救濟社會危弱案

宜興縣教育主任孫屬潘烈芬等請議勸學員暨學務委員一律兼任通俗講演案

溧水縣教育會請議令催各縣速辦圖書館案

蕭縣視學孟昭潛請議實行第三次省教育行政會議規畫社會教育進行案乙項設施方法第三條由省組織社會教育講演會案

金壇縣通俗教育館主任陳家風請議從速組織社會教育講習會案

青浦縣教育主任孫屬施恩霈等請議重申推廣通俗夜學校實施職業補習教育訓令案

江浦縣視學邢泰階請議推廣通俗夜學校案

豐縣教育主任孫屬汪泰楨等請議組織夜學校以補助社會教育案

豐縣教育主任孫屬汪泰楨等請議禁止纏足案

武進縣教育主任孫屬王霈請議修改整理私塾規程案

議案一覽表

八

興化縣勸學所所長劉循程等請議整頓各鄉學校所在地之私塾案

東台縣勸學所所長盧榕請議化私塾爲學校案

沛縣視學李昭軒請議實行取締私塾推廣教育案

銅山縣教育主任孫屬余國屏等請議限制私塾實行增加科學案

礪山縣教育會請議整理私塾宜重申前令并責成教育行政人員視察報告以期實行案

溧水縣教育會請議通令各縣舉辦私塾改良傳習所案

教育廳諮詢推廣體育辦法案

教育廳體育視察員王小峯請議各學校體育通信比賽應在各縣公共體育場舉行案

省視學林懿均請議已經公布之議決案應限期實行以求實效案

江寧縣視學孫濬源請議省立師範學校一律加授童子軍學科案

寶山縣視學王鍾麟請議組織童子軍年齡應有限制而重保育案

江寧縣視學孫濬源請議由省設立製造教育用品館案

丹徒縣勸學所所長道受章等請議縣署教育主任孫屬須有與勸學所長縣視學相當資格案

東台縣勸學所所長盧榕請議縣署主辦教育孫屬如以本地人充任宜畫清權限案

江寧縣勸學所長王文樞請議援案擬請獎勵辦捐紳商解款踴躍褒狀案

東台縣視學袁牧請議褒獎學董徵收各項特捐案

(乙) 付審查後未有辦法各議案

邵縣勸學所所長趙開文等請議酌辦小學教員講習會案

常熟縣教育主任掾屬張祖誠等請議整頓鄉村小學案

宜興縣教育主任掾屬潘烈芬等請議規定師範畢業生在籍服務年限暨歲俸標準案

沛縣視學李昭軒請議嚴定師範生服務章程得實行教授案

泰縣視學韓烺請議籌辦農商藝徒學校之方法案

揚中縣教育主任掾屬何穗生等請議各學校宜注重實業教育案

沛縣勸學所所長蔡春元請議江北各師範學校宜附設草帽技師養成所案

沛縣勸學所長蔡春元請議注重地方出產材料施行相當職業案

泰縣視學韓烺請議改良家庭教育以達普及之目的而為根本之要圖案

(丙) 未成立各議案

武進縣勸學所所長徐學競等請議應將忙漕滯納罰金帶加征收收費儘數撥充教育經費案

武進縣勸學所所長徐學競等請議恢復串捐以充教育經費案

興化縣勸學所所長劉循程等請議鹽助帶收以充教育經費案

泗陽縣勸學所所長李景邦等請議抽收田房契稅以裕學款案

沛縣勸學所所長蔡春元請議規定官契紙附捐補助市鄉教育經費案

議案一覽表

沛縣勸學所所長蔡春元請議征收鷄鴨蛋捐案

銅山縣教育主任掾屬余國屏等請議酌收鷄蛋捐以充教育經費案
豐縣教育主任掾屬汪泰楨等請議抽皮油毛捐以補助教育經費案

邳縣勸學所所長趙開文等請議抽收錢票特捐案

銅山縣教育主任掾屬余國屏等請議酌收紙幣捐以擴充教育經費案

東台縣視學袁牧請議規定繼產值百抽五以充市鄉教育基金案

高淳縣知事請議各縣教育經費倘已支配無餘擬於原有機關力求實際案

青浦縣教育主任掾屬施恩霈等請議小學課程以國文英文算術三科爲主科案

東台縣勸學所所長盧榕請議小學國文教員可否變通辦理案

東台縣勸學所所長陳祖濂請議小學校校長教員不得干預政治及選舉案

句容縣勸學所長陳祖濂請議各縣鄉區國民學校宜酌量謀改多級編製案

句容縣勸學所所長陳祖濂請議各縣鄉區國民學校宜酌量情形擴張級數案

太倉縣教育主任掾屬李士龍等請議延長高等小學校畢業限期案

沐陽縣勸學所所長張卓東等請議注重軍國民教育以救時局案

豐縣教育主任掾屬汪泰楨等請議籌辦國民高小補修科案

豐縣教育主任掾屬汪泰楨等請議籌辦模範小學校案

淮陰縣教育主任孫屬聞之駿等請議宜定各種學校標準成績以便攷查案

揚中縣教育主任孫屬何穗生等請議鄉村宜多設代用學校案

阜寧縣勸學所長江啓鋗等請議高等小學校分科教授案

寶應縣教育會請議國民學校舉辦畢業案

碭山縣教育會請議國民學校對於逾齡兒童宜用速成法促短畢業年限案

寶應縣教育主任孫屬王鼎彝等請議委托上海職業學校附設職業師範傳習所案

豐縣教育主任孫屬汪泰楨等請議趕辦學校林案

泰縣視學韓烺請議慎擇教育用品及英文書式案

嘉定縣教育會請議改良設置學董方法案

溧水縣視學陳維國請議勸學所職掌將攷核學校成績籌集經費兩端明令加入以專責成案

沛縣視學李昭軒請議組織教育行政人員參觀以利進行案

溧水縣視學陳維國請議本省外國教育參觀團回國後報告心得召集各縣教育行政人員來省聽講案

青浦縣教育會會長陳龍章等請議縣教育會宜實行研究參觀案

青浦縣教育主任孫屬施恩需等請議填發畢業文憑應行學並列案

揚中縣教育主任孫屬何穗生等請議省縣各學校宜添國語講習科案

銅山縣勸學所長楊懋卿等請議變更各省立學校招生時期以免投攷困難案

議案一覽表

議案一覽表

丹徒縣教育會請議各縣應一律組織市鄉教育會案

寶應縣教育會請議速辦成績展覽會案



議決案

整理屠宰稅教育特捐案

按照第三次會議議決公布甲乙兩款辦法請教育廳長呈明 省長重申前令責成未行各縣知事限接到此次公文後一月內舉辦並將辦理情形具報其有已經舉辦而征數未照定額者亦令照章切實辦理務令此項教育特捐按照正額應佔成數一律征足不得稍有虧短以明責成無論包徵與否應查照第三次會議議決案乙項辦法每月終勸學所長實行向縣公署具領捐稅總數三分之二

附諮詢案及請議案原文

教育廳諮詢第三次省教育行政會議議決各縣教育經費分別整理擴張各項辦法是否均已實行案

本省第三次省教育行政會議議決各縣教育經費分別整理擴張各項辦法如整理各縣屠宰附稅中資捐縣市鄉教育款產並原有附稅增加教育費成數等各案早經呈奉

省長核准通令各縣遵辦在案現在已屆一年所整理者現狀如何所擴張者成效如何其間有無窒礙難行或

議決案

二

須損益之處應各就地方情形詳加討論以資修正而利進行

宜興縣教育主任 潘景洛
勸學所長 潘烈芬 請議寬籌經費以圖逐年推廣教育案(第六項)
縣視學儲蘊華

經費爲事業之母欲求教育之發展首在經費之擴張本省各縣教育經費全恃忙漕附稅而附稅之用途又不僅教育一端彼此分配所得本屬有限間以年歲豐歉不時徵收遲速無定即其應得之稅款尙難足額維持現狀殊非易事然教育事業自當與年俱進擴充捐稅洵爲目前要圖茲就管見所及可望擴充者約有數端述之於下是否有當敬請 察核交議公決

一忙漕滯納罰金

上年省議會議決公布前項罰金自七年度起省縣各占半數其縣有之款儘可撥充教育之用

一蘆課山絲門攤附稅

是項附稅各縣往往不歸教育之用自應設法收回或按照忙漕附稅支配方法辦理

一帶徵煙酒公賣特捐

屠宰及契稅同爲國家正稅前已帶徵教育特捐則烟酒公賣稅亦爲國家正供之一似可倣照辦理

一擴充教育所占忙漕附稅成數

各縣警察自省費停止後卽侵用地方附稅以致教育應占附稅成數往往不足第警察並非自治事業又非省令規定撥用之款自應全數收回遵照 省頒修正籌劃縣市鄉教育費辦法將附稅內教育費一律

占至八成

一增加固有款產租息

各縣公產租金暨公款息金前定利率甚為輕微亟應參照近時租率酌量增加以裕收入

一整理原有各項捐稅

各縣遵辦之屠宰稅附稅暨新辦之地方貨物特捐辦法未能一致收數各有短長甚至積欠不償款歸烏有亟宜切實清理藉免流弊

吳縣勸學所所長潘起鵬請議實行帶徵屠宰稅特捐以充教育經費案

屠宰稅帶徵特捐三分之一以充教育經費迭經省長兩次公布在案而吳縣尚未舉辦其他之未辦各縣大約不少數繼以教育事業日圖推廣長官文告督促進行而一言經費則束手無策此項特捐亦旣公衆議決經最高級長官公布執行而尙不能實力辦到其他之籌款方法更不足論矣應請廳長轉呈省長訓令未辦屠宰稅特捐各縣刻日舉辦以維教育而符省令是否有當謹請公決

勸學所所長姚湘
揚中縣縣視學何玉卿請議整頓屠宰稅重申明令以助學款案
屬何穗生

查整頓各縣屬屠宰稅業經第三次教育行政會議議決公布在案六十縣中按照定章實力整頓者固不乏人而泄泄沓沓陽奉陰違者亦所在多有以致稅款無所增加教育毫無補助推原其故非由于利歸中飽即由于顧恤情面蓋自整頓令下各縣率皆派員調查各屠戶運動調查員每戶月出私費若干請其以多報少扶同隱

匿年終統計收數較上年一無所增公家雖有整頓名目適以飽稽查者之私橐擬請省長重申明令嚴飭各縣知事遴派委員會同勸學所破除情面認真稽查援照上海辦法每日宰豬若干口須至本處警局蓋戳記以杜私宰按月造冊呈報違者查出罰辦如此則屠戶無從朦混利益不得中飽至鄉鎮散處警局蓋戳勢難遍及可用包捐之一法區區管見是否有當謹請公決

整理中資捐案

征收中資捐或縣知事或勸學所由各縣斟酌便利按照向來情形辦理並另定省頒暫行中資捐征收規程施行細則如左

第一條 中資捐按照省頒暫行征收規程由縣知事於契紙投稅時一併帶征如勸學所爲征收便利起見得呈請縣知事承領官紙代爲發售直接征收

第二條 中資捐按照省頒暫行征收規程第三條規定成數征收不得有浮收短少等弊如各縣現行中資捐有按照地畝計算或另有特別情形者均得按照地方開章辦理

其有地方習慣向無中資者得比照各縣規定中資捐成數一律征收教育費
第三條 凡地方典賣產業所有應出中資須由得主核明正價若干中資若干及中

資內應出中資捐若干於付價時將應納中資捐於中資內照數扣存一併於契紙投稅時代爲完納其由勸學所直接征收者應即向勸學所繳納

前項征收機關應否支給經征費用由各縣察照向來習慣核其收數酌量辦理但支給至多不得超過總數十分之一

第四條 徵收中資捐應製就三聯印單隨時填發一給納捐人一存縣知事公署一存勸學所以便互爲稽考至此項三聯印單或由縣知事或由勸學所視各縣征收情形而定（如縣知事征收則由勸學所加蓋圖記呈縣填發如勸學所征收則由縣知事印發勸學所分別繳給）

前項三聯印單式樣由各縣斟酌徵收情形自定之

第五條 徵收中資捐無論縣知事或勸學所每屆月終應將徵收實數宣示或報告（如縣知事徵收則宣示勸學所如勸學所徵收則報告縣知事）並將每月投稅契根比對以資考核

第六條 勸學所對於中資捐有稽查隱匿之責倘得主及中證有串匿情弊一經查實即行指名呈請縣知事究罰以重學欵而警效尤

第七條 本細則議決公布後由縣知事布告施行

附諮詢案及請議案原文

教育廳諮詢案見前

溧水縣勸學所所長張培方請議規定官中捐改由各縣勸學所徵收案

各縣教育經費除額定之附稅外則惟雜捐是賴雜捐之收數較巨者莫過中資捐本年官中雖云廢止而中資捐仍奉令抽收若不切實規定辦法則民間買賣必致隱匿價格真相難窺現擬將該項官契紙發交各縣勸學所承售即由各該所派員代書仍填明循環簿並收入應納捐款由所呈報縣知事以資攷核于稅契上既多利益而于學款上亦可增多矣當否應請公決

六合縣勸學所所長厲式鉉
六合縣教育主任張逸石
掾屬朱振宇
縣視學

請鑒核交議勸學所統一抽收中資捐案

爲請議事案查官中自奉一部文取消後本省各縣教育經費上無不受其影響雖經省公署第一千一百八十六號訓令內開本省前頒徵收中資捐規程與官中存廢毫不相關仍應遵照辦理等因在案然查前頒規程係對於習慣上中証酬勞費而設究與法定之官中性質責任有別法定之官中前雖有中飽串匿等弊尚有填具循環簿等可資憑攷習慣上之中証則既無責任又無憑攷且凡成一契時中証每不止一人如中資分潤以後再對於此項中証抽收教育捐事實上斷難辦到即使多方設法認真稽查恐亦難得圓滿之效果現在欲籌救濟方法擬將十分之二之中資捐依照契價責令受業人於成交時三面核算提存於投稅時隨契價代納並

由勸學所出具三聯印單先期呈送縣署於代收時隨時照單填給以昭憑信似此統一抽收契稅學捐庶可兩有裨益是否有當敬請公決

附呈擬具勸學所統一抽收中資捐細則八條並三聯單式

第一條 勸學所依照民國四年十二月間頒布中資捐規程實行抽收中資捐專爲補助縣市鄉教育經費之用仍請縣署於稅契項下按照契價代徵

第二條 徵收中資捐按照定章以十分之二爲限不得有浮收短少等弊

第三條 先請縣署出示布告自某月某日起凡地方買賣財產成交時須三面核算正價若干中資總數若干應納中資捐若干即於成交時由受業人將應納捐款截留於稅契時代納

第四條 縣署代徵中資捐時應將勸學所呈送三聯印單隨時填發一給受業人一存縣署一發還勸學所備查另由縣署加蓋代徵戳記每至月終由勸學所憑單派員與縣署結算

第五條 查照本省第三屆教育行政會議議決整理中資捐原案請縣署責令稅契徵收處每逢月終將代徵實數報告勸學所並將每月投稅契根查出比對以資攷核

第六條 勸學所應同負稽查隱匿之責倘受業人與各中証有串匿情弊一經調查確實即行指名呈請縣署核辦以警效尤而維學欵

第七條 以上抽收細則專指買產而言至典產交易應照章減半抽收

第八條 本細則俟呈經議決後即施行倘有應行變更之處隨時呈請修正

議決案

三聯單式

八

根存	備查	收照
第號	第號	第號
今據 代納十分之二 中華民國年月日	令據 代給十分之二 中華民國年月日	某縣勸學所爲發給收照事案遵 省章抽收十分之二中資教育捐由縣署隨契價代 收業經呈請核准在案茲據
呈稅 契正價銀 除填給代納人 外合行照數填具存根	呈稅 契正價銀 除填給代納人 外合行照數填具發交勸學所存查	呈稅 契正價銀 代納中資捐 合行填給收照爲憑
中華民國年月日	中華民國年月日	中華民國年月日

整理各縣縣市鄉教育款產案

請 省長查照第三次會議公布整理各縣縣市鄉教育款產案限令各縣切實辦理
附諮詢案及請議案原文

教育廳諮詢案見前

省視學費玄韞請議八年度內地方教育應行規畫及改進案(甲項第一條)

歐戰告終國際間之生存競爭必愈演愈劇欲謀爭存於世界自非增進教育事業不爲功吾省舉行地方教育行政會議於今已屆四次歷屆議決應興應革之事固已逐漸推行教育基礎實無搖動之虞惟際此新潮湧湧一日千里趨勢所及斷非安於故步者所能立足查第四屆全國教育會聯合會大會議決各案呈

部公布類皆見諸實施持是方針定自中央推行期於省縣此次會議似宜抱定革新主旨力謀今後適宜之教育茲擬於八年度內之地方教育應行規畫及改進事項列舉如左是否可行應請公決

甲 關於規畫事項

(一)釐正教育經費 教育經費之竭蹶情形今復如昔開源既屬不易節流亦有難爲惟從事清理着手較有把握查各縣之固有教育經費或辦理不善歷年多所虧短或挪移別項用途之性質不明或有應行帶徵款項迄未見諸實行凡屬此類應由各縣知事責成勸學所所長切實釐正由勸學所刊印各項款產收入支出之詳細清冊於每學年終公布周知庶款項由清理而增加收支得核實而徵信

(二)調查學齡兒童 推廣小學事關緊要如非着手調查學齡兒童則計畫殊難確切現擬調查辦法縣分若

議 決 案

一〇

干區區分若干段調查員即由每段之中選派擔任調查表式注明戶主及男女人口年齡並詳明已未入學調查務須切實遇事勿涉敷衍應由縣知事會同勸學所長詳訂辦法呈核令行於八年度第一二學期內辦理竣事呈報省廳以備考核

(三)試辦義務教育 普及教育久習聞聽現查山西全省義務教育已確定辦法期於民國十年二月辦理完竣吾省風氣豈落人後對於義務教育尤宜亟行規畫惟茲事體大斟酌不能不詳辦法目的考慮宜求周至現擬由縣酌量實力就各區內之易於着手者先行試辦於八年度第三學期內擇定地點妥擬辦法呈報省廳核准於九年度學年開始時一律成立

(四)推行職業教育及補習教育 各國社會之發達固由於教育之普及其實在由於實業之進步現查吾國職業教育萌芽已植值此時局之感受咸有提倡之覺悟補習教育迭奉 部省令行設立亦已漸次推行茲擬由各縣學務人員研求各本地之情況實力推行並注重適宜之智識技能比較成績增進實業之發達勿僅誇耀職業及補習之名爲切要也

(五)注重體育 增進人人智識技能之發達必須鍛鍊人人之精神體魄始有相濟之功則體育之宜注重也審矣現擬對於社會體育除設立公共體育場切實整理外由各縣組織體育會以盡研究倡導之責對於學校體育除增設關於體育上設備及各種器械外應加授武術並注重課外運動各校年開運動會一次公共體育場年開聯合運動會一次以資比較而示提倡

(六)培養師資 師資缺乏各縣皆同即爲維持現狀計合格教員已屬不給而況學校須賴擴充各種專科又

在提倡設僅賴各省立師範少數之畢業生安能應各校之需求勢非設法培養不足以事推廣現擬由縣組織縣立師範學校如一縣之實力不充得聯合他縣合併組織此項師資專供推行義務教育之用

(七) 優待教員 小學教員責任綦重查各縣教員薪俸微薄者比比皆是是非優以待遇不足以重久任之責現擬由各縣勸學所酌量情形規定年功加俸之例庶得優以權利而專義務

(八) 推廣童子軍 童子軍創辦以來成績漸著值此社會道德凌夷之日人格教育未普及之時亟宜將童子軍切實推行以謀補救之方擬定於八年度內童子軍未辦之處趁期成立其在已設之處須推行擴充切實整理以端國民服務之責任心而收將來改良社會之效

乙 關於改進事項

(一) 學校實施方面之改進 教育之收效視乎目的之確定而目的之確定尤須應乎世界之趨勢及個人之特性並注意於各地社會之情形設以舊習之形式為永久之定則恐鑿枘不容非惟不能收教育之良果抑且蒙教育之桎梏斷不足達將來教育所持之目的故對於學校實施方面不能不有改進之方式茲擬於各縣設立小學教員研究會對於學校內之教授管訓及一切設備應加革新之處詳加研究並將研究結果呈報教育廳考核刊登公報以資研求而示提倡

(二) 社會教育實施方面之改進 社會教育推行以來如公共體育場通俗教育館通俗圖書館大率已經成立惟辦理合法固不乏人而敷衍設立不事增進者亦所在多有此固由於社會教育事重身大效果不易收穫惟值此社會活動之時正宜因勢利導多方發展查社會教育所設機關雖各有特殊之性質而各機關之

實施方法自具聯絡之精神現擬由各縣組織一社會教育聯合研究會研究聯絡之精神發展特殊之性質並喚起一般社會之趨嚮以冀已辦者益加精進未辦者尅期成立須知教育原不限於學校而學校實有賴乎社會也

蕭縣勸學所所長丁作則請議整頓各縣教育不動產案

今日關於經理教育款產問題有急應請求整頓者即對於各縣所有不動產每因卷宗記載不詳或無案可稽易至於短少隱沒是也夫以數百年或數十年歷經先代官紳鄉賢所創辦或捐助之原田房產以備我後人作庠序之歛者至今日而或至於短少隱沒無法整頓亦最痛心之事矣作則有感於此擬請通令各縣亟應整頓者數端（一）凡關於所屬教育不動產須尅期調查詳確呈報各上級主管教育官廳存案（二）凡關於不動產界址沿革須繪圖列說明書詳細登記（三）凡關於不動產須詳造表冊刊圖分佈以資流傳（四）凡經理不動產須詳定經理辦法呈報教育廳以資核實皆今日對於教育不動產應行整頓之法似不容稍緩者也管見如此是否有當敬祈公決

原有附稅增加教育費成數案

仍照原案請省長申令施行

教育廳諮詢案原文見前

宜興縣教育主任 潘景洛
勸學所 所長 潘景華
視學 儲蘊華
潘景華請議寬籌經費以圖逐年推廣教育案（第四項）原文見前

學校承領官荒山地案

各縣應調查官荒山地列表具報請教育廳長轉呈 省長聲明定章咨部核撥
附請議案原文

江寧縣教育主任據屬凌玉成請議學校實行承領官荒作爲本校基本財產案

頃閱范靜生先生調查美國教育報告於學校經費一項載有地方荒地撥與學校作爲基本財產地歸校有設法利用經營鑿闢收入自豐云云竊歎美國教育之發展國家能以全力擁護之培植之也吾國設官產處搜括不遑凡有無主荒地均將指爲官產而變賣惟恐不速致省縣一切教育上之計畫不克見諸實行無他繙於經費能僅僅保持目前現狀即已幸矣省教育預算費既已無可增加縣教育預算費又苦難於籌措是教育根本已全陷於窘迫境地復何言哉成於上屆省教育行政會議會援據民國四年 農商部咨行各省學校附近官荒山地得由學校承領植苗種樹一案具書請議並請轉呈 省署通飭省縣各校一體實行迄今日久尙鮮有實行者是學校之於經費但注意現款之收入而於此莫大之利源不爲致力殊可惜也現在民生貧乏凡關於地方學捐各項已有者徵收爲難未有者籌集不易惟此土地天然之利益大有可圖各縣無主官荒所在皆有誠於此急起而收得之復加以全力之經營將見十年以後成效聿著矣謹擬具承領辦法數條開列於左

一省立學校附近查有官荒山地即由該校繪具圖說造具畝數及四至清冊呈由 省署飭縣調查如果實係官荒經縣呈復卽由 省署發給執照一面令知官產處此項官荒不得復賣

一縣立或區立學校得查照省校領地辦法如有官荒呈縣查明屬實發給執照由校管業一面並咨官產處存

一學校領地以後須將逐年墾植計畫繕具說明書送呈省縣各官廳查核如三年以內聽其荒廢即由官廳將地收回轉交他校開墾

一省縣各校領得此項官荒所需墾闢各項費用得列入每年經費預算作正開支俟生息有資再將此項墾闢費以次遞減

一此項官荒或宜於植苗或宜於種樹由各校察視土宜辦理有土地距校較近者除召工刻期墾治外並須留地若干畝藉爲學生農業上之練習

一土地墾闢以後至生產時期年收花息若干列入經費預算而此項基本財產由校永久保存不得擅行抵押或變賣

溧水縣勸學所長張培方請議領墾官荒山地以裕教育基金案

竊以教育爲立國之大本辦學以經費爲前提吾邑教育經費以附稅爲大宗其餘學產收入甚微統計全年收數不足萬元而市鄉之添費添級歲有增加以固有之款應固有之需尙虛不逮遑云推廣前屆省教育行政會議曾有酌收各項特捐之公布無如地方或囿于習慣致未能舉辦或阻力橫生而不獲進行此所謂雖有知者不能善其後也職所責司規畫自當設法維護查本邑官荒山地隨在皆是雖經農商部頒布召領明文而承墾者實屬絕無僅有現擬實行調查境內官荒山地有主者陳明証據勸令報糧開墾無主者准由人民購領種植至附近學校官荒仍遵法定學校造林條例辦理所得之價值或利益即作推廣學校之基金苟能野無遺土地

無遺利是國稅既可以增加學款亦藉資補助矣管見所及敢請公決

忙漕滯納罰金留縣五成撥充地方教育費案

留縣五成應全數撥充教育費如有特別情形亦得比照各縣原定附稅項下教育費成數酌量支配

附請議案原文

宜興縣勸學所長潘景洛
宜興縣教育主任潘烈芬請議寬籌經費以圖逐年推廣教育案（第一項）見前
視
學
儲蘊華

溧水縣勸學所所長張培方請議明定忙漕滯納罰金成數提充教育經費案

查忙漕滯納罰金充作地方公益曾經省議會議決咨請 省長公布在案教育固地方公益之一分而尤爲凡百事業之母自應儘先提用惟各縣對於此項罰金支配既無標準用途亦涉含糊若不明定成數洵屬空言無補謹按忙漕附稅規定教育費得占十分之四至十分之八逾限加增既與附稅性質相等似亦可仿照附稅提充教育費成數將此項罰金總數明令規定得提十分之四至十分之八以充教育經費庶幾實事求是而免徒事紛爭是否有當應候公決

江陰縣勸學所所長祝廷華等請議忙漕滯納罰金完全撥充市鄉教育經費案
視
學
章鼎治

按查忙漕滯納罰金一項歷屆省議會議決半歸省用半歸地方之用雙方兼顧辦法似極公允惟各縣對於此

項罰金每年究有若干在知事署從未公布隱匿挪移勢所難免省議會議決案內有歸市鄉分成支配充各項公益之用等語現在市鄉公益事宜最重要者莫如興學而教育經費艱窘萬分無欵可籌請將此項罰金完全撥充市鄉教育經費以濟急需是否可行應請公決

泗陽縣勸學所所長李景邦 請議將忙漕項下滯納罰金五成完全提充教育經費案

查省議會議決滯納罰金截留十分之五歸市鄉公用業經 省長核准訓令各縣在案際此教育經費奇絀之時另籌不易擬請由教育廳呈請省長訓令各縣知事將此項經費完全撥歸教育經費同爲公用核與原案亦符是否可行請公決

沐陽縣勸學所所長張卓東 請議指定滯納罰金以及田房稅契加徵附稅以裕教育經費案

查滯納罰金一項前經省議會議決五成解省五成留地方作公益用教育爲培植人材起見其益較他項爲尤重擬請永撥歸教育經費以資挹注若田房稅契原有帶徵百分之一歸教育經費現中資捐奉部令取銷教育費收入驟形減少擬加收百分之二以補其不足是否有當均希公決

揚中縣 樂視 學何玉卿
屬何穗生 請提議忙漕滯納金留縣之五成全數撥充教育經費案
勸學所所長姚湘

忙漕納滯金前經省議會議決扣留五成充本縣市鄉經費業奉 省長明令公布查各縣市鄉辦理公益不一而足而撮其最重要者總莫過于教育而教育經費各縣均形支絀設法籌欵羅掘俱窮辦事者異常棘手擬請將各縣忙漕滯納金全數撥充教育經費庶於教育上得所補助而教育亦可漸期發達謹陳管見請付公決

忙漕徵收費盈餘撥充地方教育費案

各縣徵收費開支贏餘應請教育廳長轉呈 省長查照省會議決公布案申令撥充
地方推廣教育之用

附請議案原文

江陰縣勸學所長祝廷華等請議忙漕徵收費除額支外儘數撥充教育經費案
竊維推廣教育必先寬籌經費此主持教育者所同認為根本問題而不得不急圖解决者也我蘇省六十縣中

教育經費綽有餘裕者固亦有之而欲圖推廣難於籌款者實居多數設因籌款無着而事事擱置此因噎廢食
決非辦學之根本計畫也廷華對於地方教育夙抱積極進行宗旨主張一方面擴充一方面籌款因思籌款一
事至不易言與其創辦各項特捐事實或有窒礙不如請撥原有款項輿論共表贊同查上年召集第三次省教育
行政會議時廷華曾請議加二厘忙漕徵收費以補助全縣教育經費未經議決竊以此項徵收費無論四厘
六厘悉係地方人民負擔在縣公署雖有正當開支而每年所餘多則逾萬少亦數千既不解省又不發還地方
各縣知事完全據為已有過問殊不可解况改革以來各縣行政經費早經規定在長官決不至以此項餘
款調劑屬員在地方斷不願以此項餘款悉聽中飽現在各縣推廣教育需款甚殷若以此款撥充教育經費一
轉移間化私為公辦法似極正當畝邑征收費向係四厘無錫向係六厘現在如可援照無錫辦法改為六厘則
餘款更鉅即不然各縣仍照原定征收之數除額支外儘數撥充教育經費當亦不無小補為特備案請議敬祈

公決

徵收畝捐以裕教育經費案

推廣教育需費甚鉅應請 省長查照第三次會議呈送議決徵收畝捐案公佈各縣一律辦理除原徵正附各款外每畝徵收地方教育捐銀二分至六分其數額由各縣知事會同地方士紳於前額內察酌擬議呈請核定其有已經辦理逾於前定數額者得仍照舊辦理至縣市鄉分配應比照各縣原有附稅縣市鄉支配成數定之如有特別情形不能按畝帶徵者亦得變通辦理但須比照每畝應徵之數徵收之

附請議案原文

武進縣教育主任王需請議通行征收畝捐以裕教育經費案

查蘇省教育經費多恃忙漕附稅爲大宗附稅有定數教育無止境以有限之經費辦無窮之事業將至削足適履而不可得其危險孰甚一遇荒歉更無論已其餘款產租息爲數本屬無多各項特捐抽收僅資小補欲求事業之發展宜先經費之寬籌畝捐一項取之不虛集之成數行者已有數縣似可全省通行即以武邑論有田二百五十餘萬畝每畝捐銀二分歲可得銀三萬餘元全數撥充教育經費此外苛細雜捐一概廢止免滋煩擾仍以地方捐欵培育地方子弟當不致有困難此案雖經上屆省教育行政會議議決迄今已閱一年可否通行有無窒礙應請廳長鑒核交議

蕭縣視學孟昭潛請議擴張教育經費應以增加畝捐爲劃一之辦法案

各縣教育事業日益發展教育經費日形窘促况近年來社會教育職業教育之進行雖迭奉省令催辦又莫不仰屋興嗟縱能敷衍一時斷難規畫永遠所以辦理教育人員逐年束縛於經濟之中受無形之限制不能實行施展誠以忙漕附稅僅有此數而酌收各種捐稅各縣情形不同徵收之數相差亦鉅惟有畝捐一項取之於多數農民負擔既爲平均徵收亦免苛細各縣帶徵若不逾正稅十分之五既非違背稅法似不妨每年增收一二分以爲教育費收入之大宗較之他項特捐特稅辦法似爲劃一是否可行敬請公決

江陰縣勸學所所長祝廷華等請議通飭各屬一律開辦畝捐以救濟教育困難案

竊維教育事業固宜逐年推廣而教育經費尤當逐年擴充此乃一定不易之理顧事有難言者以敝邑情形而論自光復以來小學逐年推廣而經費之艱窘年甚一年零星籌款往往耗無數心血費幾許筆墨始達目的究之所入甚微無裨大局地方應辦之事甚多而教育經費無米待炊危急情形不可終日廷華備歷困難因思非籌大宗的款教育永無發達之期南通無錫等縣辦學成績之優良畢竟由於經濟之寬裕廷華周諮博訪各縣教育經費之困難實居多數籌款問題關係教育命脈當爲人人心理所同查上年召集第三次省教育行政會議時淮揚徐海各屬縣視學杜壽祺等曾請議徵收畝捐作爲固定教育經費案當經議決各縣已經實行者應照舊辦理其未行各縣應由縣知事體察地方情形呈請省長核辦事閱一年各縣對於此項議決之案未能積極進行致良好政策徒成畫餅寡不可惜夫地方教育經費應由地方人民負擔此係各國通例矧國民教育人皆有就學之義務以地方之財力培植地方之兒童計無有善於此者敝邑勸學所本年開教育會議時曾提

議決案

二〇

議請援上海成案帶征畝捐補助教育經費當經議決呈縣詳省在案各縣因教育經費困難擬籌大宗的款以爲逐年推廣地步者對於此案諒表贊同應請 處長交議飭知各縣應否一律開辦畝捐以資救濟敬祈公決 漢水縣視學陳維國請議代徵畝捐撥充教育經費以資擴張案

謀教育事業之發展首在經費之增加否則未有不爲教育之障礙者吾蘇經費較多之縣如南匯海門如皇等處莫不恃代徵畝捐爲逐年教育費收入之大宗中小各縣特捐既少附稅亦微故步自封無論未來者無添設之希望即已有者亦恐鮮整理之精神極其流弊必至任主管長官之督促而下無以應茲擬請通令經費支絀未徵畝捐各縣察酌地方情形籌議舉辦以地方之膏血還以文明其地方查與 省頒第三次籌畫縣市鄉教育費規程第一條並無抵觸是否可行應請公決

銅山縣教育主任 據屬余國屏 請議屢畝加征以裕教育經費案

查第三屆省教育行政會議議決案此案爲省議會之建議案迄今一載尙未宣佈吾省各縣教育經費多屬不敷雖知教育爲強國之本而經費不足何以發展况人各有子弟皆有田畝吾省各縣建此議者不一而足若不於此注意卽有他處零星雜捐恐無大裨益擬案畝加征制錢五文由漕忙代征常年大縣可征萬餘元小縣可征五六千元取之於民而仍培養其子弟庶吾省教育前途可日見發達是否有當恭請大會表決

銅山縣勸學所 所長楊懋卿 學張明新等請議徵收畝捐以裕教育經費案

竊維救國之道以教育爲根本計劃其發展之程度與經費之多寡爲正比例年來規劃順序計日程功發達頗稱迅速雖有阻力無礙進行惟經濟方面不能與之同時增進以致困窘束縛事與願違開源之法大都苛細繁

瑣與事無濟等思再三不得不出於畝捐一途明知地方擔負已重本不忍再事加增無如存亡所關權衡輕重非此不足以促猛進而收實效以每畝帶徵銅幣二枚計之比之他項負擔不過得百分之一爲數已屬可觀且能取之於人民者仍用之於人民地方明達士紳平日徵詢其意見時本不反對徐屬各邑教育遲鈍欲求與全省平均進步舍此更無良圖可否請由廳長呈請省長通令銅蕭等縣及情形相同者准其試辦以裕經費來源是否可行仍請公決

邳縣勸學所所長趙開文
學顧視賢請議忙漕實行帶徵畝捐案

銀糧帶徵畝捐一案經第三次省教育行政會議議決江北各屬奉行已有數縣近江北人士談及經費問題罔不以畝捐一項爲教育根本中之根本非好雷同也誠以江北各屬土肥且廣民恃田畝生者百人而九十九養既資於田畝教更資於田畝理由一權利義務相準而行江北中人之家均有田畝亦均有子弟加捐於田畝無畸重畸輕之弊理由二况不由銀糧帶徵而由地方紳董徵收者已成慣例強者取巧弱者受虧不均不平莫此爲甚理由三據此理由敢請仍踵前議實行銀糧帶徵畝捐二成是否有當應請交會公決

菸酒公賣帶征教育特捐案

仍根據第三次會議議決案請

省長查照第二次會議議決菸酒公賣帶征教育特捐咨明財政部訓令江蘇菸酒公賣局分行各區模仿照屠宰稅例按其正額帶征三分之一

附請議案原文

宜興縣教育主任 潘景洛 請議寬籌經費以圖逐年推廣教育案(第三項)見前

視學 儲蘊華

勸學所長 潘景洛

吳江縣教育主任 楊屬王 葵 請議菸酒公賣帶徵教育捐案

視學 邱庚藻

各縣教育經費俱極支絀保持現狀且形困難遑論擴張而教育事業與年俱進不能不寬籌經費查煙酒公賣帶徵教育特捐一案早經有人創議迄未見諸實行竊以煙酒本屬消耗品國家寓禁於徵即重徵亦不以為厲民果能實行帶徵於民生上不致深受影響而於教育經濟上挹注實多應請廳長呈請 省長准予通令仿照屠宰稅帶徵三分之一以補教育費之不足是否可行謹請鑒核交付公決

泰興縣勸學所所長蔡寶善 請議酌定煙酒附稅成數補助教育費案

竊維振興教育以經費為基礎教育事業宜逐漸推廣教育經費自宜逐漸擴充惟各縣教育費除原有忙漕附稅及基本租金捐稅外若欲再事籌加又恐增人民負擔查各國通例對於消耗物品均係特別重稅吾蘇煙酒貿易較他省暢旺擬請酌定附稅成數責成各公賣局帶收於人民生活似無妨害而於教育前途則大有補益其已行煙酒教育捐縣分一律改歸公賣局帶收亦可藉免中飽之弊例如屠宰稅帶徵教育捐行之數年毫無窒礙若公賣局帶收教育捐撥諸該局章程尙無抵觸之處惟應規定帶收成數庶可免弊竇而資挹注是否有

沛縣視學李昭軒請議酌加菸酒特捐補助市鄉小學經費案

地方情形不同故征收之種類不能一致第各項雜捐零星參差手續繁重而收入無幾籌款之法要在手續簡而收入多查菸酒兩項行銷最廣擬就該管行業按其捐納之數加征三分之一由公賣局代征分撥充作小學經費其法簡而易行以人民虛耗之款作市鄉有用之資取之既不爲苛於教育大有裨益是否有當謹請交會公議

崇明縣勸學所所長陶鑄請議實行前二次省教育行政會議議決帶徵公賣菸酒捐擴充教育經費案

各縣教育之能否擴充以經費之能否擴充爲斷而徵收教育經費又當以法令已否准許帶徵之附捐爲斷查全國菸酒公賣暫行簡章第七條已設公賣局地方應將原有之菸酒各項稅釐牌照及地方公益捐等由公賣局代收分撥四七兩年行政會議又復一再議決呈請實行是於公賣菸酒帶徵地方教育經費上下主張不謀而合是否實行應請廳長鑑核交議

邵縣勸學所所長趙開文請議實行煙酒公賣帶徵教育特捐案

煙酒公賣帶徵教育特捐一案經第二第三兩次省教育行政會議議決數年於茲迄未舉行以此項消耗品之多徵捐稅原不爲苛矧當此教育經費奇絀之時百方羅掘如忙銀屠宰契稅等無不帶徵何獨任此消耗品之煙酒雖議決二次而不見實行敢請仍照前二次議決帶徵教育費三成案呈請實行是否有當即希公決

貨物稅帶征教育特捐案

請由省長令行財政廳轉令江蘇各稅所按照解庫正稅比較定額帶徵地方教育

特捐十分之二照額按期咨解所在地方縣知事公署查收轉撥並每年由教育廳咨請財政廳將正稅比較數抄送以便分行各縣稽核收數惟地方義務與權利須求平均其有本縣並無稅所而產銷貨物經由鄰縣稅所徵收者（例如武丹閔庫等二縣以上合設一稅所者）應由關係之各縣協同查明各本縣納稅總數核實支配其因別項用途已有帶徵者此項教育費亦仍一律辦理

附請議案原文

宜興縣教育主任潘景洛請議寬籌經費以圖逐年推廣教育案（第六項）見前

儀徵縣教育主任樊德馨請議帶徵產銷稅以充教育經費案
勤學所長顧承標請議帶徵產銷稅以充教育經費案
視學古思公請議帶徵產銷稅以充教育經費案

查各縣教育經費異常支絀悉心籌畫僅能維持現狀以言推廣即苦於無款應付矧教育爲國家命脈所在當然有擴充計畫故籌款一項刻不容緩茲擬請於本省各稅務所帶徵產銷稅二成撥充各縣地方教育經費其理由有二開列於後應請廳長鑒核交議

縣屬產銷稅凡各縣本地所出之土產無論運銷外境及本境者均應帶徵二成以備推廣學校經費取之尚不爲苛用之實屬有益其理由二忙漕契稅均爲國家正供業已帶徵教育經費貨物稅事同一律亦可帶徵其理由二

征收牙帖附稅以充市鄉教育經費案

請 省長查照第一二三兩次會議議決公佈案申令未行各縣切實辦理

附請議案原文

崇明縣勸學所所長陶鑄請議自八年度始實行第二次省教育行政會議議決公佈各縣徵收牙帖附稅以充縣市鄉教育經費案

查徵收牙帖附稅以充縣市鄉教育經費曾於民國四年第二次省教育行政會議議決呈請省長核准通飭財政廳各道尹各縣知事於五年會計年度始施行迄今數載尙未實行夫領證營業者以少數之資財得多數之佣金取之不苟於領證之時帶徵附稅手續亦簡長短期營業憑證人民爭相購領於國家正稅更毫無妨礙未識各縣有何別種窒礙若此遲遲爲特呈請廳長審核交議

地方教育經費徵收機關應照額按期撥放案

請 省長訓令各縣知事並移咨鹽運使轉令各場知事及其他各徵收機關對於地方教育經費預算數目照額按期撥放

附請議案原文

江都縣勸學所所長曾雲程
視學蔣兆祺請議地方教育經費徵收機關應照額按期撥放案

各縣地方教育經費原就常年收入附稅雜捐列爲預算惟按月支付斷難短絀而收入則月有多寡往往款有名額而收數不足且經收機關不盡在勸學所一方面支付與收入恒有不相應之時擬請轉呈 省署明令各縣無論由縣署或其他機關經收除遇年歲荒歉及重要變故時均須儘數收撥勸學所以資應付即遇收數短缺在經收機關當然負責如不足至八成以上自應由該機關暫行設法籌墊以維持預算而免學校有恐慌之虞是否可行謹請公決

維持災荒各縣教育經費案

請教育廳長呈請 省長訓令被災各縣查明災荒情形會同地方士紳對於現有教育收入不足經費預籌抵補至遲限文到一月內具報核奪

附請議案原文

常熟縣勸學所長 龐樹階
常熟縣教育主任 楊屬張祖誠請議本年預算支配爲難請明定標準案
視學錢景高

本邑水災荒歉統計地方附稅不過五成教育經費亦減去半數對於縣立各校已支配爲難對於市鄉界限尤發生困難問題全縣市鄉假定占得教育經費分爲三等(甲)被災較輕得有七成者(乙)平區雖遭淹沒尙可補救得有五成者(丙)低區秋收失望附稅無着者以上甲乙丙三市鄉之支配方法擬具二種(一)不分市鄉占得附稅之多寡有無平均支配(二)分別各市鄉占得附稅成數照發教育費附稅無着及附稅不及十分之

五之各市鄉儘先撥用積聚金及預備金暫資補救查本屆水災區域廣闊鄰近如崑山吳江吳縣受災相同困難情形彼此一律應請公衆議決

吳江縣教育主任王炎請議預籌水災各縣教育維持辦法案
勸學所長費攬澄
視學邱庚藻

竊以縣市鄉教育經費大多數取給於地方附稅而地方附稅則視忙漕成數爲比例今夏霪雨浹旬河水暴漲田廬多被淹沒災象已成在濱臨太湖各縣受災尤重本年度忙漕必大減成色於教育經費根本上實受其影響地方方以備荒籌賑爲急務恐難兼顧教育應如何維持之處請鑒核交議公決

常熟縣教育主任龐樹階
勸學所長張祖誠請議水災荒歉預算銳改請撥借省款維持學校案
視學錢景高

今夏常邑雨水成災田禾淹沒就已經報荒各市鄉預計秋收恐不過五成預算銳改教育經費無從支配查義務教育爲國家之命脈逐年推廣進行尚難普及常邑原有經費平時已不足資發展今驟遭荒歉原有現狀頓形岌岌本縣教育經費占附稅十分之八計十一萬二千九百餘元現值被災銳改即動用積聚金亦且不敷支放應請撥借省款以資維持開校在即迫切待命是否有當請鑒核交議公決

常熟縣教育會會長王鴻飛請議各縣教育費不能因偏災減少應另籌抵補方法案

竊維各縣教育費多取諸忙漕附稅今夏各屬霪雨成災將來歲收不豐附稅不多自在意計之中茲當編造預算時因入不敷出驟然減短則教育事業必致停滯查教育事業歲有擴充

大總統迭頒明令盡人皆知然則本年附稅減少自應另籌款項抵補支用基本固不能任意移挪積聚金亦未便悉數動撥應如何另籌抵補方法請付公議

籌辦義務教育案

江蘇省義務教育施行程序

一、區域 各縣斟酌地方狀況就原有市鄉擇要指定一區先行試辦義務教育以次推廣財力較充者亦得同時舉辦每一市鄉得分爲若干區

二、時期 第一項調查學齡兒童限自民國八年九月至十二月辦理完竣第二項規畫設校地點增設學校或就原有學校添加級數限自九年一月至七月辦理完竣第三項勸導入學限自九年八月至十年七月辦理完竣第四項強迫入學限自十年八月至十一年七月應令本區學齡兒童完全入學至逐年進行辦法由各縣擬具計畫書呈報

三、師資 一就已有之師範學校增設學級二增設省立師範學校以廣造就於編製九年度預算時將應增師範學校之經費列入三委托省立師範學校續辦講習科四經費 以本區原有經費爲基礎不敷時得就本屆議決新增款項酌量指撥其有

特殊情形者得呈請 省長酌撥省款補助

江蘇省施行義務教育辦法

一由省教育行政機關責成各縣知事督同勸學所遵照施行程序按期辦理並將劃定區域及設學地點繪圖呈報備案

一每一區開辦之始必先調查學齡兒童與入學兒童之比較數所設國民學校務以能容本區內之學齡兒童爲度

一各縣知事及勸學所長以次各員籌辦義務教育依照施行程序規定期限內能辦竣二區以上及先期辦竣者查照知事辦學考成條例及地方興學人員考成條例予以相當之獎勵於規定期限內未辦竣一區者予以相當之懲戒逐年由省教育行政長官督促進行務達教育普及之目的

一地方公民能捐助本區內之義務教育費者除予以相當之褒獎外并呈請 省長予以特別獎勵其負擔私立小學經費能使一區內之學齡兒童一體就學者得查明其所任費額比照辦理

一各縣籌備義務教育預計逐年需增教員數列入計劃書呈報省教育行政長官

以備預儲師資俾實行時可以供求相劑

附諮詢案及請議案原文

教育廳諮詢實行義務教育計畫案

歐戰以還各國皆以全力注重教育而呈刷新之氣象人皆捷足而馳吾何可故步自封準以世界之趨勢厲行義務教育實爲當今之急務顧此議倡之數年而卒未能實現者則以經費困難手續繁重有以使人却步而不前惟環顧國內吉林雖遠處邊陲山西亦僻居腹地皆以先着祖鞭試辦漸有成效蘇省爲交通便利之區人物殷繁之地教育一事素號先進乃不能與之頽頹豈非憾事上海近始有分年推廣之辦法崑山亦已着手調查學齡兒童江寧亦有逐漸進行之議是此事機兆已萌要在合羣策羣力以赴之當無不可成之事惟當此發軔之始有不得不審慎將事用待商榷者厥有數端一關於區域者茲事體大斷不能立時普遍入手之初必先就一區域試辦以後乃能逐漸推廣惟此區域應就全省先擇數縣爲試辦之區抑各縣同時並舉而就一縣中先擇一區爲試辦地點乎抑別有他法較善於此者乎一關於時期者此事從開始及完竣進行之期間約須幾年籌備至竣事之程序及年月應如何分別規定俾可循序漸進一關於師資者蘇省師資雖以歷年師範學校之所造就及近歲檢定合格之教員以現狀論尙虞供不應求今一旦施行義務教育則教師之缺乏可以斷言籌備伊始是否一面調查學齡兒童一面即須造就師資俾實行時可以供求相劑此外與施行義務教育有連帶關係而爲今日所公認爲最困難之經費問題亦應體察地方情形於無可設法之中勉爲籌措大宗推廣教育經費一時即不能籌或將需要最急之款如調查學齡兒童造就師資之費先爲通盤籌畫確定預算俾可着手

籌備如並此欵而亦一時不可必得不妨寬以時日分年增籌總期得寸得尺逐漸進行俾蘇省義務教育確實行之期凡此數端皆關重要謀定後動事豫則立必先定一具體之辦法庶將來可以推行盡利尚期就各縣情形各杼所見以備採擇施行

江蘇省教育會請議各縣分區試辦義務教育案

吾國義務教育在前清宣統時已有分年進行之計劃民國以來悠悠八載屢聞社會之呼聲急待官廳之督促比年山西吉林均已舉辦而蘇省尙瞠乎其後此固社會與官廳所應同負其責也竊謂凡事必先有起點而後可賡續進行苟分地分年各量地方之財力切實籌辦必可觀成茲擬最簡易之辦法如左

一由省教育行政機關通令各縣知事責成勸學所各量本縣情形定分年分區辦理義務教育之計劃預定設學地點繪圖呈報備案第一年必須辦竣一區

一分區不嫌其小以地方財力一年內能辦竣一區之義務教育爲度一城一鎮一鄉均得分爲若干區辦理次序先城次鎮後鄉財力較充者亦得同時舉辦

一每一區開辦之始必先調查學齡兒童與入學兒童之比較數所設國民學校務以能容本區內之學齡兒童爲度

一各縣知事及勸學所長以次各員籌辦義務教育一年內能辦竣二區以上者查照知事辦學考成條例及地方興學人員考成條例予以相當之獎勵一年內未辦竣一區者予以相當之懲戒逐年由省教育行政長官督促進行務達教育普及之目的

一地方公民能捐助本區內之義務教育費者查照捐貲興學褒獎條例予以相當之褒獎其負担私立小學經費能使一區內之學齡兒童一體就學者得查明其所任費額比照辦理

一各縣教育經費除舊定各校費額外不敷辦理一區之義務教育時得由勸學所擬定該區內之辦學計劃書及其所需費額經由縣知事呈請省教育行政長官核准徵收該區內之教育特捐

一義務教育得查照半日學校規程辦理惟須考查該校左近狀況酌設農科或工科或商科以半日爲實習時間城鎮宜工商鄉宜農女子宜注重家事實習

一各縣籌備義務教育應預計逐年需增教員數列入計劃書呈報省教育行政長官行知省立師範學校增設相當之班次

省視學費玄韞請議八年度內地方教育應行規畫及改進案(甲項第二三條)見前

江寧縣勸學所所長王文樞請議由廳轉呈省長核定試辦四縣義務教育費額提交省議會在八年度預算案內追加案

查義務教育早經明頒命令督促施行惟各省尙未照辦此而不舉無以言普及斯無以言自治矣本省各縣勸學所成立已歷一年對於勸學所規程施行細則第一條第一項之事項能否推行盡利在學事年報未刊布以前尙無統計但各地於七年度之計畫見諸實施者非限於財力有所不逮即限於師資有所不足再或地方風氣有所扞格着手不易大率相同現又屆八年度概算期矣在勸學所徵諸已往籌及未來實不能於義務教育之未克同時並進無疚心焉然竊幸此困難情形已爲我廳長於江蘇教育進行計畫書所列甲項小學教育慨

乎言之因有酌籌省款先行補助江寧江都吳縣上海四縣試辦義務教育以次推行其他各縣之計畫仰見蓋慮周詳熟權緩急是不獨四縣國民之福抑亦吾蘇全省國民之福也擬請議決即由廳長予照計畫原案呈請省長核定補助上列四縣試辦義務教育費額提交省議會核議在於八年度預算案內追加是否有當謹請鑒核交議

江寧縣教育主任據屬凌玉成請議勵行義務教育應先養成師資案

國民義務之教育至於今日勢已無可緩矣或有以民智固蔽經費支綱爲言者其說未嘗非是然亦思畏其難而不行終無可行之日夫義務教育豈真不能行哉亦視行政方面之規畫何如耳山西全省近日教育進步異常敏速以省行政之實力定各邑實行之方針不達其程其勢不已故義務教育之能行與否不在國民而在行政之機關夫爲吾民謀教育學區如何分劃經費如何籌措人民如何利導苟挾全力以行之不難曲達目的惟師資缺乏非謀之於預未可倉猝圖也教師之良否關係於教育至鉅不得其人而漫言教育卒與無教育等不但此也彼反對者據爲口實此後教育之推行阻力橫生視前尤甚鄉隅風氣縱苦蔽塞然苟得良教師以導之而地方深信不疑則風氣開通未嘗不由於師道故勵行義務教育雖由於行政機關之實力而地方之對於教育或迎或拒則仍係於教師之一身又非行政者可得而預也江寧地處省會義務教育勢在必行然非廣儲師資不可與言成效造成師資之道擬分兩途一師範學校添設本科第二部師範本科畢業生每年每邑多者七八人少者二三人值強迫教育之時斷不敷用惟中學校及實業學校畢業生每苦無位置苟招致之使入師範學校第二部修業不過一年迨經出校即可爲小學服務且此等生徒學業夙具根抵於教管訓育各法加以研

究不難會通出任教師於農工商學各科亦能擔任此師資之宜培養者一也一縣境以內兼設甲種師範講習所師範本科畢業生多以鄉校艱苦辭而不就夫既爲地方服務豈有城鄉可分於城校則趨之鄉校則避之是鄉僻地方終無教育之希望無是理也惟兼設師範講習所學生肄業之初即知將來位置不在城而在鄉而願望非奢或可終其身於職務至招考此項學生必須文理清通略具程度其始嚴格以求之其後乃無忝爲人師之敵此師資之宜慎選者又一也師資既得乃有教育之可言否則日言義務毅然以強迫行之卒以師範不良致起人民反對而教育前途乃真無可望矣故教育之盛衰固關於民智之通塞經費之盈絀而教師之良否影響於地方甚大欲勵行義務教育請自培養師資始

上海縣勸學所所長李宗鄰請議畫區試辦普及教育案

欲強中國首在謀教育之普及惟茲事體大斷非一蹴可幾無已姑就各縣各學區畫出一小區先行試辦作爲推行全邑普及教育之基礎試辦區域不論城鄉試辦區之面積當酌量財力而定大小試辦手續第一步調查學齡兒童第二步籌備添設國民學校第三步勸導入學第四步實行強迫俟試辦後著有成效當即規定推行全邑分期舉辦教育前途庶有普及之望是否有當請公決

勸學所所長曾雲程
江都縣教育主任吳恩棠請議就全省各縣中選擇一二縣試行強迫教育以樹模範案
視學 蔣兆祺

查民智之不增進由於小學教育之不發達蘇省各縣中國民學校最多數僅數百校以平均每校百人計亦祇數萬人而全省學齡兒童最少數約三千萬人是失學兒童爲數甚衆自非實行強迫教育無以收普及之效茲

擬請就全省中選擇一二辦理認真之縣區責由縣公署督同勸學所試行辦理分年籌畫每年須令失學兒童減少五分之一則五年可普及全縣其經費除原有縣市鄉費額外量由本縣儘力籌措如再不足應由省教育經費項下籌給補助以資進行如此試行一縣辦理有效以次推行其他各縣則全省教育普及有期而民智增進前途所得巨矣謹請公決

蕭縣勸學所所長丁作則請議施行義務教育分年籌備進行案

外觀世界大勢內審我國情形知今日非厲行義務教育不足以救危亡山西一省僻處內地風氣不開經閭兼省長經營擘畫已有次第推行之望吾蘇號稱文明先進教育成績爲他省冠獨於義務教育漫無規劃殊爲缺憾茲假定籌備方法五條擬請由省通令各縣按照籌備方法參酌境內情況擬具義務教育分年進行計劃說帖彙呈教育廳長核定統一辦法頒行全省以爲進行南鍼庶數年之後普及教育四字爲吾蘇放一異彩豈非蘇人之榮與國家之福歟是否有當敬請公決

附義務教育籌備方法五條

(一) 限期 自民國八年度起至十二年度止五年之內一律辦竣

(二) 師資 增加師資產額有三法

(甲) 推廣省立師範學校級數

(乙) 一縣或二縣聯合委託省立師範學校代辦講習科

(丙) 各縣自辦講習所招收四十歲以下二十五歲以上文理通順之塾師教授一年畢業承認

(三) 經費 委任各區學董就地籌款受勸學所監督

(四) 調查 調查學齡兒童及設學地點由各縣主辦教育機關督促進行務須於八年度內竣事

(五) 導學 實行取締私塾勸導入學至適當之時再加以強迫

沛縣視學李昭軒請議調查學齡兒童預備實行強迫教育案

教育發達與否當以入學兒童之多寡為斷兒童多則學校因之以增兒童少則學校因之以減如是則調查學齡又烏容緩查民國元年經前都督程通令各縣限期填表呈報一次然當時大亂初定人心驚恐調查者不得不涉敷衍甚或假清鄉戶口冊抄錄名數聊以塞責既不克切實從事何能確盡無遺在第二次教育行政會議固已妥定章程惟迄今四年尙未實行可否遵照原案妥籌辦法通令各縣刻期舉行使鄉間及歲兒童有無入校共登表冊雖強迫教育未奉令遽施而勸學員執此下鄉自可招未入校兒童父兄盡力勸導如是則學校無缺額之虞而及歲兒童亦無失學之患矣可否請交會公決

句容縣勸學所所長陳祖濂請議各縣擇區試行強迫教育案

試行強迫教育為當今急務各縣現有經費雖極支絀而不辦義務教育亦理所不容鄙意不若就已設國民學校之附近村莊試行強迫教育城市中亦宜察酌經費情形辦理是否有當仍請公議

整頓小學教育案

(一) 小學教員分任校務案

茲分辦法兩種如下

(甲) 請教育廳長通令各縣知事轉飭境內各小學教員無論本科或專科除擔任教授外對於管理訓練及一切校務均應協同校長分擔責任不得有所諉卸省縣視學視察時應注意攷查其能否實行

(乙) 請教育廳長將前項意旨及原案抄行本省各師範學校校長於平時注意訓練以養成將來服務時之責任心

附請議案原文

教育廳諮詢整頓小學教育辦法案(第一條)

蘇省教育號稱先進比來學校數與學生數歲有增加觀最近編成之五年度教育統計國民學校數爲六千一百六十九學生數爲二十八萬七千零二十九高等小學校數爲四百五十五學生數爲三萬零六百五十八自形式上觀之蘇省之小學教育不可謂其不發達但一攷其實際其真能貫澈教育之精神辦理確有成績足以博社會之信仰者固屬不少而敷衍因循無確實成績之可言者亦居多數甚有學校其名私塾其實貽誤學子可貴之光陰虛糜地方有限之公款者亦往往有之故在今日蘇省之小學教育整頓尤急於擴張茲就攷查所得條舉其應行整頓者如左

教授與訓練必一以貫之方可見訓育之精神乃就調查所得小學教員往往教室課畢即謂天職已盡此外對

於學校絲毫不負責任而將管理訓練以及一切校務貴諸校長一人校長一人之精力有限如何能獨任此
貴校務之不能整理此實爲其最大之一原因應如何使教員實行分担校務此應諮詢者一

訓練之目的不僅在校室內授與多量之智識尤貴在教科外能實施陶冶以養成其強固之意志而爲有意識
之活動如學校園工作部自治會學藝部儲蓄部兒童圖書館以及其他種種課外作業皆爲實施訓練之最
好機會而亦爲兒童練習自治之方法也乃今之從事小學教育者往往不能注意及此一至授課時畢即令
其散歸家庭其有散課稍遲者亦僅任其偏重遊戲不能爲有規律之共同作業此實爲訓育上之缺點應如
何妥定辦法而使學生實行課外作業此應諮詢者二

校長爲一校之主對於整理校務督率教員以及攷查學生之學業與操行均應負有完全之責得其人則教育
之事舉不得其人則廢且墜乃今之鄉村小學校長尙不免有虛擁其名者叩以校內之編制如何管教如何
學生之學業如何茫然不知所對祇以其人地相宜而遂強爲位置甚有視學校如私產以行其把持之計易
一校長而學校即隨之消滅者此弊不除小學教育必不能有起色今擬依照部頒小學校令校長由正教員
兼任其不能擔任教科者應一律改爲校董至校董之權限應如何規定此應諮詢者三

小學教員所肩之責任爲最重而其所得之薪資爲最薄責任與待遇本不相稱實行優待小學教員自以年功
加俸爲策之最上惟現在教育經費之支綱省縣同有此感勢難籌此鉅款物質的優遇一時旣難辦到精神
的優遇似不可不另籌相當之法今擬小學教員在本校繼續任事滿五年以上經視學認爲成績優良者得
由縣呈廳給予獎章或褒狀以資激勸是否可行或別有優待之法此應諮詢者四

學校之休業日期爲法令所規定者積一歲計之已屬不少不在此休業期內自不宜再有曠廢以重兒童可貴之光陰然就調查所知在鄉村之小學仍有以個人細故而令全體學生輟業者甚有任意放假並不依時授課致使十數兒童來去無常者應如何切實整理不使有名無實此應諮詢者五

教育思潮日新月異必順世界之潮流以俱進教育方有刷新之象萬不可故步自封墨守陳舊之說身任教育者貴有研究固已公認爲今日之必要矣惟今之小學教員雖亦間有研究會之設立其真能熱心研究者實居少數至夏期講習會各縣舉辦者固已不少而現任小學教員尙有未盡加入或偶一往聽不終其事者此所以成效未普不足以改進教育應如何引起其研究教育之興味或別有督促方法使之實事求是此應諮詢者六

理化學之應用至此次歐戰而益著日本鑒於世界之趨勢於尋常小學四年級起即課理科於高等小學即重理科實驗其有規模宏大之高等小學校且有特建理科實驗室者然一般教授理科者猶以爲未足一致主張於尋常小學一年級起即授理科現正建議於政府其對於理科之特別注重若此吾國高等小學之教授理科往往並簡單之標本模型圖畫而亦闕如徒憑理論如何能增進其理科智識應如何使高等小學注重理科並改進理科之教授方法此應諮詢者七

小學教員爲造就國民之母關係重要此固盡人皆知苟師資不良縱學校衆多亦無裨於國無益於民欲求教育之完善自必首在師資之得人乃歷觀各縣不合格之教師濫執教鞭者仍所在充斥教育之不能謀進步又焉足怪如謂師資缺乏一時未能更張然師範畢業生之未見任用者猶不勝僂指此果何以自解耶縣教

育行政方面此後應如何慎選師資不使師範畢業生置之閒散此應諮詢者八

小學經費各縣多寡不一然內地單級學校竟有年支百餘元或不及百元者不獨教師權利義務未見平均即設備方面亦必大受牽掣似此情形安能責望其辦理完善嗣後勸學所編制預算能否酌量各地之生活程度妥定教師薪資或另列若干之雜費臨時費以應要需此應諮詢者九

表簿爲精神所寄一校之中重要表簿必須製備近今各校於此點多欠注意無怪破碎支離不能爲有統系有一條理之設施嗣後高小國民必需之表簿能否由各縣勸學所規定刊印於學年開始時分別發給其工料代價即於各校應領雜費內扣除此應諮詢者十

以上諸端第就平日攷察所得撮其大凡雖各地之教育狀況未必盡同而其應興應革之大端相去或不至過遠諸君職司地方教育行政於小學教育之利弊聞見必較真切即希詳加討論以資采擇其別有意見可以合併討論者並希一併提出宏集思廣益之效爲補偏救弊之方小學前途實利賴焉

(二) 實行課外作業案

茲擬定小學校課外作業暫行辦法如下

一小學校應注重課外作業以養成學生勤勞習慣及自動能力

一小學校課外作業應趨重職業及有益身心方面如學校園工作部自治會學藝部儲蓄部及兒童圖書館等均應酌量情形分別設備

一分部組織如就作業性質分全校學生爲農作部工作部或販賣部之類次分團組織(甲)以全校學生爲一作業團體(乙)以同年級學生爲一作業團體

一課外作業於每日始業前及終業後行之

一課外作業應由校長及教員隨時指導監護或共同操作以助長兒童之興趣

附諮詢案及請議案原文

教育廳諮詢整頓小學教育辦法案(第二條)見前

蕭縣視學孟昭潛請議小學校宜注重課外共同作業案

各小學增設職業補習科爲畢業不能升學者之救濟補習關於職業之知識技能所以滿足其生活之能力也但此項補習科限於各縣之財力江北各校實行增設者尙屬無多惟學校課外作業所以發達兒童之羣情養成勤勞之習慣使知協同作事之利益且勞動出於自願此教育之最有趣味者也其作業範圍雖廣而關於職業方面尤爲課外訓練之必要如城市注重工商業則設有工作室製作普通用品設有販賣部練習商事大要鄉村注重農業則設有校園或小農場實習農作立農事之基礎此皆注重實習不徒養成自動之能力也試述作業之規畫如左

(一)分部組織一校生徒分爲農作部工作部或販賣部

(二)分團組織(甲)以全校兒童爲一作業團體(乙)以同年級兒童爲一作業團體

(三)作業時間每日始業前及終業後各一小時

(四) 注意訓練校長教員當值指導及監護有時共同操作以助長其興趣

(三) 優待小學教員案

茲查照規定暫擬辦法兩種請教育廳長明令施行

(甲) 年功加俸 由各縣斟酌現在地方財力設法施行

(乙) 名譽獎勵 由各縣參照教育部獎章條例酌量辦理

附諮詢案及請議案原文

教育廳諮詢整頓小學教育辦法案(第四條)見前

儀徵縣勸學所_{教育主任掾屬顧承壠}所長樊德馨請議小學教員實行年功加俸辦法案

視學古思公

教育爲立國之基小學教員實爲發展教育之本誠不能不有以獎勵之而使之愈加奮勉獎勵之道語言獎勵固其一端然能使小學教員得以振刷精神盡力校務者莫如實行年功加俸之一法凡爲小學教員誰不思生計之寬裕足以仰事而俯蓄若勞苦終年而報酬有限恐未必能安于職務而心不外馳茲爲鼓策小學教員起見擬請由 廳規定優良小學教員加俸辦法公布施行庶幾小學教師當能勉益加勉而于教育前途不無裨益是否有當恭請鑒核交議

吳江縣視學邱庚藻請議規定獎勵高等小學校校長教員辦法案

竊思致核名實信賞必罰行政所尚雖辦學人員不專恃乎賞罰然欲激其競爭之心使之自勉爲優良者究非

賞罰嚴明不足以促改進也國民學校教職員已有獎勸規程通令照辦在案而高等小學校方面尙無一定辦法擬請訂定規程以資率從而利進行是否有當謹請鑒核交議公決

(四) 限制放假日期案

茲就提案情形分別規定如下

(甲) 無故放假 請教育廳長通令各縣知事督飭勸學所長縣視學注意取締其取締方法應按照國民學校令第三十六條規定辦理

(乙) 變通假期 請教育廳長通令各縣如有特別情形須變通假期應查照部頒學校學年學期及休業日期規程第三條第四項酌量辦理

附諮詢案及請議案原文

教育廳諮詢整頓小學教育辦法案(第五條)見前

青浦縣教育主任_屬蔡鍾秀
視學陳龍章
勸學所所長
施恩霈
請議變通小學校放假期案

查學校兒童來自社會而社會組織職業各別人事之繁簡各隨天時地利而殊兒童每於家庭忙迫之時缺席從父兄作事例如產棉之地棉熟時學校兒童缺席必多宜蠶之地育蠶時亦然放假一節若不因地制宜勢必於開課之日兒童因事不到放假之日在家無所事事豈非窒礙之甚耶似應變通辦理令各縣勸學所體察本

地情形縮短春假暑假日期移放麥假棉假蠶假是否可行請公決

溧陽縣視學馬馨請議縮短小學寒暑假案

小學教育關係綦重各地小學舉放寒暑假往往超過規定日期殊於兒童學力之進行有礙且鄉村小學於農忙或育蠶時亦有放假者而所放日期尤宜併入例假內扣除並縮短寒暑假以重學業是否有當謹請公決

(五) 小學教員應注意研究案

茲擬辦法兩種請教育廳長轉飭遵辦

(甲) 研究團體如小學教育研究會及各種講習會等未辦各縣應令催一律舉辦已
辦各縣應切實整頓不得任聽無故缺席省縣視學視察時並應特別注意

(乙) 各縣勸學所應酌購最新教育書籍專辦小學教員巡迴文庫輸送各學校參攷
研究其辦法由各縣自行酌定

教育廳諮詢整頓小學教育辦法案(第六條)原文見前

(六) 注重理科案

高等小學校理器械應由各縣籌給相當經費俾便設備各縣通俗教育館並應酌設理化實驗室博物陳列室等以備附近學校實驗參觀之用至教授方法理化應注重實驗博物應注重實地觀察其國民學校關於實物教授亦應一體注意以期改進

附諮詢案及請議案原文

教育廳諮詢整頓小學教育辦法案（第七條）見前

金山縣勸學所所長
教育主任據屬沈崇基
李銘訓請議，注重理化教授應推及小學以求普及物質的知識案

視學
張本載

世界趨勢純以物質科學競爭我國興辦教育二十餘年各種實業猶未發達皆因國民缺乏物質的知識之故且實業不興徒事推廣教育恐教育亦有孤懸之危抑注重實業但造一種高深人才則國民知識仍無普及之望讀鈞廳教育進行計畫書云理化學之應用至此次歐戰而益著中學校之理化教授自當特別注重仰見因時設教之方針今後之辦教育者知必注意物質的知識培養理科人才改進理化教授固也惟鄙等以為不當限於中學一步要宜推及小學以求普及物質的知識故師範學校亦宜特重理科其設備及實驗尤應力求完善以作小學之先河高小學校理科一門宜用有統系之教授切實用之教材其他科目亦須與之聯絡在女子高小尤應以理科納入家事實習中國民學校凡於自然界之現象及關於衣食住之事事物物皆須予以淺顯正確之理解俾人生與物質之關係各得明瞭而驅使及利用物質之觀念因之興起是否有當敢請核交大會討論公決

（七）慎選師資案

應請 教育廳長查照民國六年二月三日教育部通令各省學校教員應儘師範生任用並師範生在服務期內不得預就他職全文錄令各縣轉飭遵辦至選擇師資之

標準應以負責任肯研究者爲合格

教育廳諮詢整頓小學教育辦法案(第八條)原文見前

(八) 安定教員薪資案

請 教育廳長通令各縣嗣後編製預算務宜酌量地方財力及生活程度安定教員薪資俾得安心職務至各校必需之薪資雜費臨時費等亦應分別酌列藉免竭蹶
教育廳諮詢整頓小學教育辦法案(第九條)原文見前

(九) 規定應用表簿案

請 教育廳長訓令各縣轉飭勸學所將高小國民學校應用表簿規定式樣擇要刊印於學年或學期開始時分別發給其工料紙張等費即於各校應頒經費內扣除以歸一律

教育廳諮詢整頓小學教育辦法案(第十條)原文見前

(十) 視學注意要點案

查照省教育會原案請 教育廳長令發各視學參照規程於視察時分別注意

附請議案原文

江蘇省教育會請議視學員視學注重點案

蘇省視學規程迭經修改內容漸就完善各縣視學誠能實力奉行自有成效可觀惟更有進者將欲振起教育之精神則視學之職責不僅在循例視察照章批評所應行注重者以積極指導為最要茲就同人管見所及擬請將視學應行注重各點增訂入蘇省視學規程或於地方教育前途不無裨益其要點條例如左

一 注意訓練設施 教育之目的不僅在傳授知識於人格之陶冶能力之養成尤為重要故學校訓練之設施關係甚鉅如兒童之自治組織課外作業課外運動視學員應首先注意

一 各科平均重視 教育目的德智體美四育並重部定教科各科均有特質自宜平均注重乃各校積習相沿每偏重國文算術而忽畧其他各門在主張者固不無片面之理由但按諸教育原理世界潮流詎能認為適當竊以為除國文算術外向所不甚注意之圖畫手工唱歌體操等科均在應行注重之例視學員宜逐科加以評語分別指導

一 舉行示範教授 視學員所至之地宜擇適中之區召集附近所在地各校教員舉行示範教授並示以實際之規畫或提出種種問題討論研究使各教員知所適從

一 臨時召集講演 辦學者誰不願學校之進步顧或在窮鄉僻壤研究無從或因費紬事煩缺於修養視學員應留心教育之新潮發鉞砭之確論既可指示其優劣之所在復可灌輸以最新之方法較之指摘劣點而無糾正之方者其效果必大也

上述各項辦法原無標新立異之處不過同人之意欲圖教育之革新斷非消極的命令的可以收效務在教育行政人員以身作則與地方辦學人員同具熱誠悉心研究方有圓滿之望任視學員者果能隨時吸取新

知以求增進自身之能力則發表主張自能悉與時勢相應而奉行法令亦可通其意而不拘其迹庶足振起教育之精神矣

(十一) 提倡課外運動案

請 教育廳長專令體育視察員擬訂國民學校課外運動辦法核定公布

附請議案原文

省視學費玄韞請議八年度內地方教育應行規畫及改進案(甲項第五條)見前

上海縣勸學所所長李宗鄰請議提倡國民學校課外運動案

健全之精神寓於健全之身體今之談教育者固已注重兒童身體之發育俾精神克底於健全就我蘇省論小學方面高等小學校已奉 教育廳規定運動八種令全省各高等小學校及乙種實業學校舉行體育通信比賽業經遵行在案惟在國民學校如何提倡課外運動亦宜詳訂辦法切實推行此次 教育部組織教育調查會亦會列有調查國民學校課外運動一案查現在國民學校能注意課外運動者恐尚不多自應聲請 廳長迅令體育專員擬訂國民學校課外運動詳細辦法核定公布俾各縣國民學校有所遵循增進國民體育實基於斯請公決

(十二) 高等小學酌加實業科目注重實習案

此案大意迭經部令轉飭遵辦應再請 教育廳長重申前令切實辦理至鄉村國民

學校亦應利用機會灌輸農事知識

附請議案原文

武進縣勸學所所長徐子競
學過鏡涵請議高等小學校添設實業科目應改爲必修科並注重實習案

查部定小學校令高等小學校教授科目男子加課農業或商業女子加課縫紉現在各高小學校於課程內庸或有加授實業科目一二小時然皆憑課本教授徒尚理論漫無實際近年教育方針注重職業擬請通令各縣高等小學校於必修科外實行添授實業科目定爲必修科並注重實習由各高小校長於學年開始添收新生時酌量地方情形將應添實業科目擬具詳細計畫書先行呈報立案並於年終報告週年概況時詳爲報告以憑查核至視察人員於視察各校時特別注意以觀其成績如何效果如何務在不尚虛文期收實效以符注重職業教育之本旨是否可行請廳長交會公決

勸學所所長蔡鍾秀
青浦縣教育主任施恩霈請議鄉村國民學校實施農業教育案
視學陳龍章

查近年各地災荒迭見農業生產力日益衰弱農政前途有岌岌不可終日之勢改良農政如籌辦農事試驗場增設農業學校確爲目前切要之圖然欲謀普及之法則自鄉村國民學校入手可收事半功倍之效蓋鄉村國民學校之學生畢業後多數即入農界其父兄又爲現任農事之人若以傳授農事常識之責付之鄉村國民學校教員可於無形之中普施農業教育經濟既省效力又宏按之小學教育要旨亦無抵觸揆之職業教育意義暗相吻合誠一舉而數善備也附擬辦法數則是否有當請公決施行

(一) 各縣勸學所應利用假期召集鄉村國民學校教員聘農學家授以農業上之常識
(一) 鄉村國民學校三四年級每週加課農業一二小時或各科教材中遇與農事智識有關者於實質方面應切實發揮或於課外集會一二次作農業之談話

(一) 鄉村國民學校教員應利用時機對於學童之父兄為農事上之講演

(一) 鄉村國民學校之校園樹藝飼養以可供農人借鏡者為標準

(一) 鄉村國民學校對於農事上標本掛圖略為置備

(十二) 限制國民學校收受插級生案

請 教育廳長通令各縣轉飭各學校除收受轉學學生外嗣後新生插級不得超過第三年級第一學期並不得逾於所收新生總數十分之二以示限制

附請議案原文

儀徵縣教育主任 樣屬顧承燦
儀徵縣勸學所所長 樊德馨請議限制國民學校收受插級學生案

視學 古思公

按高等小學校招收學生應以畢業國民學校者為合格國民學校之畢業應以修畢四學年各學科為限然有曾在私塾肄業具有同等之學力經入學試驗程度相合者亦得插入各級此等辦法歷來各校無不皆然現奉廳令高等小學校嗣後祇應收受轉學學生不得收受插級學生自應遵照辦理惟查國民學校收受此項學生仍漫無限制甚至有插入第四年級以求速于畢業為升學之地步但私塾往往僅受國文而于科學多未能完

備即在各校編級試驗時亦祇注重國算兩科若在校時期只有一年遞予畢業雖畢業總平均分數或能及格而科學根柢究嫌未足授以高小各科課程尙難貫澈擬請通飭各縣轉令各國民學校除收受轉學學生不計外以後插級學生不得超過第三年級第一學期並不得多于新生總數十分之三以示限制俾畢業程度自可一致而升入他校亦無窒碍是否有當謹請核交公議

(十四) 編輯小學鄉土誌案

請 教育廳長令縣轉飭勸學所會同教育會從事編輯以便教授至因搜輯材料得向縣志局接洽查取

附請議案原文

靖江縣視學劉樹圻請議通令各縣研究教育機關與縣志局合編鄉土誌案

鄉土誌與國民教育頗有密切之關係現在各縣國民學校有授鄉土誌者如江寧縣鄉土誌且編印成書以供各國校之用惟他縣之未編者尙多亟宜從速編輯目下各縣縣志局多已開辦又在徵訪時期似應由教育廳稟請 省長通令各縣研究教育機關及縣志局乘此縣志正在採訪之時令其須兼於鄉土誌教材特別注意而研究教育機關亦當審察各校管教實況與縣志局共同詳細討論會合編訂全縣之鄉土誌其體例似可參照江寧縣鄉土誌而酌加增損并宜於物產及工商等業詳為調查一一列入待一二年後書成呈廳審定將來各縣各國校自可一律添授鄉土誌用作教科書是否有當敬請審核交議

(十五) 注意養護事項案

請 教育廳長令縣轉飭縣視學及勸學所長巡視所至應注意下列各點

(甲) 學校衛生及設備(乙) 游戲用具(丙) 體操教授(丁) 課外運動

附請議案原文

青浦縣教育主任蔡鍾秀

青浦縣

教育主事施恩需

請議小學教育對兒童身體之養護應特別視察案

勸學所

所長

陳龍章

學

視

察

國民學校要旨在養成健全之人格而智力之增長德性之發展無不因體質之強弱而有高下之差也低能之兒犯過之徒檢視其全身組織必有缺憾之器官而身格健全者始能容充分之學力故謀發達教育之目的當以留意兒童之體格為要圖國民學校兒童身體柔弱非施以適當之養護易遭挫抑易流殘缺詎不可懼查現時市鄉國民學校鮮能注意及之應令各縣勸學所就勸學員中選體育上素有學識經驗者一人專司視察市鄉國民學校體育并為詳切之指導附擬視察要點數則是否有當請公決施行

(一) 學校衛生 (二) 學校設備 (三) 兒童玩具 (四) 體操教授 (五) 課外運動 (六) 教室內之佈置
(七) 課桌課椅空氣光線

培養師資案

查明第三屆會議松江金山等縣提議請令省立師範增設學級連同此次儀徵縣請

議增加省立師範學級各案由教育廳一併呈請 省長於八年度預算教育預備費項下核撥增級經費飭遵辦理

附請議案原文

儀徵縣勸學所所長 楊德馨 請議增加省立師範學級並續辦甲種講習科以廣植師資案
視學 古思公

各縣教育不發達之原因不外經濟人才二者交困而已經濟不充之地方或可由本邑設法籌措若人才缺乏之處勢不得不仰給師範學校增加學級多收生徒以宏造就曩者本省未辦檢定以前各縣師資已有供不應求之勢近歲實行檢定每學年所產出師範畢業生之數斷不敵各縣檢定所淘汰教師之數行政方面統計固有之學校人才已屬不敷尙何論乎推廣茲爲救濟目前師資缺乏計各省立師範學校續辦甲種講習科似難再緩爲將來教育普及需才孔多計各師範學校增加學級洵屬切要之圖此案歷屆會議均由松江等縣提議討論結果業已認爲必要惟關於經費問題須俟省議會議決辦理今尙未能見諸實行本屆會議應請廳長照上屆議案再行呈請 省長交該會議決並請由廳先令各師範學校亟速開辦講習科規定學額令各縣照額認費庶人才缺乏之縣教育前途不致有停頓之虞是否有當敬祈審核交議

(乙)增設省立師範案

南匯松江等縣請在太倉設省立第十師範學校又請在松江設省立女子師範學校

淮安淮陰泗陽等縣請在清江添設省立女子師範學校蕭縣銅山等縣請在徐州添設省立女子師範學校各案請 教育廳彙呈 省長核准一併編列九年度預算交省議會議決辦理

附請議案原文

南匯縣教育主任掾屬顧忠宣

學徐守清 親屬顧葆康 請議省立第二師範學校區轄太廣請議變更並增設學校案

松江縣教育主任掾屬顧宗伊

江蘇師範學校現有十處爲數雖已不少而支配尚未平均以舊時府縣範圍言之江寧則有第四師範鎮江則有第九師範蘇州則有第一師範常州則有無錫之第三師範揚州則有第五師範淮安則有清江之第六師範徐州則有第七師範海州則有灌雲之第八師範無不星羅而碩布而獨於松太兩屬則祇有一第二師範其未平均者一也以現在道區域言之則金陵道有師範校二又女子師範一蘇常道則又師範校三又女子師範一淮揚道有師範校一徐海道亦有師範校二而滻海道則僅有師範校一而已不免隣厚而我薄其未平均者二也即以每一師範學區比較上而言之每區所轄縣數若以全省六十縣勻計每師範校僅得六縣而已足今則灌雲之第八師範僅有五縣而上海之第二師範竟至包羅十縣之多相差太遠其不平均者三也況滻海各縣爲開通最早學校最多之地統計學校數一千七百四十八校學生數九萬七千一百七十餘人每年高等畢業生不下一千五百餘人試問僅僅一師範校如何可以容納每屆招考新生往往有額滿見遺之憾值此教育日

益發達師資恆虞乏缺爲善後之圖作正本之計請變更師範學區增設師範學校不可以資需要而示公平其變更之方法謹列於左

(一)就太倉地方另設一第十師範學校即以太屬之三縣或松屬之二縣參加之如是則全省共計十一校以舊政治區計之則八府三縣各有一師範學校以新道區計之則每道屬至少均有二師範學校支配較勻而可無偏枯之處

(一)就松江地方增設一女子師範學校爲滬海道屬高小畢業生就近升學之地以免十二縣各女校師資缺乏之虞查松江爲舊府治之中心輪軌交通往來利便若於是處設立第三女師範使道屬十二縣高小畢業女生就近升學既免蘇寧奔走之勞並符發達之旨

視學 倪宗伊
松江縣勸學所長 張樹勳 請議滬海道屬應擇相當地點添設女子師範學校案
教育主任 楊屬顧葆康

查省立師範學校男子有九女子僅有其二相形之下男與女已屬不均滬海道屬十二縣當前清光緒宣統年間女學已大見發展改革以後進行速率較之蘇寧有過之無不及考近日現狀就教師方面言已虞求過於供爲學生升學地亦應亟謀出路統計道屬十二縣女生每年畢業於高小者不下數百人或以經濟困難無力升學或受家長裁制不令遠行坐使有志女生秀而不實甚可惜也查松江爲舊府治之中心風俗醇樸交通利便宜於興辦女學若以曠廢之貢院改建校舍利用公產尤爲省費應請教育廳呈請 省長交省議會議決於松江添設女子師範學校地點既屬相宜而莘莘女生不至獨抱向隅矣是否有當謹請公決

蕭縣視學孟昭潛
銅山縣勸學所長丁作則
張明新宿遷縣視學杜壽祺
沛縣視學李昭軒
礪山縣勸學所長孫廷楨請議在徐州增設省立第三女子師範學校案

推廣女子教育既爲今日急不容緩之事則培養女子師資亦自當積極進行吾蘇省立女子師範僅寧蘇兩校初以其畢業人數足供江南北推廣女學之用乃按諸近來情形知此兩校僅利於南不利於北尤令吾徐海兩屬不能得平均之利益試述其要點有三

一南方女教員不肯往北 吾徐初辦女學多借才南方距南人生活與北人迥異一旦北來飲食服用均感不便且月給三十元左右之俸金在一縣有限之財力已覺供給維艱而個人之舟車旅費及其他一切食用消費以外所餘亦屬無幾以是女教員相率不肯北來他如地方情形不明無以堅社會信仰師生語言隔閡難以收教育功效猶其餘事

二北方女生不易往南 女子畢業高等小學未與社會接觸隻身遠行家庭皆苦不便且少數淺見家庭以爲一至南方浸染奢侈習氣轉滋流弊於是女子求學至高小畢業爲止相戒不肯升學縱有設法使之南來者亦終感飲食起居種種不便而返如蕭邑去歲考入第一女師五人迄今竟有退學者二人其明徵也

三北方需才較南方尤急 江北女子入學雖多然因男女共學尚有一部分女生消納於普通國民學校之中故雖女教員一時缺乏尙不甚妨礙女學之進行江北則反是無女學則女子不入學無女教員則女校不能成立國民女校少則高小女校自爲無形之減縮前後相繫互爲因果於是女子教育遂永無發展之望據上述三種原因知徐州女子師範有不容不辦之勢按徐州風俗習慣與海屬及淮屬之泗陽漣水諸縣相近

將來地方平靖交通便利徐海淮各縣當均以就學徐州爲便查現在銅沛蕭邳宿各縣共有女子高小六校每校每年畢業尚足一級人數若不因勢利導遠謀擴充恐數年之後並此六校不能保存視學等每思師範教育當抱絕對地方主義萬難舍已從人削足適屢江蘇六十縣負擔教育費相同並無先後多寡之分若令吾江北女學以後無平均發達之希望揆諸情理詎得謂平爰特提出增設徐州女子省立師範學校案敬候採擇况女子職業補習尤爲當令切要擬俟此校成立更聯合隣近各縣仿照省立師範代辦講習科辦法委託該校代辦女子職業補習科亦減輕該校負擔之一法也是否有當合併提案統祈公決

淮安縣勸學所所長阮師凝 淮陰縣勸學所所長王義成 請議建議增設江北女子師範學校案
視學崔克慶 視學范奉怡

教育不分男女當一律求平均之發達吾蘇女子教育在省立一方面除第一二師範及蠶桑學校外均未遑他計且即此二三學校亦均設於江南江北女子求學負笈南下往往因交通不便感受種種困難或畏而却步或中道而返實有莫大障礙擬請於江北適中之地增設一省立第三女子師範學校廣儲江北女子教育之師資以求江蘇教育平均之發達是否有當請公決

泗陽縣勸學所所長李景邦 請議推廣女子師範學校以謀普及案
視學李昂軒

女子教育關係社會家庭至爲密切設立自不宜緩江北各縣女子教育殊形幼稚推厥原因固由於風氣閉塞民智未開而師資缺乏實爲一大主因擬請由省於淮揚徐海兩道各設女子師範一所將來師資輩出各縣女子教育自有起色是否可行請公決

銅山縣勸學所長楊懋卿視學張明新等請議設省立第三女子師範學校於銅山以謀各邑女子教育發展案

謹案女學爲教育根本辦理教育者類能言之徐屬各邑僻處北境風氣閉塞迭遭變故女子教育最爲幼稚其原因雖不一端而師資缺乏實爲重要關係借才異地遠道求學均以經濟艱難因之中阻高小畢業後率多廢學女學前途永無發展希望擬請轉呈省長增設第三女子師範學校於銅山以謀各邑女生升學廣儲師資似難再緩各邑高小畢業每年可招一級五六年後各地女校盡由地方女子師範生出而擔任減輕經費困難普及女子教育家庭進步社會轉移擴悍風尙藉以消除於通省平均進化多所裨益也是否可行敬候公決

(丙) 各縣自辦師範學校案

請教育廳通令各縣查照師範教育令第二條第一三三項自行酌量辦理

省視學費玄韞請議八年度內地方教育應行規畫及改進案(甲項第六條)原文見前

(丁) 繼辦講習科案

現在籌辦義務教育需要師資較前尤急除仍援照成案委託省立師範代辦外遇必要時得由各縣請由教育廳長轉呈省長核准自辦

附請議案原文

寶山縣視學王鍾麟請議修改第三次省教育行政會議議決廣儲師資案

查第三屆省教育行政會議議決廣儲師資案省令此項講習科既由師範學校代辦應取一致辦法毋庸由各縣自行籌設等語竊維各縣小學教員兩經檢定之後其缺乏師資大率類是酌籌救濟方法莫如續辦講習科但各縣情形不同有宜於請師範學校代辦者亦有特別情形宜於自行籌設者敢述理由如下以我寶邑論現在小學教員數一百八十三人其中不合檢定資格者六十一人此六十餘人中高小畢業生二十六人其他修業生十二人匪特貽誤子弟抑且誤及自身勸令補習師範擴充知識然後再執教鞭或可免好爲人師之謗此宜設法續辦者一當民國三年我邑曾辦甲種師範講習所畢業三十人現在本邑服務者約占三分之二觀其辦理校務尙能一致進行施之於單級教授尤合今停辦已三年餘師資日形減少其在師範畢業者每歲祇三人或一二人或竟一人而無之以畢業生之難能可貴一若高自期許必向高小謀位置國民校有弗屑焉者試問國民校之教員從何產出此宜設法續辦者又其一寶邑十五市鄉每市鄉三人學額須四十五名如請省校代辦每生每年納費百元歲需四千五百元勢難擔此鉅款查前屆自辦講習所年費在二千四百元之譜較之代辦當可節省半數而辦理亦頗著成效故以經濟論尤以自行籌設爲宜非獨此也我邑僻處海濱民貧土瘠在村校教員年薪不過百元左右其性質活動能力較優者每以接近上海輒思舍此適彼或傾向市集小學視村校爲畏途故必養成多數習勞耐苦之教員任職村校既與性質相宜乃能安心課業且使供過於求村校亦無可託足退而設私立小學公家乃從而酌量補助之則用力少而成功多矣如此逐漸推廣教育之普及庶有一日乎必欲請省校代辦其定章儘以勞苦主義爲詞然能否實行亦屬一問題况復洋房高壘電燈通明目染耳濡漸成習慣畢業之後任教職於鄉僻之區矮屋三椽一燈如豆起居飲食種種不周吾知其必有無限之感

想尙能安心於課業者幾希比閱江蘇省公報載有崇明縣擬辦師範講習所實行習勞耐苦主義養成小學師資意見書及簡章十條竊歎崇寶兩縣其性質同其情形同其意見亦同崇明旣經核准於前我寶當可倣行於後尋繹 省令限制自辦之用意一則恐招取學生之濫一則恐延聘教員之難始基一壞貽害實多故現所當兢兢致意者惟在嚴格錄取學生鄭重聘請教員以爲進行之標準將來較諸省校代辦不難殊途而同歸焉茲特提出理由書擬請查照前案凡師資缺乏之縣欲省校代辦者自當查照辦理但遇特別情形得自行籌設不變更 則而附以但書旣與 省令不相牴牾而於事實進行亦無妨礙是否有當敬候公決

崇明縣勸學所所長陶鑄
松江縣視學倪宗伊請議呈請省長變通前屆公佈之廣儲師資續辦講習科案

查第三屆教育行政會議議決廣儲師資案業經 省長公佈由缺乏師資各縣自行聯合照每名每年認定一百元成案呈候令交省立師範學校代辦毋庸由各縣自行籌設具見 省長慎重師資之至意惟竊有申請者數端

一 地方遼闊之縣非歲添小學教員四五十名不足以謀普及以每名百元計算歲需費四五千元財力有所不逮由各縣自行籌設經費或可節省

二 鄉村小學教員常供不及求之時假令同時有五六縣以上委託省立師範辦理是項講習科每縣不過七八名師資仍虞不足由各縣自行籌設則師資之成就可以較多

三 省立師範寄宿舍有限勢必另行賃屋於外宿舍與教室不相聯絡管理頗覺爲難由各縣自行籌設則無是項困難之點

四省立師範附屬小學原爲本科及二部學生試教而設講習生參與試教時間定必不多恐難得充量之練習
由各縣自行籌設則試教時間可以儘量支配

五鄉村小學兼寓職業而鄉村職業農事爲重由各縣自行籌設則可以附設農事試驗場以資練習將來服務
鄉村較爲切實

以上數端是愚者千慮之一可否請廳長呈請 省長變通前案由各縣揆度本地情形聯合託省師代辦或自行籌設酌量辦理以廣師資是否有當請廳長鑒核交議

江都縣教育主任孫屬吳恩棠請議聯合缺乏女學師資各縣認定學額經費請託省立女子師範代辦甲種講習
視 學 蔣兆祺

科案

江北女學素未發達其故由於缺乏師資省立第三女子師範學校雖經省議會議決在江北設立迄未實行現
爲救濟缺乏師資各縣現狀起見擬請省立女子師範代辦甲種講習科凡各縣需要此項人才者即於會議時
認定學額經費(每人每年一百元)完成一級或二級於八年度學年開始前由各縣勸學所選送合格學生入
校肄業如是二年之間可以養成多數師資在省校固不生經費之困難在各縣亦得達提倡女學之目的是否
有當謹請公決

江浦縣視學邢泰階請議續辦甲種師範講習所

各縣自檢定教員後合格師資較少省立學校所造就師範生每年額數每縣至多七八人甚有少至二三人者

就目前論幾有供不應求之勢更何論乎將來應請教育廳呈請 省長轉令省立各師範學校添設第二部並請允准各縣集合經費自行續辦甲種師範講習所庶厲行義務教育師資不虞缺乏是否有當敬祈公議

(戊) 省立師範實行巡迴講授

請教育廳長通令各省立師範學校於原定區域內實行遵辦

附請議案原文

寶山縣視學王鍾麟請議省立第二師範辦理巡迴講授遍及滻海道屬各縣案

查第二屆省教育行政會議議決省立師範一律辦理巡迴講授案由省立第一師範首先舉辦延請講員分赴蘇屬各縣巡迴講授期於增進一般小學教員之學力藉收整齊統一之效其辦理成績已見印刷報告法之至善者也我滻海道屬省立第二師範聞亦舉辦矣而寶邑未見到過一次值此各小學校師資缺乏時其於教管上未能盡合固不待言苟得富有經驗之講員實地教授示之準的獲益當非淺渺雖督促改進本視察者之責任但師範學校之所以異於其他學校者爲地方教育中心整齊而統一之尤負特殊之重責也今師範所屬區域內之小學校急需此種講授當不僅寶山一處應請第二師範從本學期起派員分赴各縣實行巡迴講授其他師範亦依此辦理是否有當謹請公決

銅山縣勸學所所長楊懋卿
視學張明新請議各師範學校教員應一律分區按期巡迴講習以便改良小學教育案

省立各師範學校爲全省小學教育之樞紐附屬小學其尤者也考其設立性質供師範生試教者半供小學教

員參觀者亦半其因種種困難而不能來參觀者則又有派出教員巡迴講習之必要焉特是巡迴講習之舉各附小行者固多未行者亦復不少同一性質學校同一省區屬縣責任有盡不盡之分利益有享不享之別揆諸情理似屬不平況實行巡迴講習之校又多在交通便利小學教員易往參觀之處而交通不便之處乃適與成比例其尤不可者也且巡迴講習之教員更可藉以考察各地教育歸而供同人研究以定實施教育標準實兩利焉具此理由謹擬由各省立師校一律派出附小教員分區按期巡迴講習以改良小學教育是否可行敬請核交公決

(己) 省立師範添設附屬小學

請教育廳長通令各省立師範學校擬具計畫書開列預算由廳彙呈 省長核交省議會議決辦理

附請議案原文

崇明縣視學施祖恒請議各省立師範學校多添附屬小學形式務須簡樸地點宜在鄉村以資練習案

一、各省立各師範附屬小學祇有一處試教時間往往不敷分配每一畢業生試教僅十餘小時練習功夫未能充足一旦任職何以能勝任愉快若多添附屬小學則練習功夫既多出而任教自足以饜社會期望之心理由一學生之性質習慣鄉村與城市不同城市學生多敏活鄉村學生多樸誠查各師範附屬小學多設於城市師範生練習教授訓管等事但知城市情形不識鄉村狀況畢業之後何以能攸往咸宜若地點設置在鄉村則習慣

自然行所無事理由二

查省立各師範附屬小學設置完備師範生司空見慣習以爲常一旦置身於鄉村小學草屋兩三間上無承座下無地板何以能安之若素愚以爲附屬小學祇須樺籬茅舍竹簾紙窗力求雅潔無取奢華俾師範生歸家服務有所取法似於普及教育不無裨益理由三是否可行請廳長鑒核交議

各縣公立實業學校附設營業機關案

工業或商業學校宜附設營業工場及商場以校長任其事而以職教員及高年級學生分任職務其營業資本得酌量地方情形商借教育費積聚金或其他公欵至多以四千元爲限（借用積聚金及公欵時應呈報備案）此項借款每年照例生息由校長負責歸還並得由校長按照公司條例酌量招股如辦有餘利其支配方法由校長規定呈報至農業學校得參酌前項辦法附設經濟農場

附諮詢案請議案原文

教育廳諮詢整頓實業教育辦法案（第一條）

欲求國家之富強莫先於振興實業欲求實業之發達莫先於提倡實業教育處此生計競爭世界非提倡實業教育國且不能自存遑論富強蘇省興實業教育有年矣除省立實業學校外縣屬實業學校通令舉辦者種類有三即乙種實業農業補習科及職業科是也查各縣設立乙種實業學校舉辦畢業已經數次就表面而論未嘗無成績可稽然起視實業學校畢業生大多數充小學教員或就其他職業求一本其所得之知識技能爲實

業界效用者幾同鳳毛麟角推原其故大抵於學校支配課程偏重理論不求實用又以經費支绌關於種種設備多付缺如學生在校既無實習之機會出校即少應用之知能此外農業補習科及職業科各縣尙未舉辦者實居多數是故論目前蘇省實業教育已辦者急宜整理未辦者急宜推廣至設備過簡實習之時間過少實為各實業學校之通病補弊不容或緩茲就攷查所得條舉其應行整頓者諮詢如左

乙種實業學校畢業生不能本其所學在社會上經營生活其原因不一而學校教授情形與實業界實在情形不能融合實為其主要原因是故我國在今日欲謀改進實業俾學理與事實適合學校與社會溝通非由各實業學校附設營業機關不可如農校設營業農場工校設營業工場商校設營業商場以校長主任其事職教員及最高年級學生分任職務本其研究所得實地演習一方面為社會示模範一方面即為學生增經驗此項機關主旨本在營業一切費用均取償於營業所得之利益開辦時祇須籌措活動資本若干不必開支常年經費至所需資本可商借縣教育積貯金或其他縣有公款每年照例生息按期由該校長負責歸還至應如何商訂借款辦法庶使款有着落弊不發生此急待諮詢者一

我國以農立國由來已久蘇省尤稱農業發達之區第農民缺乏農業上之智識技能以致墨守成規不求進步去年曾由本廳規定農業補習學校暫行簡章公布施行在案然各縣遵令舉辦呈報到廳者尙屬少數此項補習學校在鄉村甚屬需要應如何改良辦法寬籌經費以廣推行之處此急待諮詢者二

職業學校東西各國莫不視為重要誠以國民學校暨高等小學校畢業生萬不能直接謀職業上之生活則職業學校之設置為不可緩焉查蘇省職業教育雖經教育家多方提倡已深入於一般教育者腦海之中然各縣

因困於經費設校辦理者尙屬少數應由各縣預籌經費設置職業學校若為節省經費起見並可於高等小學或國民學校內酌量附設職業科專授職業上之技能以救生計上之困難至職業科目應視社會之需要而定是否可行此外有何妥善辦法此急待諮詢者三

上述各條不過擇其急要者言之非謂實業教育之應行整頓者盡於此也諸君對於地方實業教育經驗既深見聞尤切何者應興何者應革早已瞭然務希各抒所見藉備採擇施行

句容縣勸學所所長陳祖濂請議各縣宜酌提教育積聚金預備金籌設工場以裕學款案

竊查各縣教育經費固有定數不能隨時增加然教育事業愈推愈廣則經費有限而事業無窮司教育者萬不能為無米之炊現時各縣之辦公有林而為教育經費謀擴充者亦已陸續進行惟此項公有林採伐期至少亦須二十餘年之後收效嫌遲為今之計似可酌提教育積聚金預備金酌量籌設適宜各縣情形之工場一方面為教育經費之擴充一方面收納未升學之高小國民校畢業學生而予以職業他方面又可減少無業之遊民誠一舉數得對於教育前途大有裨益即如句容一縣交通不便最宜於農本年曾聘師教授編麥桿辦令小學教師五十餘人與婦人女生三十餘人習之明年擬聘熟悉製帽教師一人教授製帽方法亦未嘗非農產生計界之一助惟經濟支绌籌畫維艱擬在教育費中提取積聚金預備金二三千元設一麥辦製帽工場徐圖利益以為擴充教育事業他縣可否酌量設置工場情形之處仍乞公議

增設實業補習學校案

農業補習學校辦法除明令規定外並得兼營養魚畜牧等事至工業商業補習學校

辦法請教育廳長規定通行各縣酌量舉辦並由教育廳長咨行實業廳呈請 省長
訓令省立農場場長仿照省立工場舉辦補習學校

附諮詢案及請議案原文

教育廳諮詢整頓實業教育辦法案（第二條）見前
靖江縣視學劉樹圻請議通令各縣酌設工業補習科案

補習教育足以補助國家社會之進步亦足以增進國民實業的才能吾蘇各縣小學現雖逐漸推廣而設立補習學校者尙不多見上屆會議雖會議決實業補習辦法亦尙未經公布茲就管見所及補習教育宜速推廣者約有數端（一）廣設工業補習學校現今世界趨勢教育當重工作主義故工業實爲各種職業之中心惟工業範圍極廣種類亦多是宜由各縣視地方上之需要并利用所產原料分科設立待製成實用品後隨時出售庶不患供不應求且亦可獲利（二）增設女子職業補習科今之成年女子每因年幼失學以致坐食而未能生利欲圖補救則宜設女子補習學校惟事屬創舉來學者恐未必踴躍擬請通令各縣女子高小先酌量附設職業補習科招收年未滿二十之婦女採半日制於午後授以縫紉刺繡染織等科貴精而不貴多以冀養成一技之專長俟辦有成效再議擴充專校以上二端爲目下提倡國貨之切要辦法似應由教育廳擬定簡章限期迅令各縣舉辦是否可行謹請核交公決

儀徵縣教育主任樊德馨請議設立商業補習學校並令小學學生往商店學習以期商學聯絡案
視學 古思公

小學教育之目的非專爲造就人才起見一般社會誤認小學教育之目的者多矣有以爲子弟志在就業即不須受學校教育但在私塾讀書數年即可習商而有餘此一說也又有以爲子弟既在小學畢業即不宜再就他項職業當然升學專向學校方面求生活此又一說也前者其弊小鮮在就業者無普通知識確確自守猶可習一業以謀生後者其弊大學校教育未必能專重職業家庭父兄或聽子弟以自由每見有高小畢業者始則投考某種學校未經錄取繼又往考他種學校即幸而獲取恐以非其本志矣設不幸而在見遺欲其移易素志以習商業在自視高者有所不屑而年事俱長者勢亦有所不能必致展轉經年浮沈無定其患有不可勝言者就儀邑一縣而論偏查境內各商舖中之徒弟有由國民學校畢業及高小校畢業而來者幾百無一二焉一縣如是想他縣亦未必不然此其故由於商學兩方面平時隔閡商界不知學校內容學校不常與商界聯絡商自商學自學小學畢業者即願往商店學習其如商店不歡迎何茲爲商學聯絡感情計擬定辦法兩則敬請審核交議

附商學聯絡辦法

一各縣就商會或公地開辦商業補習學校專招收各補中未曾入學校者原有之徒弟每日授以關於商業上學科及普通科目二小時或三小時以一年或半年畢業教師即由學校熱心教育者擔任需費無多可由商會與地方分別籌措

一各縣高小校內平時設有販賣部爲學生商事上之練習但在校內練習規模猶狹莫若商定數種店舖擇校內各生(自二年生起)資質家況宜於習商者令其於星期日或寒暑假期內前往學習如果學行相宜庶畢

小學校及女子小學校內附設職業補習科案

請教育廳長查照全國教育會聯合會職業教育進行計畫案內補習科辦法通令各

縣酌量舉辦

附諮詢案及請議案原文

教育廳諮詢整頓實業教育辦法案（第三條）見前

省視學費玄韞請議八年度內地方教育應行規畫及改進案（甲項第四條）見前

蕭縣視學孟昭潛請議縣立女子高等小學校宜增設女子職業補習科案

學校教育欲收良好之效果必有家庭教育爲之輔助女子自高小學校畢業其有力升學者入師範學校或中學校畢業後不過爲地方教育之人才其不能升學及不能考入者實居多數退入家庭其所學習之知識技術未能應用於實際有此缺憾而一般社會視女子無入學之必要女子教育遂於此生種種障礙故今日欲振興女學當注重女子職業而補習科亦與各種職業補習學校一致進行其目的即以增進女子職業上之生活試述其辦法如左

（一）經費由勸學所視地方情形得請由縣欵補助外並隨時酌收學費

（二）程度高小學校畢業或與之有同等以上之學力者

(三)教科除修身國文算術簿記家庭經濟學家庭衛生學爲必修科外得就本地之業務酌設關於技能各科

(四)畢業依學校令規定補修科之修業年限由管理人酌定之

儀徵縣教育主任孫屬顧承璽
勸學所長樊德馨請議小學校酌設補習科以注重職業教育案

視

學

古思公

查小學校令第一條內載授以生活所必需之知識技能爲宗旨原欲使人人具有生活之能力而可以自營職業然試觀今之高等小學畢業生其果能自謀生計者曾不多覩且有貧寒子弟畢業於國民學校而無力升學者其所習得之知識技能尤屬簡單更何足以供社會之用每見此項學生因無可就相當之職業而致令坐廢實貴之光陰卒至前此在校所得之學亦漸即荒棄誠爲可惜擬請通令各小學校設立補習科授以職業上所必需之學識其課程或注重農工或注重商業應各察酌地方情形適宜行之俾此等畢業生不至荒廢時日而一旦出就職業亦足有以應用至志願升學各生仍應升入他校或各種實業學校以宏造就是否可行應請審核交議

各校製造物品公設販賣機關爲學生商業之練習案

請教育廳長令行各縣就學校較多之地公共組織販賣部收集各校製作品輪派學生練習販賣其辦法得參照江寧縣請議原案條文由各縣自定之

附請議案原文

江寧縣教育主任 楊屬凌玉成請議各校製作物品公設販賣機關爲學生商業之練習案

商業何自而發達乎一在於製造之品物多一在於培植之原料厚僅知趨重商業而於農工二者不爲致力無論商業無發達之希望即發達矣要亦如吾國商肆僅僅販運外貨爲各國製造物品之銷場人所得者十之七八我獲者不過一二而已矣近自學潮發生以後學生多注意販賣以是表示其愛國而商業中人咸竊竊焉議之以爲不從事製造專從事販賣直與吾輩爭利於救國本旨無裨焉夫商業爲教育實施之一種學生販賣原未可厚非然欲爲根本上之維持則於農校之作物工校之出品仍宜多所注意農工各校而外如高小及國民學校旣已改良手工講求製造縱今以往則將以販運之事業轉而爲製造發明之事業是商業上已具發達之根基而經濟之原動力乃不致受制於人至可幸也雖然製造品物培植原料固爲從事實業者所必經而商業之練習亦與農工二者有連帶之關係從前商校學生學成多無所致用論者動謂其與商事不相習故淡漠視之苟乘此機會實地經驗日與社會相接近則已受教育者之智識必超乎未受教育者智識之上是商事練習在商業教育上應占最要之勢力可斷言也茲擬具販賣機關之組織法藉爲商校學生之練習地條舉數端於左

一省立商校應聯合農工師範中等水產各校及其他男女職業學校於省會或通商大埠設立販賣機關凡各校所製成之物品均由此公共機關販賣之而以甲種商校之將屆畢業生分部經理藉資練習

一公共販賣機關悉以商肆之形式部署之商校主任教員總攬機要其餘各事以之分任學生練習期滿或去或留由主任斟酌辦理

一需用經費除以各校物品售出酌留幾分之幾抵充用費及勞金外其餘不敷之數即由商校在預備費內撥支俟販賣獲有餘利即行撥還如無盈餘實耗若干列入本校預算一併開冊呈報

一販賣物品視何項為社會所需要即由承造物品之學校加意研究之以期精美而合時尚至物品陳列可使各校互相觀摩為改良之預備

一各校所需竹木各器及一切常用品項即由工校或其他學校製造之一經製成交由販賣機關轉發各校應用俾利源不致外溢於經濟尤有關係

一各校物品售出收回價值除照提材料及工作費外實在餘利若干酌分學生幾成以為鼓勵之用

一縣立商校如連合高小及國民學校公共組織販賣機關時得援據以上各條參酌辦理

各縣藝徒學校或乙種工業學校宜仿製應用物品以免

購用外貨案

請教育廳長通令各縣斟酌辦理

附請議案原文

江寧縣視學孫濟源請議各縣藝徒學校或乙種工業學校宜注重仿製應用物品以免購用外貨案

近日提倡國貨不遺餘力而物品窳陋不足供社會之用雖極力提倡恐終亦徒託空言各縣所設之藝徒學校及乙種工業學校大半趨重於木工織工機織等科而社會需用之物品如洋傘軟席草帽鉗扣洋線毛繩以及製革製紙之類鮮有注意及之者一般藝徒欲習此項工藝亦苦於無處學習以後各縣藝徒及乙工學校似宜

各就地方所產原料之適宜者注重仿製以上各種物品庶可漸減外貨之輸入至木工築工機織等科則可從緩蓋木築機織等工隨處皆可學習不必需學校提倡也

推廣乙種實業學校案

請教育廳長查照第二次教育行政會議議決公布釐定各縣實業學校辦法案通令
未辦各縣限期一律舉辦

附請議案原文

吳江縣教育主任據屬王葵請議推廣實業教育並增進教育經費案（第一二項）

欲維持國民生活莫如推廣職業教育而於農村教育則宜重視農業惟值過渡時代理想與事實學問家與勞動家每多隔膜致從前所施實業教育不能普及於農民而收良好之效果爲今之計宜變通辦法預籌經濟的設施茲摘舉所見分別列於左

一農村子弟畢業於小學即或有志上進大多爲生計所迫無力升學此等小學畢業出身農家已具農業經驗體質堅強能耐勞苦以後此等畢業生如志願升入公家所設之農業學校宜准予免費庶學成以後即能實際改良農作可無慮人才之消失

一縣市鄉預籌寬廣之公地闢爲農場聘農業專家爲主任僱用農民從事耕作並與以相當之教育逐年推廣以殖富源即以其羨餘充作本地方教育經費

一教育與實業二者相輔而行而於行政上亦須兼籌並顧以圖進行之便利從前縣公署實業專設一科後以裁減辦公經費實業歸併三科或一二科承辦其有教育實業分科承辦之各縣往往辦理實業行政者不知教育情形辦理教育行政者不知實業情形以致利民之政不能實際貫澈以行此後縣公署分科辦事教育與實業宜併科合辦爲便擬請廳長呈請省長令教育實業分科辦理各縣重行改組歸併而利進行以上就管見之所及以備芻蕘之獻是否有當仰祈採擇核交公決

泗陽縣勸學所所長李景邦 請議寬籌經費以興實業教育並養成師範生職業技能案
視學李昂軒

外交失敗各界激於義憤提倡國貨抵制日貨衆口同聲然旬月之間普通日用之貨已不足供社會需要若不講求工藝恐徒託空談無補實際擬請由 教育廳一面令行各縣知事督同勸學所從速寬籌經費每縣至少設立乙種工業學校或藝徒學校一所以爲提倡工藝之先導一面令行省立師範學校各就地方情形規定職業科目養成師範生職業之技能以備將來小學校職業教育之實施是否可行請公決

溧陽縣視學馬馨 請議推廣工業教育案

蘇省工業素稱幼稚近自抵制日貨以來日用品物殊形缺乏長此以往情形堪虞亟應於各縣增設乙種工業學校提倡日用工藝以謀補救而爲根本之抵制是否有當請公決

養成實業師資案

(一) 省立甲種實業學校應一律附設農工商業教員養成科其入學資格以曾任國

民學校職務者爲最宜所習技能以適於各地方實用而不費經濟者爲要修業時期定一年學成以後即擔任本校職業補習科之教授

(二)省立師範學校應視地方情形實行添設農工商等科目並應倣照南通代用師範學校令學生於三四兩年注重實習俾畢業以後出任小學教師於實業等科不致無所措手

附請議案原文

江寧縣教育主任凌玉成請議儲養職業教員擴充補習教育案

歐戰終了東西各國咸注意於國民之生產能力藉謀經濟之補充挽就從前之損失而其人手辦法悉歸本於補習教育又恐補習者之不能一致於是強迫實行之經費所需凡地方所不能擔任是以國庫補助之力至偉願至宏也吾國中央財政之艱窘自救不遑斷無餘資及於各地方補習教育因經費之無出而於國家根本上之救亡教育復不爲之致力亦坐待其亡而已矣所謂救亡之教育者值民生凋敝外貨充斥之時莫先於職業教育農工商三種而外凡地方所需要者如陶器雕刻刷印繪畫以及美術各品日用必需諸類無工不屬於職業範圍地方辦學人士苟鑒於時勢需要即當廣設補習學校或補習學科養成國民生產之能力而與列強爲此後經濟上之競爭失此不圖竊恐貧乏愈甚亂機日伏迨至列強羣起以經濟之原動力出而謀我斯真無可以自救矣惟是施行補習教育必先養成職業教員然於今日爲分程兼進之謀二者尤須並籌未可稍緩

議決案

七六

茲擬辦法數條列舉於後

一中學校除設普通科一級外餘即斟酌地方情形分設農工商一科或二科作為中學校之第二部俾無力升學學生肄習實業一經出校可為補習職業教育之教師

二中學校第二部除設農工商各科外並可仿照第五中學陶業科酌設職業各科以為學生直接謀生及出應教育之預備

三省立甲種實業學校除原設本科外並應附設農工商業教員養成所其入學資格以曾任國民學校職務而缺乏實業之技能者為最宜修業時期定為一年學成以後即擔任本校職業補習科之教授

四省立師範學校視地方情形設立農工商等科並應仿照南通代用師範學校令學生於三四兩年選習一科俾畢業以後出應小學教師而於實業等科不致無所措手

以上各條為造就實業師資及職業師資之準備應由省立各校任之且同一設科同一需費不如移緩就急藉應社會之需要之為愈也

五高等小學校於應課手工外本有加課農業或商業之規定復有准設補修科之規定茲為學生增進程度便利實用起見既使之補習普通學科如有無力升學者並使之補習職業教育

六吾國國民學校入學生徒年齡不一迨至畢業有已屆成人者其力不能升學可知補修科之設置一方維持其學校修養上之道德一方補充其生活上之技能於補修科之中兼可授以需要之職業

七省立農場工場為全省實業機關應仿照歐美各國辦法附設職業補習學校俾一般學徒技術養成執役場

廠有實在服務之時機置身社會有改良實業之能力

八各地商業多有公所之組織應由地方辦學人員與之聯絡凡每商業公所勸令附設職業補習學校應設學科即以商業之需要為教育之實施自育人才而自用之收效之易無逾於此

以上各條為地方施行實業教育及職業教育之根據宜由縣屬各校或勸學所協力為之務使學生入校修業期滿出謀生活均有執藝之智能此則凡負教育之責者不可不加之意也

就本地物產編訂職業教科書

請教育廳長通令各縣轉行研究機關各按照本地情況酌量編訂

附請議案原文

江浦縣視學邢泰階請議職業教材就本地物產編訂教科書以求適用案

近今教育趨重職業各縣高小及國民學校莫不分別附設職業科職業教育不可謂不發展矣但各種小學職業教科書各書局之編訂者少且書局多在上海編書時偏重上海職業之狀況而於各地工商之情形未能盡合農業更無論矣職業教材既缺乏將何以造就職業之人材乎應請教育廳通令各縣轉飭各教員之授職業課者就本地職業之情況自行編訂教科書而於本地特產獨詳述之如寧蘇之絲綢綢緞宜興之陶器烏江之銜花東南各縣之米西北各縣之麥皆特產也皆宜詳著於書以便增進學生知識庶將來卒業後不能升學者或可詳知本地物產以所學適所用而不致無業可圖也是否有當仍請公決

嘉定縣議員請辦省立中等職業學校女子中等職業學校 蕭縣沐陽銅山請在徐州增設省立第四農業學校 淮安淮陰請增設江北甲種工業學校共六案

擬請教育廳長呈請 省長咨交省議會議決施行

附請議案原文

嘉定縣教育主任_{學嚴善言}
屬季朝楨請議籌辦省立中等職業學校製造教育用品案

勸學所長_{顧瑞}

我國教育用品外貨居多國產絕少即偶有一二亦尙未研究盡善急待改良經此次學潮以後勸用國貨之聲日高即愛用國貨之人日衆學校爲提倡國貨之先導教育用品自宜純用國貨以樹表率現在國貨既少自應從速仿造之法莫如籌辦省立中等職業學校如石筆鉛筆粉筆石版墨水兒童玩具印刷用紙墨油鋼板鋼筆以及其他簡易之標本模型等等其間中國已有者再求改良未有者力求仿造一省行之各省繼起不數年後中國之教育用品雖不敢謂全用國產要不致如今日之多用外貨自可斷言是否可行請付公決

嘉定縣教育主任_{學嚴善言}
屬季朝楨請議籌辦省立女子中等職業學校提倡國貨案

我國提倡職業教育歷有年所然皆偏於男子方面於女子尙付缺如即以蘇省論除省立職業學校外祇有師

範學校而已查師範學校專以培植師資以普及教育爲目的並非與以生產能力與職業教育之本旨不同鄙意女子高等小學校內除注重實用手工俾練習普通技能及園藝等俾具農事智識外更宜添設蠶科教以種桑飼蠶之法使畢業高小以後即有自營生活之能並在省中開設女子中等職業學校專織各種線襪絲襪汗衫汗褲手套花邊以及其他編織物品此不獨可以提倡國貨且授女子以生產之智能於國家經濟前途關係至鉅可行與否請付公決

蕭縣勸學所所長丁作則請議徐州設立省立第四農校案

吾蘇省立甲種農校三而寧蘇淮各有其一風物攸殊設科特異客地往學鮮失應用尤以徐在本省遠居淮北氣候土壤迥別江南而農事窳敗於今爲極民生艱苦較各地爲甚惟山澤原濕兼備林牧百穀胥宜蕭碭產棉銅睢育蠶尤爲利源加以津浦隴海縱橫交通運輸便利農事地位非不優越苟得人焉以指導社會爲之發其局而窺其祕則地方農產之豐可計日而待是則農校之設爲不可稍緩之舉也救災恒鄉與國且然同隸一省豈容漠視用請公議主持提前設立徐州第四農校是非惟吾徐之幸亦全省之幸也

沐陽縣勸學所所長張卓東請議設立第四農業學校於徐海道區案

按吾華以農立國蘇省農產爲特盛吾蘇以農爲重江北農產爲尤繁查全省農校設立凡三處江南得其二江北得其一第三農校設於淮陰屬淮揚道區徐海一道與淮揚對峙竟付缺如未免有向隅之嘆四農設立洵爲迫不容緩之舉設立於徐海道區尤合教育普及之意管見如斯請付公決

銅山縣勸學所所長楊懋卿等請增設省立第四農業學校於銅山以謀農業進步案

竊維中國以農立國按之本省大江南北附近各地方工商發展與農業并為重要徐屬各邑工業不興商業凋敝所恃以保持生命者只有農田一項而農家者流墨守陳法收穫與否聽之天然此外森林畜牧蠶桑漁業諸大端更無人注意年來生計日窘相率挺而走險地方不靖職此之由改良提倡端賴學校教育以開發智識且能引起興味擬請轉呈 省長設立第四農校於銅山以便各邑志願農業者之升學并請連同第三女子師範案一併呈請追加八年度預算以冀早日實現地方受賜良非淺鮮矣是否可行敬請公決

淮安縣勸學所所長阮師凝 淮陰縣勸學所所長王義成
視學崔克慶 淮陰縣視學范奉怡 請議增設江北甲種工業學校案

竊以歐和簽字後各國勢必注重工商政策以中國為經濟之競爭場中國欲保持其固有之位置自非注重職業教育不可我蘇江南雖已設有甲種工業學校而江北仍付闕如且江北無業遊民尤為不少因無生活之技能常受饑寒之交迫不得已而流於盜者或亦有之從根本上解決當由實業教育上着手俾人人有職業即人人可以謀生活不獨可以弭盜並可為商戰上得一助力故我江北辦實業教育宜於農尤宜於工誠能於江北設一省立工業學校廣儲職業教育之師資將來發展職業教育當自不難職業教育發展而一般遊民受此教育均有獨立生活之能力蓋患除而商戰亦利管見所及是否有當謹請公決

改良說書案

(甲)籌設改良說書傳習所

請教育廳長酌定辦法擇地組織

(乙) 取締有碍風化之彈唱

請教育廳長呈請 省長令行警察廳及各縣知事嚴行取締

附請議案原文

教育廳諮詢促進社會教育辦法案(第一條)

社會不良之習慣恆足爲學校實施教育之障礙是故欲學校教育得善良之效果非同時促進社會教育不爲功蘇省社會教育如圖書館巡迴講演團通俗教育館公共體育場等各縣多已舉辦惟辦理著有成效者尙不多觀不可不從事改良至如巡迴文庫及公園實與開通社會知識增進社會幸福至有密切之關係而辦者尙少不可不急謀推廣茲將關於社會教育之改良或推廣各問題分別條舉諮詢如左

改良社會講演尙矣本省通俗講演省有巡迴講演團各縣有講演所及小學教員兼任講演然攷查各處講演時聽講之人不甚踴躍往往講者諄諄聽者藐藐旣無感動之意安有效果可言查說書者之瞽詞盲唱至爲社會所歡迎惟若輩信口開河其所取材恆與教育之宗旨相背馳而聽者默化潛移足使社會日即於腐敗有無妥善方法以講演資料借說書者之口吻灌輸於一般人民腦海之中藉以收改良社會之效此急待諮詢者一社會本由個人積成個人之程度低即社會之程度無由增進查現時一般國民程度除上中等社會子弟得受學校教育外其餘迫於生計不能入校修學者比比皆是此實社會教育進行之障礙欲謀補救則半日學校補習學校以及露天學校等之設置爲不可緩也應如何規定辦法俾各縣推行盡利此急待諮詢者二圖書館之與社會教育至有密切關係東西各國咸以建設圖書館爲補充學校教育增進社會智識之唯一機

關蘇省各縣圖書館前曾通令籌辦惟因困於經費有迄今尚未成立者即已成立各縣設館地點多在縣治四鄉偏僻之處亦難享受實益則巡迴文庫不可不急謀設立也茲擬於八年度內由各縣酌設巡迴文庫以勸學所總其成而由縣立高小學校輪司其事至巡迴手續及一切辦法應如何規定此急待諮詢者三

公園爲公衆遊觀之所不啻爲社會之俱樂部東西各國莫不視此爲促進社會教育重要之機關蓋人民於職業餘暇旣無遊息場所足以娛樂性情勢必至趨於不正當之娛樂以資消遣此風俗所以敗壞道德所以墮落也是故論公園之利益不僅供給社會之娛樂實以維持社會之道德不可不急謀設立也蘇省各縣公園除南通無錫武進丹陽等縣已經設立高郵縣正在籌備外其餘尙付缺如應如何預籌經費規畫進行此急待諮詢者四

上述各端並非實施社會教育之具體辦法不過就蘇省目前地方情形應行改良或推廣各端擇要提出務希諸君本平時研究所得籌將來改革之方社會教育前途庶幾有進行之希望乎

沛縣視學李昭軒請議整頓講演或改良戲曲以謀推廣社會教育案

按縣中設通俗講演所內置講員一人積久相沿迹近廢弛每年演講或二三次或三四次不等且撰詞平淡不能中社會人之心理以故言之諄諄聽者藐藐每年耗費數百元於社會毫無裨益似宜明定章程嚴加改革講演員於每星期內准講演幾次週廻市鄉所有講稿於月終彙抄呈廳核示至講演地點亦於月終列表呈報或述爲日記杜其敷衍之弊否則以此欵聘一名手改良戲曲取近時材料及關於風化者製爲可泣可歌可喜可悲之劇排演教練現身說法而社會自必歡迎則文明之進步自速較之但設講員其收效何啻天淵也可否請

舉辦半日學校案

請教育廳長通令各縣察酌地方情形依照民國三年二月二十日 教育部公布半日學校規程辦理

教育廳諮詢促進社會教育辦法案(第二條)原文見前

舉辦露天學校案

請教育廳長通令並抄發北京通俗教育會露天學校簡章及規則體察地方情形參酌辦理

教育廳諮詢促進社會教育辦法案(第二條)原文見前

舉辦巡迴文庫案

由勸學所總其成按照原有市鄉依次巡迴指定公共機關或學校輪司其事其巡迴手續及一切辦法由各縣勸學所酌量地方情形訂定簡章呈 廳核准行之

教育廳諮詢促進社會教育辦法案(第三條)原文見前

籌辦公園案

請教育廳長訓令未設公園各縣遵照第三次教育行政會議公布案設法籌辦
教育廳諮詢促進社會教育辦法案(第四條)原文見前

舉辦通俗演講案

請教育廳長通令已辦各縣切實整頓未辦各縣尅期舉辦除前經廳令規定人員外
勸學員及學務委員亦應一律加入其辦理情形應隨時呈報以憑攷核

附請議案原文

江寧縣教育主任據屬凌玉成請議推廣通俗教育救濟社會危弱案(第一項)

一國文野之程度應以國民受教育之多寡爲比例歐美各國出全力以注重教育故國民程度之優越非倖致
也大戰既畢復施行強迫補習教育以求增長國民之程度誠以處列強競爭時代國民程度之高下即國家勢
力之強弱所由判也吾國義務教育未遑施行國民已受教育比諸未受教育者相懸遠甚是學校之教育推暨
且難更何論於社會教育雖然教育者必合社會之羣力以謀之乃克有濟否則號爲明達者一邑之內僅此少
數有限之人而不明教育者比比皆是竊恐義務教育之終於難行而國民智識之程度亦將終於蒙昧未可出
與列強爭也是故欲求發展學校之教育尤必推廣社會之教育綜計社會教育其應致力者約有數端
一爲通俗講演國體改革崇尚共和立國根本首在道德乃民國以來社會之生計愈貧道德之墮落亦愈甚所

特擔任教育者本先知覺之義爲提撕警悟之方美國大學有所謂推行部者教員分往鄉村親爲演說以至高至深之學術用極淺極近之論說以衍之己身既不憚勞而其愛同類之熱心亦誠難及吾國教員即不可以語此而應擔負之講演亟應羣起彷行挽回末俗此通俗教育之有關於民德者一也

一爲圖書及博物館人類進化特有塗徑之可循圖書標本各種爲啓發民智之祕鑰亦研究物理之標的也吾國以教育未能普及人民牢守舊習不知所變入鄉僻之境猶然草昧景象混沌遺風語以新學新理瞠目而不之信凡有關於教育之新事業非特不爲贊助輒思有以破壞之於此欲爲根本之改革必以實在之文化啓其蒙美國圖書繪畫以及動植物各物之陳列館遍於四境更有巡行文庫藉便鄉隅之參觀全國藝術之發明胥由於此吾蘇各屬圖書博物等館寥寥無幾且有求諸全邑而不得一者烏可不急起直追併力以營之乎此通俗教育之有關於民智者二也

一爲公共運動場蘇省文弱之風相沿成習人民體質難語雄強不有健全之精神安能舉偉大之事業彼視身體之鍛鍊爲無足輕重者是蓋未知立國之要地日本教育勵行軍國民主義凡柔術擊劍諸技除學校定爲必修科外他如社會之青年團幼年之衛國會又無不傾向於武士一道以爲強國之基一旦置身戎行故能經歷艱險出入鋒鏑而絕無所懼無他其體强其氣壯也吾國教育界鑒於人民體質之弱不足振起其衰於普通運動而外復以國技武術相提倡豈好以是動吾民哉蓋不如是以柔懦之民族敵彼方張之強鄰必無倖爾知此則各縣公共體育場允宜多設尤宜引導人民從事種種運動此通俗教育之有關於體力者三也以上三者爲今日社會所必需已辦者固應切實舉行未辦者應請嚴令督促吾國今日之險象循生迭起救亡

之策首在吾民之自振自振之道尤在教育之適宜悚然於社會危弱急起以教育救濟之吾國前途其庶有冀乎

宜興縣 勸學所所長 潘景洛
宜興縣 教育主任 據屬潘烈芬 請議勸學員暨學務委員一律兼任通俗講演案
宜興縣 視學儲蘊華

施行社會教育以講演為最易收效亦最廣各縣限於經費關於講演事宜迄未舉辦而省設之巡迴演團又以所任之講演區域過廣奔走各縣每年僅及一次每次不過數日時促難徧效果甚微擬請由省開辦講演傳習所令各縣勸學員及學務委員一律入所練習畢業後由各縣委令兼任各區講演事宜酌予公費便可舉辦用費有限推行實易是否有當敬請審核交議公決

籌辦圖書館案

未辦各縣請教育廳長重申前令一律趕辦

附請議案原文

江寧縣教育主任據屬凌玉成請議推廣通俗教育救濟社會危弱案(第二項)見前

溧水縣教育會請議令催各縣速辦圖書館案

圖書館之設為表章文化振興學藝所必需通俗圖書館尤為啓迪常識開通國民之關鍵如果各縣一律舉辦凡教育人員既可不時入館披覽以資參考其一般人士亦可隨時向館借閱以資灌輸在學校在社會均難視爲緩圖此項章程雖早經公布而各縣完全成立者尙居數少擬請通令各縣一律舉辦籌備雖難而收效實鉅

籌辦博物館案

凡財才充裕各縣應設法舉辦或獨立或附屬於通俗教育館其設備之繁簡視地方財才酌量行之

組織社會教育講習會案

請教育廳長根據第三次教育行政會議議決規畫社會教育進行案乙項第三條呈請省長核准籌設養成辦理社會教育人材

附請議案原文

省視學費玄韞請議八年度內地方教育應行規畫及改進案(乙項第二條)見前

蕭縣視學孟昭潛請議實行第三次省教育行政會議規畫社會教育進行案乙項設施方法第三條由省組織社會教育講演會案

近年以來吾蘇提倡社會教育不遺餘力關於規定經費及釐訂辦法之設置事項已通令各縣次第遵辦所以謀社會教育之發達者至詳且盡但就實施上言之尚有困難之點有不能不設法補救者(一)小學職教員事務殷繁對於通俗宣講難負責任(二)講演者未經磨練無以鼓動羣衆觀聽之趣味(三)通俗圖書館不能偏

設且其效力不能如講演之速且鉅（四）江蘇巡廵講演團奔走各縣每年不過一二三次講演不過數日其收效亦微有此種種原因所以本省對於社會教育屢經提倡而尙無良好結果如欲厲行社會教育請先由省組織社會教育講習會每縣選派學員二人研究一切進行適宜之方法講習期滿再組織各縣講演分團將見講演機關偏於各縣將來社會教育可收效果矣是否請交公議

金壇縣立通俗教育館主任陳家鳳請議組織社會教育講習會案

爲請議從速組織社會教育講習會以養成辦理社會教育人材事竊維立國之精神端在教育而社會教育尤爲當務之急社會改良進步與否全賴主持社會教育者得人與否爲轉移顧地方教育行政人員每偏重學校教育而於社會教育不甚注意故於此項事業或尙未設施或有名無實其內容雖甚複雜而無適當之人材實爲最大之原因本省第三次教育行政會議曾有組織社會教育講習會之議決案良以其範圍廣漠影響甚巨不得其人雖有經費不免擲之虛耗辦理得人經費雖絀亦可漸謀擴充根本良圖斯爲最要惟是時逾一載迄未舉行規劃設施刻不容緩應請提議儘八年度開辦庶社會有改良之機而教育有普及之望是否有當敢請審核交議

推廣夜學校案

仍照第三次教育行政會議公布案辦理

附請議案原文

青浦縣勸學所長 蔡鍾秀
教育主任 楊屬 段恩需
視學 陳龍章
請議重申推廣通俗夜學校實施職業補習教育訓令案

查本省第三次省教育行政會議議決推廣通俗夜學校又全國教育聯合會議決實施職業補習教育早奉
教育廳訓令飭行在案但細審各地學校舉辦者尙鮮應否重申前議期在必行請公決

江浦縣視學邢泰階請議推廣通俗夜學校案

通俗教育在義務教育未普及之時期極關緊要上屆議決推廣通俗夜學校曾奉明令宣佈在案惟各縣有未
推廣者且有未舉辦此項學校者殊與社會教育有礙要知通俗夜校多設一處地方人民即多所獲益將來智
識稍開自能信仰學校教育決不肯令其子弟失學是多設通俗夜校直接為社會教育謀發展即間接為義務
教育謀發展當否請公決

豐縣教育主任 楊屬 汪泰楨
視學 李慶恩 請議組織夜學校以補助社會教育案

查社會教育不能日新月異實由人民少年失學知識未開今欲設法補助非辦夜學校不可如每處果能辦夜
學校一所招集失學之人授以普通國民知識使畢業後不惟能發展個人天材且能盡社會應盡之義務由此
社會可望漸進教育亦漸至普及矣是否有當請付公議

禁止纏足案

由教育廳長訓令各縣知事設法禁止

附請議案原文

豐縣教育主任汪泰楨請議禁止纏足案
視學李慶恩

查纏足之害人所共知自明令禁止都會文明之地即時革除均以纏足爲恥而窮鄉僻壤仍固舊俗不肯放足間有一二文明之家放足者羣相譏笑以爲非是一再籌思非由行政長官認真勸導惡俗終難革除近聞山西省因省長提倡禁止纏足現已全省革除舊習共登文明今吾江北各縣非長官設法從嚴督導惡風終無改除之日擬請重頒明令限期革除如再有不遵公令令子女纏足者即咎其父母如此即僻陋之區或亦聞風進化不敢再使婦女纏足矣是否有當請付公議

整理私塾案

請教育廳長查照第二屆省教育行政會議議決公布暫行整理私塾規程加以修正
再行通令各縣分別遵辦

附請議案原文

武進縣教育主任王鑑請議修改整理私塾規程案

查整理私塾規程公布迄今已將四載對於第七條之規定雖曾舉行一次而日久玩生師資益雜即以武邑論其合於第十二條之規定已改作代用國民學校者僅十餘處合於第十一條之規定能改良教科者亦不多觀類皆文理未通教法不合者歛錢設館把持其間貽誤後生妨礙小學莫此爲甚雖奉廳令嚴行取緝並飭押令

停閉而取締方法押閉手續爲規程所未詳究應辦至如何程度無可依據遇案每覺困難辦理稍嚴動輒得咎
苟非明定辦法委屬難以整頓應如何修改規程通令遵行之處伏乞廳長鑒核交議

興化縣勸學所所長劉循程
視學張景齡請議整頓各鄉學校所在地之私塾

查各鄉學校附近私塾妨礙學校進行者所在皆是循程前月赴鄉視察時對學校所在地之私塾並注意查察其所教讀本無非千文百姓學庸論孟等類殊不知在從前科舉時代國家以四子書命題取士學庸論孟意義精深非熟讀不能記憶非幼時不易熟讀故將學庸論孟提先誦讀爲將來科舉場中應用現在非科舉取士之時代乃教育普及之時代何必先將意義深遠之書強令幼稚兒童記誦而一般社會之學生之家屬不明此理祇以古聖之書不可不讀而私塾亦藉此以招徠學生其於學生之能否受益均不計及若不嚴加取締非徒無益即所在地之學校亦大受影響茲擬將各鄉學校所在之私塾勒令改良不准逕用學庸論孟等書教授一律遵照部頒國民學校令必備修身國文算術三科目改購教科書教授如欲增加其他之學科目可由設立私塾者酌量訂定並隨時由勸學員學務委員區董等查察督令遵辦如有抗違即報縣勒令停閉庶私塾課程與學校課程不相背馳學校可期逐漸發達私塾亦可改良以上整頓私塾方法擬請廳長通飭六十縣照辦是否可行請公決

東台縣勸學所所長盧榕請議化私塾爲學校案

古時家塾黨庠序國學之備三升何異現在國民高小中高專門大學之有統系我國自科舉停而學校興不知者遂視私塾與學校爲二蓋以墨守舊學者不明科學不諳教法所學非所用以致與學校相背而弛無怪國家

議決案

九二

從嚴取締所幸本省自第一屆舉行考試塾師後各處私塾已逐漸改良鄉村之私塾未遑枚舉且就城鎮中私塾言之其塾師多名儒碩彥間有畢業於某學校者學術既充經驗亦富塾中所授課程與學校無異其最注重者尤在國文算學兩門此種私塾得由辦理教育行政人員考察優良成績呈請地方行政長官改爲私立學校或代用學校俾私塾之學生與學校之學生一體升學在公家可節省經費在地方多添一學校如此辦理不數年間而窮鄉僻壤之私塾皆聞風而興起矣無形之推廣勝於有形之設置教育不期普及而自普及私塾不待取銷而自取銷是否有當候核交公決

沛縣視學李昭軒請議實行取締私塾推廣教育案

地方經費不足學校設立一時難以偏及不得不假舊有私塾以補學校教育之所不及無如私塾教師屢勸改良然狃於故習不知變更抑或仇視學校不受視察即受視察而案上設置教科書數本聊以塞責平時暗授五經四書及向學生摘問目瞪口呆一字莫解貽誤子弟何堪設想似宜明定章程通令各縣凡私塾距校近者一律撤廢將原有學生併入學校其距校遠者就地設立極力推廣塞其別巷趨入正軌庶學校受其裨益而青年無貽誤之患矣可否請交會公決

銅山縣教育主任孫屬余國屏請議限制私塾實行增加科學案

查第三屆省教育行政會議議決私塾增加修身國文算術體操基本教科以爲義務教育之預備迄今一年於茲多未實行往往設館收徒任意教授既違部章復不合教育宗旨謀一人之利而貽誤後生何堪設想擬請由各縣勸學員及學務委員按市鄉查察其辦理合法實行增加修身國文算術體操各科者呈報勸學所轉呈縣

公署給獎以示優異其辦理不合法者呈報取消以免誤人庶是非分明私塾知警今日之私塾即後日之學校是否有當恭請大會公決

礪山縣教育會請議整理私塾宜重申前令并責成教育行政人員視察報告以期實行案

本省第二屆教育行政會議議決公布之整理私塾案由調查及考試塾師入手一時各縣曾已舉行但無若何成效蓋因教育行政人員以整理私塾一項在實施上頗感困難因而塾師之合格與否既無獎勵又不取締未幾遂恢復舊觀絕無改良進步之可言近年以來匪亂愈烈學校愈少私塾愈多塾師愈濫既不足以補助學校且適足以貽誤國民茲擬請重申前令切實整理於勸學員學務委員服務規程內改良私塾一項嚴重責成并令於學年終報告一次由縣視學勸學所長抽查優者獎勵劣者取締庶足以濟學校之窮而符教育之旨是否
有當謹請核議

溧水縣教育會請議通令各縣舉辦私塾改良傳習所案

整理私塾業經省令公布凡通都大邑教師優良者不難逐漸改良然各地方風氣有殊各教師賢愚不一日久玩生就溧水一邑而論似屬積重難返其餘各縣或有同情是私塾具整理之文生徒無改良之實社會有歧視之見學校受無形之碍礙請通令各縣知事委勸學所或教育會舉辦私塾改良傳習所擇地方深明教育者主持其事訂定課程酌定時期就教育會或勸學所為傳習地點凡曾得有許可狀教師年在四十以內者一律召集分班傳習卽由主持其事者於每學年告終時將傳習所概況報由該縣知事轉呈廳長察核該教師等既知改良之方視察者復攷其實施之效視確有成績者報由縣公署設法獎勵是改良者與學校收同一之效其未

改良者當亦觀感興起也敢貢芻蕘謹請公決

推廣體育辦法案

請教育廳長將原案分等運動辦法公布施行

附請議案原文

教育廳諮詢推廣體育辦法案

世界競爭日趨險惡非增進國力幾無以自存然欲增進國力非先鍛鍊國民體格不可欲鍛鍊國民體格非先推廣體育不可蘇省體育在學校則有聯合運動會及通信比賽之組織在社會則有公共體育場之設置不可謂為絕無進步顧運動會祇限於一時一地角勝比較之機會尚少似不足以引起其興味况每屆運動會除成績最優之運動員得相當獎勵外其餘成績稍次之運動員例無絲毫獎勵足以鼓舞其精神奮發其志氣故論者謂運動會之田徑賽僅足以造成少數之運動家至公共體育場各縣中設備完全者尚少又以社會數千年重文輕武體育之積習到場運動者除學校學生外甚屬寥寥此體育進行之一大障礙也是故論今日學校之運動實為少數人之運動即可謂為少數人之體育欲由少數人而推廣其範圍以達普及之目的斷自實行分等運動始查分等運動美國又名獎牌運動辦理頗著成效此項運動足以促進個人練習之動機更為普及運動之無上妙法宜在公共體育場舉行其法先懸一運動標的分別等級製定獎章當開會時攷查運動員之程度合於初等標的者給以初級獎章合於中等及高等標的者給以中等及高等獎章由是而所定標的逐漸

增高即社會體育隨之增進推廣體育意在斯乎茲擬分等運動辦法數則另紙附錄藉備參攷惟事屬創舉欲求妥慎無懈宜先廣徵意見以便採擇施行

附分等運動辦法如左

(一) 運動標準

運動標準須於運動期一月前通知各學校學生及體育場基本運動員標準共分三等每等有三項運動每一運動員須三項運動均能合格方給獎章一枚設中等標準祇有兩項及格仍給初等獎章高等標準類推

初等運動標準 (男)

引體向上 二次

立定跳遠 五英尺四寸

六十碼跑 九秒五分之二

中等運動標準 (男)

引體向上 四次

立定跳遠 六英尺四寸

一百碼跑 十五秒

高等運動標準 (男)

引體向上 六次

議決案

九六

立定跳遠 七英尺二寸

二百二十碼跑 三十一秒

初等運動標準 (女)

籃球擲遠 二十英尺

立定跳遠 四英尺十寸

五十碼跑 十秒

中等運動標準 (女)

籃球擲遠 三十英尺

立定跳遠 五英尺四寸

五十碼跑 九秒

高等運動標準 (女)

籃球擲遠 四十英尺

立定跳遠 六英尺

五十碼跑 八秒

(二) 運動員報告

運動期前發報名單於各學校由各學校將運動員姓名先期填報體育場事務所俾便列入運動表格編定號

數並以號數標識送給各學校使各運動員預知自己號數(報名截止以運動前三日為限)茲將報名單格式

列左

議案

分 等 運 動 表 (男)

分之三 動員引 寸即聖 動表一 用表證 分 等 運 動 表 (女)

用表說明 各運動員按照號數聽評判員指揮逐項運動設一運動員(男)引體向上滿二次或三次即於運動表上號數之右引體向上項下註「初」字滿四次者註「中」字滿六次者註「高」字餘可類推倘某運動員引體向上不滿二次即取消運動資格于表上某號之右註一圈引體向上滿二次立定跳遠滿五尺四寸即取消運動資格于表上某號之右註一圈(女運動表可類推)

議 決 案

一〇〇

照表上各項運動完畢後即檢查表上第一運動員應得何等獎章第二運動員應得何等獎章餘類推（每等需獎章若干注明男女即呈由縣知事轉請教育廳頒發）

（四）各項運動法

引體向上 各運動員照號數成縱行站于高橫檯之後依次運動需評判員二人一填寫運動表一視引體向上姿勢及次數

（注意）引體向上運動員兩手握高橫檯（或橫木）握時手掌向前向後聽各人之便利將全身伸立兩足離地引體向上時身體不可震動須引體至下頰貼檯之地位身體下落時須至雙臂伸直身體仍不震動方為合度

立定跳遠 于地劃一界線界線之前按照初中高三等之尺寸預先劃定標準各運動員照號數成縱隊站于界線之後依次運動需評判員二人一填寫運動表一注意運動員是否按照規則運動及所跳之遠度在何等


六十碼跑 于跑道上劃一起跑界線用皮尺自起跑界線量至六十碼劃一終線各運動員照號數成縱行站立于起跑界線後依次運動需評判員三人一在終線處填寫運動表一在起線發令一在終線處看碼表一百碼二百二十碼五十碼可類推

籃球擲遠 于地上劃一界線界線之前按照初中高三等之尺寸預先劃定標準各運動員照號數成縱隊站于界線之後依次運動需評判員三人一填寫運動表一注意運動員是否按照規則運動一注意

(注意)籃球擲遠規則運動員直立界線之後雙手握球由頭頂後擲球往前擲時兩腳不可上跳

(五)附則

以上各項運動男女運動員須分日或分上下午舉行



說明

式如盾質用

白銅正面鑄

以凸出之陽

文如圖背面

附銅製別針

以便佩帶

籌辦公共體育場案

未成立各縣應令遵照前二次教育行政會議議決公案趕速籌辦

江寧縣教育主任掾屬凌玉成請議推廣通俗教育救濟社會危弱案(第三項)原文見前

各學校體育通信比賽案

已設公共體育場各縣應由體育場管理員及指導員實測評判填寫成績表彙交勸學所轉報其未設公共體育場者由勸學所派員爲之

附請議案原文

教育廳體育視察員王小峯請議各學校體育通信比賽應在各縣公共體育場舉行案

本省體育通信比賽已舉行三次攷歷屆成績間有少數學校超出尋常之外者推其原因非運動方法有所差悞即計算方法每有不合欲得真正優良之成績則甚難矣其補救方法務使各校學生蒞本縣公共體育場由體育場管理員及指導員實測評判隨卽填寫成績表交與勸學所彙寄教育廳庶運動方法及計算方法以歸一致而免差悞其離公共體育場較遠之校可由該校校長預定日期請體育場管理員或指導員到校評判各縣有尚未設體育場者可由勸學所暫時負責詳加攷察是否可行請鑒核付議

已經公布之議決案應限期實行以求實效案

歷屆議決公布而各縣未經實行之案請教育廳長申令各縣知事會同勸學所所長
查案具復至本屆議決各案公佈時應分別規定實行期限並令各縣知事於每學年
終將辦理情形具報備查

附請議案原文

省視學林懿均請議已經公布之議決案應限期實行以求實效案

吾蘇省教育行政會議已閱三屆今且第四次矣每次提案不下百數十起其議決而公布者十僅一二公布而
延未實行者十乃三四焉無怪年來地方教育事業至形單簡而進步之遲滯亦無可諱言也夫合省縣教育行政
人員於一堂就其可以興可以革者提出討論討論決定復呈請最高行政長官核准公布果有窒礙難行之
處此種關頭未必一一通過既通過矣乃棄之而不復顧將無官廳督促之未力歟抑吾地方教育行政人員奉
行之或懈歟二者必居一於此矣况此項會議之召集每在學年開始以前所議決而公布者即該學年實施改
革之方針此而不行他果何據最近三四年吾蘇教育除少數縣分內少數學校得以自由研究之結果著有成
績外餘皆支柱現狀之不暇不進則退可爲寒心竊謂促進教育原不僅恃此一隅之意見但議員諸公皆負有
身任地方之責坐言起行一轉移間事耳膏車秣馬不驂駛而止人其謂我何此後議決案件似宜審酌手續之
繁簡確定施行之期限於每一議案終結時聲明本案限公布後若干時實行云云屆期請由廳長飭縣督察具
報每學年終仍轉飭勸學所結報一次其前三屆已公布而未見事實諸案並由廳彙飭呈復藉明究竟庶幾成
立一案即得有一案之利益不獨會議價值賴以維持教育前途受賜多矣是否可行請鑒核付議

省立師範學校一律加授童子軍學科案

請教育廳長令行各師範學校於本科四年級生酌量加授童子軍學科俾資應用

附請議案原文

江寧縣視學孫濟源請議省立師範學校一律加授童子軍學科案

童子軍之組織可以養成兒童仁慈之品性練成兒童靈敏之智能於訓練上收效頗鉅若逐漸推廣即增添無數忠愛義勇之國民於國家社會各方面均有極大之關係現江蘇各縣漸次組織惟苦於教練員之缺乏不能力謀推廣省教育會雖設童子軍講習會兩次而各縣爲經濟所限不能多送小學教員前往練習是以此項教練員終不敷用擬請省立各師範學校於正課外加授童子軍學科俾將來服務於小學校時人人能兼授此項學術則各縣童子軍自可日臻發達矣

組織童子軍年齡應有限制而重保育案

請教育廳長函知本省童子軍聯合會凡小學學生編入童子軍時當規定相當年齡以不妨兒童身體之發育爲度

附請議案原文

寶山縣視學王鍾麟請議組織童子軍應示限制而重保育案

吾省各校組織童子軍自無錫上海等縣創行以來他縣聞風興起相繼成立著有成績者固屬可欽而徒美童子軍之虛名爭以設立爲榮辦理能合法者亦在所不免每見國民學校八九歲兒童亦濫廁其中年齡幼稚思想簡單試叩以各種願詞規律都屬茫然殊失童子軍之價值矧以國民學校就學兒童論苟劃齊年齡畢業不過十歲則國民學校中原無籌設童子軍之必要近時研究體育原理者頗主張年滿十二歲以上始編入童子軍庶於保護幼年之發育較爲適宜應否規定年齡或由高等小學始行組織以示限制而重保育請公同討論

設立製造教育用品館案

請教育廳長呈請 省長咨行省議會議決籌辦或由教育廳長咨行實業廳轉知原
有各工場對於教育用品特別注意製造以應需要

附 請議案原文

江寧縣視學孫濟源請議由省設立製造教育用品館案

中國自興辦學校後凡教育用品自鉛筆石版墨水蠟紙以及儀器標本模型之類無不仰給於東瀛即就教育一方面而論二十年來輸出之款何可勝計近來上海商務印書館中華書局兩公司雖次第製造而各項出品所供之數較所求之數亦不過十之一二現方提倡國貨而教育界先已不能實踐斯言遑論其他似宜由省教育機關設立製造教育用品館一所以樹厥風聲然後勸導各工場互相仿製數年以後關於教育之各項用具庶可不待外求矣

規定縣公署主任掾屬資格案

各縣教育主任掾屬其資格應遵照省公署五年十二月三十日公布省議會議決注重各縣教育人員案第一項比照縣視學之資格應令各縣知事自此案公布之日起限一月以內將教育主任掾屬開具詳細履歷呈報省廳備核其有不合資格者一經查明應令撤換

附請議案原文

丹徒縣視學徐興範請議縣署教育主任掾屬須有與勸學所所長縣視學相等資格案

竊維教育之廢興由於用人之當否教育行政人員關係尤為重要現今勸學所所長縣視學均由廳長核委以昭慎重惟縣署佐治一職前由縣知事呈請省長委任後改由縣知事自辟掾屬各縣知事為事擇人者固不乏人而為人擇事者亦復不少用人一有不當匪特進步毫無希望即現狀亦難以維持近年勸學所已組織成立似於地方教育可樹不拔之基縣署主辦教育者司掌文牘責任較輕然准駁之權操之彼手倘不明教育必措置乖方地方人士聽之則意存敷衍不聽則必生齷齪欲求教育發達豈不難哉故各縣知事所辟主辦教育掾屬須有與勸學所所長縣視學相當之資格擬請廳長通令各縣知事切實遵行並由各知事將所用人員開具詳實履歷呈報廳長以備考核是否有當敬請公議

東台縣勸學所所長盧榕請議縣署主辦教育掾屬如以本縣人充任宜畫清權限案

查江蘇各縣主辦教育據屬六十縣中有四十縣用本縣人主任三科據屬推其意蓋以三科主任若以外省人充之無論學術經驗之何如究之地非桑梓痛癢均不相關誰肯以有限之精神爲他鄉謀教育之幸福即間有熱心辦事者心無畛域之分而在職時甫將該縣教育端緒稍稍整理地方情形約略熟諳而知事更調據屬亦隨之替換教育界即受一大脹折易若於本縣內遴選一資格完全學術經驗充分充任辦理地方教育行政事宜則教育未有不發達者也將來各縣均可仿照一律此舉未嘗不善惟本縣人辦理本縣三科舉凡教育行政事宜均歸辦理設教育上發生訴訟事件應隨時移交一科辦理此種權限務使盡清既可脫離本地人之嫌疑並可尊崇司法之獨立是否有當候核交公決

獎勵辦捐紳商案

請教育廳長令行各縣知事凡經徵各項學捐之士商確能實心任事按期照額掃解或熱心整頓比照近年成數增加者得由縣知事傳令嘉獎並呈報 省長教育廳長備案以昭激勸

附請議案原文

江寧縣勸學所長王文樞請議援案獎勵辦捐紳商解款蹕躉狀案

查地方難出爲小學經費歲入之一關係縣市鄉教育設施推廣各事項亦至重大故其徵收手續恒託諸市鄉紳董或所在地行商辦理原以地方有關係之人爲學款負經徵之責事半功倍收效易期乃以分屬地方責兼義務事既殊於官府之徵收例未見有考成之獎懲在欵產機關苟一涉於因循則捐款前途凡百將歸弛廢是

以本省第二次教育行政會議期內省署對於實行增收各種原有捐稅一事深慮各地特有附稅收入不復措意致坐此長彼消之病嚴令整理各邑久已奉行惟念整理捐項固為行政方面切要之圖而於辦捐不待整理即能照額掃解者之勞勸苟無獎勵實不足以資激勸現在辦捐獎勵品無明令規定擬請比照褒獎捐資興學成案其在百元以上之學款經徵人能早依額掃解並比照近年成數增加者得由勸學所呈請縣公署給予褒狀以示優異第此項獎勵請議必有謂為寬濫者要知捐勳為學款本源經徵人能多解一分即教育多一分設施實力雖未克與捐資興學相提並論而按其顧全學款力爭榮譽之心似弗稍讓援案以請尤為整頓稅收觀感起見是否有當謹請鑒核交議

東台縣視學袁牧請議褒獎學董徵收各項特捐案

地方之經費有限教育之事業無窮以有限之經費辦無窮之事業此常不足之勢也忙漕附稅僅有此數一市鄉支配若干學董儘數辦學絕不染指僅足供二三國民學校之需雖普及教育亟待推廣無如為經濟所限制縱有巧婦難為無米之炊此熱心興學之學董所同聲浩歎者也民國七年舉行第三次省教育行政會議公決所有各縣之大宗農工業出品均可酌量收捐即如東邑稻麥棉花牛羊雞豚蒲包腳紙之類皆為大宗出品牛捐屠宰捐而外他項特捐未嘗舉辦者以慮始之不易濟則無美名不濟則受惡名也誠能於教育特捐項下依學董收數之多寡由該縣知事查照教育部獎章條例歸入辦理教育行政人員籌款推廣學校教育成績卓著條下呈請核獎庶使為學董者因有得獎之榮克盡籌捐之力其有畏事不前收數太少者酌量撤換然後學董有好名之心而特捐可辦學校有推廣之望而普及堪期矣是否有當恭請鑒核交議

公布案



通令各縣整理屠宰稅教育特捐文

八年十月六日

案查本屆省教育行政會議議決整理屠宰稅教育特捐按照第三次會議議決公布
甲乙兩款辦法請教育廳長呈明 省長重申前令責成未行各縣知事限接到此次
公文後一月內舉辦並將辦理情形具報其有已經舉辦而徵數未照定額者亦令照
章切實辦理務令此項教育特捐按照正額應佔成數一律徵足不得稍有虧短以明
責成無論包徵與否應查照第三次會議議決案乙項辦法每月終勸學所長實行向
縣公署具領捐稅總數三分之一等語當經呈請 省長核示茲准財政廳咨開竊奉
省長第一五二五三號指令貴廳長呈報本屆省教育行政會議議決整理屠宰稅教
育特捐案內開呈及議決案均悉此案施行已久旣據聲稱各縣有未經舉辦或辦理
未有成效應由教育廳通令各縣遵照歷屆成案切實整理並將整理情形呈轉查核

此令案存奉此相應咨會貴廳長查照等因准此除分行外合行令仰該知事遵照歷屆成案切實整理並將整理情形呈候核轉此令

通令各縣整理教育款產文

八年八月三十日

案查本屆省教育行政會議議決整理各縣教育款產案業經呈請 省長核示茲奉指令內開呈及議決案均悉仰即通令各縣知事切實辦理並將遵辦情形復轉查核此令議案存等因奉此合行錄案公布仰該知事切實辦理並將辦理情形復候核轉此令

計附議決案一件見前

通令各縣調查官荒山地文

八年八月三十日

案查本屆省教育行政會議議決官荒山地案業經呈請 省長核示茲奉 指令內開呈暨議決案均悉即仰該廳長查照四年八月教育部咨行辦法令催各縣遵辦具報核奪此令案存等因奉此合錄案公布仰該知事遵照辦理並將辦理情形具報核轉此令

計附議決案一件見前

通令各縣徵收牙帖附稅以充市鄉教育經費文

八年八月二十二日

案查本屆省教育行政會議議決牙帖附稅請 省長查照第二三兩次會議議決公布案申令未行各縣切實辦理等語當經呈請 省長核示茲准財政廳咨開案奉省長第一五二五二號指令貴廳呈報本屆教育行政會議議決牙帖附稅請核示由奉令呈及議決案均悉應飭各縣知事仍遵省頒第三次修正籌畫縣市鄉教育費規程第一第三各條切實辦理仰財政廳長轉咨教育廳通令各縣知照此令案存等因奉此查牙帖附稅曾於民國元年經省議會議決於長期牙行營業稅項下規定十分之二厥後牙稅歸入國稅範圍是以悉數解省民國五六及八年間先後據常熟海門武進等縣呈奉核准於長短期牙行營業稅項下按應納稅率帶收二成在案嗣後各縣如因教育經費不敷請於牙稅項下帶收附稅者擬請卽以常熟等縣呈准之案爲標準此外無論以何種名目不得再請帶收似此辦理庶於增籌學費之中仍寓裕稅恤商之意除呈報外相應咨請貴廳長查照通令遵辦等因准此除分行外合行令仰該知事遵照辦理其有已經呈准財政廳於長短期牙行營業稅項下按應納稅率帶收二成者仍應照舊辦理並於本學年終將辦理情形具報備查此令

通令各縣籌辦義務教育文

八年八月十九日

查本屆省教育行政會議議決義務教育施行義務教育辦法業經備文呈請省長核示茲奉指令內開呈及清摺均悉察閱摺開義務教育施行程序第三條第一項增設師範學校學級第二項增設省立師範學校又第四條有特殊情形者得呈請省長酌撥省欵補助等語均與省教育經費預算有關應候察酌本省財政情形辦理又第三條第三項由各縣自辦講習科核與第三次教育行政會議核定公布廣儲師資案第二項辦法不符該案是否并經本屆會議修正應先行呈候核定以免與本案抵觸均毋庸訂入施行程序之內至捐貲興學褒獎條例早經教育部修正頒布分別捐助費額之多寡定爲部獎省獎程序秩然嗣後人民捐助義務教育經費自可援照該條例辦理毋庸由本省長特予獎勵摺開施行義務教育辦法第四條應酌予修改其餘各項察尙可行應即查照指飭各節分別刪改後通令各縣遵辦具報並咨各道尹知照此令等因奉此除遼照省令指飭各節分別刪改後通令各縣遵辦具報咨外查義務教育各省已有次第施行者蘇省因困於經費致未舉辦歐戰告終以後外察世界潮流內審我國情勢施行義務教育自不容再緩茲經省教育行政會議訂

定義務教育施行程序暨施行義務教育辦法自應切實辦理以冀教育逐漸普及令將江蘇省施行義務教育程序暨江蘇省施行義務教育辦法頒發令仰該知事迅即遵照辦理具報至施行義務教育議決原案內有義務教育得視地方情形查照半日學校規程辦理等語一條現已將此條併入社會教育案內另呈核示併卽知照此令計發江蘇省義務教育施行程序暨江蘇省施行義務教育辦法一份

江蘇省義務教育施行程序

一、區域 各縣斟酌地方狀況就原有市鄉擇要指定一區先行試辦義務教育以次推廣財力較充者亦得同時舉辦每一市鄉得分爲若干區

二時期

第一項調查學齡兒童限自民國八年九月至十二月辦理完竣

第二項規畫設校地點增設學校或就原有學校添加級數限自九年一月至七月辦理完竣

第三項勸導入學限自九年八月至十年七月辦理完竣

第四項強迫入學限自十年八月至十一年七月應令本區學齡兒童完全入學至逐年進行辦法由各縣

擬具計畫書呈報

三、經費 以本區原有經費爲基礎不敷時得就本屆議決新增款項酌量指撥

江蘇省施行義務教育辦法

一由省教育行政機關責成各縣知事督同勸學所遵照施行程序按期辦理並將畫定區域及設學地點繪圖呈報備案

一每一區開辦之始必先調查學齡兒童與入學兒童之比較數所設國民學校務以能容本區內之學齡兒童制度

一各縣知事及勸學所長以次各員籌辦義務教育依照施行程序規定期限內能辦竣二區以上者查照知事辦學考成條例及地方興學人員考成條例予以相當之獎勵於規定期限內未辦竣一區者予以相當之懲戒逐年由省教育行政長官督促進行務達教育普及之目的

一地方公民能捐助本區內之義務教育費者應查照捐貢興學褒獎條例分別獎勵其負擔私立小學經費能使一區內之學齡一體就學者得查明其所任費額比照辦理

一各縣籌備義務教育應預計逐年需增教員數列入計劃書呈報省教育行政長官以備預儲師資俾實行時可以供求相劑

通令各縣整理小學教育文

八年九月十七日

案查本屆省教育行政會議議決整理小學教育各案業經呈請 省長核示茲奉
指令內開呈及議決案均悉察核所議各案於整理小學教育一方均尙切要第一案

至第九案及第十二第十三第十四條即仰該廳長審察緩急次第公布並飭省視學將各縣遵辦情形隨時查報攷核第十第十一案並由該廳長分別令知省視學體育視察員參酌辦理仰卽知照此令案存等因奉此合將第一案至第九案及第十二至第十四案抄錄公布除飭省視學將各縣遵辦情形隨時查報攷核外仰該知事遵照辦理並於本學年終將辦理情形具報備核此令

計附議決案十二件見前

訓令

省視學員體育

八年九月十七日

案查本屆省教育行政會議議決整理小學教育各案業經呈請 省長核示茲奉

指令內開呈及議決案均悉察核所議各案於整理小學教育一方均尙切要第一案至第九案及第十二第十三第十四案即仰該廳長審察緩急次第公布並飭省視學將各縣遵辦情形隨時查報攷核第十第十一案並由該廳長分別令知省視學體育視察員參酌辦理仰卽知照此令案存等因奉此除將第一案至第九案及第十二至第十四案令行各縣知事遵照辦理外合將議決案十四件一併抄發並視察注重點原議案一件仰該視學員將各縣遵辦情形隨時查報考核並查照視學員視察注重點原議案所指各節參酌辦理視察員查照第十一議決案迅即擬訂國民學校課外運動辦法以憑核定公布

此令

計附議決案十四件 原議案一件 見前

訓令省立各師範學校校長注意訓練文

八年九月十七日

案查本屆省教育行政會議議決整理小學教育各案業經呈請 省長核准施行在案查議決案中關於小學教員分任校務乙項請教育廳長將前項意旨及原案抄行本省各師範學校校長於平時注意訓練以養成將來服務時之責任心等語除令行各縣知事遵照辦理外合將議決案抄發令仰該校長遵照辦理此令

計抄發議決案一件見前

通令各縣培養師資文

八年九月十八日

案查本屆省教育行政會議議決關於培養師資各案業經呈請 省長核示在案茲奉 指令內開呈及議決案均悉查議決案甲項增設師範學校學級乙項增設師範學校前於該廳長呈報施行義務教育程序案內經已指令候察酌本省財政情形辦理在案內項各縣自辦師範學校查培養師資由各縣設校自辦自較仰給於省校為便應令未設師範學校各縣察度本縣財政情形辦理丁項續辦講習科自係為救濟一時起見核與上屆原案亦無甚出入應准照辦戊項省立師範實行巡迴講授各校

能否卽照該案實行應令行省立師範學校校長會審議復轉核奪己項省立師範添設附屬小學查與省教育經費有關併候察酌本省財政情形辦理仰卽遵照此令議決案存等因奉此除將戊項訓令省立師範學校校長會議具復外合行令仰該知事知照此令

訓令省立各師範學校議復能否照原議案實行巡迴講授文

八年九月十八日

案查本屆省教育行政會議議決關於培養師資各案業經呈請 省長核示茲奉

指令內開呈及議決案均悉查議決案甲項增設師範學校學級乙項增設師範學校前於該廳長呈報施行義務教育程序案內經已指令候察酌本省財政情形辦理在案丙項各縣自辦師範學校查培養師資由各縣設校自辦自較仰給於省校爲便應令未設師範學校各縣察度本縣財政情形辦理丁項續辦講習科自係爲救濟一時起見核與上屆原案亦無甚出入應准照辦戊項省立師範實行巡迴講授各校能否卽照該案實行應令行省立師範學校校長會審議復轉核奪己項省立師範添設附屬小學查與省教育經費有關併候察酌本省財政情形辦理仰卽遵照此令議決案

存等因奉此除訓令各縣知事知照外合將戊項議決案及原議案一併抄發令仰該校長於省立學校校長會審議具復以憑核轉此令

計抄發戊項議決案一件原議案兩件見前

通令各縣於公立實業學校附設營業機關文

八年八月二十二日

案查本屆省教育行政會議議決各縣公立實業學校附設營業機關案業經呈請省長核示茲奉 指令內開呈件均悉卽由該廳令行各縣知事各就地方情形察酌辦理此令附件存等因奉此合行錄案公布仰該知事遵照辦理此令

計附議決案見前

通令各縣增設實業補習學校文

八年九月六日

查本屆省教育行政會議議決增設實業補習學校案業經呈請 省長核示茲奉

指令內開呈及議決案均悉仰即通令各縣知事察酌遵辦此令案存等因奉此合行錄案公布並抄發工業商業補習學校暫行簡章各十二條令仰該知事遵照審察地方需要切實籌辦並限本學年內將辦理情形具報備攷此令

計抄發議決案一件見前

工業商業補習學校暫行簡章各十二條

江蘇工業補習學校暫行簡章

第一條 工業補習學校爲補充從事工業者應用之知識技能以改進工業爲目的

第二條 工業補習學校得附設於國民學校高等小學校或甲乙種工業學校

第三條 工業補習學校之課程分爲甲乙二類

甲類之科目爲修身國文算術理化圖畫模型幾何製圖之案力學材料工具各種製造法等

前項關於工業之科目得由各校視地方情形及所習工藝上之需要與否酌量增減

乙類之科目爲修身國文算術及關於所習工藝各科學之大意

國文得分爲讀書作文習字三項算術得分珠算筆算二項任學生選習一項或兼習二項

第四條 工業補習學校教授時間不拘寒暑晝夜擇學生修業最便宜者定之但以不妨害所附設學校之授課時間爲限

第五條 工業補習學校應備有工業實驗室以便實地試驗

第六條 工業補習學校之入學資格分列如左

(一)入甲類者須年在十二歲以上有國民學校畢業之學力或雖未畢業而已過就學年齡者

第七條 工業補習學校甲乙二類得由各校先辦一類或兼辦二類

第八條 工業補習學校甲乙二類得同室教授其教授科目時數及修業期限由各校分別訂定呈由縣知

事轉報教育廳查核

第九條 工業補習學校之工科教員以曾在甲種工業學校畢業者充任之

第十條 工業補習學校開辦及經常各費由各縣勸學所於縣市鄉教育費內酌量支撥學生學費概不收取

第十一條 工業補習學校所需各種器具得向所附設之學校備用但不得妨害該校之使用時間

第十二條 本簡章呈由省長核准施行

江蘇商業補習學校暫行簡章

第一條 商業補習學校以補充從事商業者必需之知識技能為目的

第二條 商業補習學校得附設於國民學校高等小學校或甲乙種商業學校

第三條 商業補習學校之課程分甲乙二類

甲類之科目為修身國文外國語商業地理商業算術商事要項商品簿記商業法規等

前項關於商業之科目得由各校視地方商業上之需要與否酌量增減

乙類之科目為修身國文算術及關於商業各科學之大意

國文得分為讀書作文習字三項算術得分珠算筆算二項任學生選習一項或兼習二項

第四條 商業補習學校教授時間不拘寒暑晝夜以便於學生修業並不妨害所附設學校之授課時間為限

第五條 商業補習學校應備商事實習室以便實地練習

第六條 商業補習學校之入學資格分列如左

(一)入甲類者須年在十二歲以上有國民學校畢業之學力或雖未畢業而已過就學年齡者

(二)入乙類者須年在十六歲以上從事商業者

第七條 商業補習學校甲乙二類得由各校先辦一類或兼辦二類

第八條 商業補習學校甲乙二類學生得同室教授其教授科目時數及修業期限由各校分別訂定呈由

縣知事轉報教育廳查核

第九條 商業補習學校之商科教員以曾在甲種商業學校畢業或在乙種商業學校畢業積有研究者任之

第十條 商業補習學校開辦及經常各費由各縣勸學所於縣市鄉教育費內酌量支撥

第十一條 商業補習學校所需各種器具得向所附設之學校借用但不得妨害該校之使用時間

第十二條 本簡章呈由省長核准施行

教育廳咨實業廳請令省立農場仿照省立工場舉辦補

習學校由

八年八月三十日

爲咨行事查蘇省土地肥沃素稱農業發達之區第農民缺乏農業上之智識技能以

致墨守成規不求精進爲督促進行計非在農業機關舉辦補習學校不爲功本屆省教育行政會議開會敝廳曾提交增設實業補習學校諮詢案當經大會議決除關於工商業補習學校業由敝廳擬具辦法呈請 省長核示施行外至省立農場仿照省立工場舉辦補習學校一節事關實業範圍相應咨請 貴廳長查照酌辦可也此咨
計抄送議決案一件見前

通令各縣小學校及女子小學校內附設職業補習科文

八年九月二十二日

案查本屆省教育行政會議議決小學校及女子小學校內附設職業補習科案業經呈請 省長核示茲奉 指令內開呈單均悉准由該廳依照議決案令行各縣酌量辦理此令單存等因奉此合行錄案公布仰該知事遵照辦理並於本學年終將辦理情形具報備查此令

計附議決案見前職業教育進行計畫案內補習科辦法

職業補習科辦法

(一)小學校得附設職業補習科使畢業生補習關於職業之知能

(二) 小學校附設之職業補習科須視地方情形而分爲城市及鄉村二種

(三) 在城市小學校附設之職業補習科宜注重工業商業在鄉村小學校附設之職業補習科宜注重農業園藝

(四) 小學校附設職業補習科時須先調查本地職業之狀況詢問兒童入學之志願而定何項職業科不必限於普通之農工商三種

(五) 職業補習科之種種設施務須與社會實際相聯絡

(六) 職業補習科之修業年限一年至二年

(七) 職業補習科之編制可分爲半日部與全日部二種

(八) 有該校畢業生同等學力而職業志願同者亦得許其入學

(九) 關於補習科教授須由該校校長請託確有專長之員擔任

(十) 女子學校可附設家事及其他職業補習科

通令 各 省立各實業學校校長(除女職) 事 縣 知 事 公設各校製造物品販賣機關爲學生商業之練習案 學生商業之練習文

八年八月二十五日

查本屆省教育行政會議議決各校製造物品公設販賣機關爲學生商業之練習案
業經呈請 省長核示茲奉 指令內開呈及議決案均悉查學校組織販賣機關既

便學生商事之練習且利學校出品之行銷事屬可行應令各縣知事督同所屬察酌籌辦其省立學校所在地方此項機關如需聯合設立得會商省立學校校長辦理仰併令省立各校校長一體知照此令案存等因奉此除分令外合行錄案公布令仰該
知事督同所屬遵照辦理並限於本學期內將籌辦情形具報備查

長

知

照

此令

計抄發議決案及原議案各一件見前

通令各縣藝徒學校或乙種工業學校宜倣製應用物品 以免購用外貨文

八年九月十二日

案查本屆省教育行政會議議決各縣藝徒學校或乙種工業學校宜仿製應用物品以免購用外貨案業經呈請 省長核示茲奉 指令內開呈單均悉准由該廳依照議決案令行各縣酌量辦理此令單存等因奉此合行錄案公布仰該知事遵照辦理並於本學年終將辦理情形具報備查此令

計附議決案一件見前

訓令省立各 師範學校養成實業師資文

(實業師範) 八年八月二十五日

查本屆省教育行政會議議決養成實業師資案業經呈請 省長核示茲奉 指令
內開呈及鈔件均悉議決案第一項應由該廳發交省立實業學校校長議定辦法報
轉再奪第二項應即由廳令行省立各師範學校查酌辦理此令抄件存等因奉此除
議決案第二項另令省立各師範實業學校辦理外合行錄案公布並將原呈抄發令仰該
校長遵照妥議辦法具報核轉
察酌地方情形辦理此令

計抄發議決案及原呈一件見前

通令各縣就本地物產編訂職業教科書文

八年九月十二日

案查本屆省教育行政會議議決就本地物產編訂職業教科書案業經呈請 省長
核示茲奉 指令內開呈單均悉准由該廳依照議決案令行各縣酌量辦理此令單
存等因奉此合行錄案公布仰該知事遵照辦理並於本學年終將辦理情形具報備
查此令

計附議決案一件見前

通令各縣促進社會教育文

八年八月二十一日

案查第四次省教育行政會議議決關於社會教育各案業經呈請 省長核示茲奉

公 布 案

一八

指令內開呈暨附件均悉所呈各案應准由該廳長錄案通行中有博物館一案應准如議令由各縣知事視地方財力酌量辦理其取締有礙風化之彈唱一案應准由本公署令行各警察廳及各縣知事嚴行取締至禁止纏足一案並准由該廳長令行各縣知事設法勸禁仰即遵照此令等因奉此除取締有礙風化之彈唱一案由省署通令嚴行取締其禁止纏足一案由本廳另文飭遵外合將關於社會教育議決案七件彙案公布並印發北京通俗教育會露天學校簡章及規則令仰該知事遵照並於本學年終將各項公布案辦理情形具報備查此令

計附議決案七件北京通俗教育會露天學校簡章及規則各一份
關於促進社會教育議決案

取締有礙風化之彈唱案

請教育廳長呈請 省長令行警察廳及各縣知事嚴行取締

舉辦半日學校案

請教育廳長通令各縣察酌地方情形依照民國三年二月二十日 教育部公布半日學校規程辦理

舉辦露天學校案

請教育廳長訓令並抄發北京通俗教育會露天學校簡章及規則體察地方情形參酌辦理
籌辦公園案

請教育廳長訓令未設公園各縣遵照第三次教育行政會議公布案設法籌辦

籌辦圖書館案

未辦各縣請教育廳長重申前令一律趕辦

籌辦博物館案

凡財才充裕各縣應設法舉辦或獨立或附屬於通俗教育館其設備之繁簡視地方財才酌量行之

舉辦夜學校案

仍照第三次教育行政會議公布案辦理

禁止纏足案

由教育廳長訓令各縣知事設法禁止

籌辦公共體育場案

未成立各縣應令遵照前二次教育行政會議議決公布案趕速籌辦

北京通俗教育會露天學校簡章

第一條 本會爲補助學校教育救濟失學兒童起見特辦露天教育定名曰北京露天學校

第二條 露天學校設施地點擬就京師學務局所定學區每區各設一處至現時先於某區試辦應於開會時適宜酌定並於開辦期前報知京師學務局備案並報知京師警察廳

第三條 露天學校課程悉遵教育部所定初等小學校數則用簡易方法教授之

第四條 露天學校開學之時期暫定為每週一次或二次每次共教二小時於所定開校日期遇有大風雨雪以次順延

第五條 露天學校學生以失學兒童為限

第六條 開辦露天學校各按設施地點分別推定經理員教員以專責成

第七條 經理員教員由本會會員各學區勸學員各公立學校職教員及宣講員中推定

第八條 本會辦理露天學校人員均佩帶京師學務局核准並在京師警察廳存案之徽章以便識認而資保護

第九條 於露天學校無一定職務人員不得闖入學校界線以內

第十條 露天學校管理教授各項細則由經理員教員另行擬訂

第十一條 本簡章於議決後施行如有未盡事宜隨時改訂

暫行規則

第一條 男女兒童凡在十四歲以下六歲以上未經讀書者均可入席聽講學額以所設之席為限惟身患癬疥傳染等病者不得入席

第二條 本校備有課篇淺說篇及各種印刷品入席各生均可領受若年在六歲以下者概不發給

第三條 學生聽講不得起立更位交談食物以及妨害他人聽講之動作違者立令退席

第四條 本校所備之茶水淨面水等入席各生均可領用惟領用時間須聽先生指定

第五條 開課散課時各生以次出入不得擁擠違者禁止入席聽講或追繳所得之課篇

第六條 學費講義費雜費一概不收

第七條 本校男女各生能遵守師訓專心向學者可由本校介紹送入就近公立學校肄業以資深造

第八條 本校開課時無論男女皆在外旁觀惟不得喧囂戲鬪以及有害講授之行為違者知會照料警士送區懲辦

通令各縣舉辦巡迴文庫文

八年八月二十一日

案查本屆省教育行政會議議決巡迴文庫案業經呈請 省長核示茲奉 指令內
開呈摺均悉該案應准由該廳長令行各縣察酌辦理此令等因奉此合行錄案公布
仰該知事遵照辦理並轉飭勸學所擬定簡章限於本年十二月以前呈廳備核此令

計附議決案一件見前

通令各縣舉辦通俗講演團文

八年八月二十一日

案查本屆省教育行政會議議決通俗講演團辦法案業經呈請 省長核示茲奉

指令內開呈暨附件均悉該案應准由該廳長令行各縣遵照辦理此令等因奉此合行錄案公布仰該知事遵照辦理並將辦理情形隨時呈報以憑攷核此令

計附抄議決案一件見前

通令各縣禁止纏足文

八年八月三十日

我國女子纏足之風相沿已久妨礙生理之發育足以弱種而有餘舉其弊害不可勝窮自清季以迄民國迭經官廳之示禁學者之勸導此風漸見革除蘇省各縣在風氣開通之地天足固已盛行而鄉僻之區此種纏足陋習仍有相沿未改者本屆省教育行政會議議決禁止纏足一案當經呈奉省長指令准由該廳長令行各縣知事設法勸禁等因奉此令將議決案抄錄公布令仰該知事督同勸學所長暨市鄉董事剴切勸導未纏者禁止再纏已纏者逐漸弛放永除纏足之陋習藉爲振興女學之始基

此令

計附議決案一件見前

通令各縣公布分等運動辦法及獎章式樣文

八年十月九日

案查本屆省教育行政會議議決推廣體育辦法請教育廳長將原案分等運動辦法

公布施行等語業經繕錄議決案並訂定分等運動辦法及獎章式樣呈奉 省長核
准在案合將分等運動辦法暨獎章式樣印發令仰該知事轉行勸學所暨公共體育
場遵照辦理此令

計印發分等運動辦法及獎章式樣見前

通令各縣公共體育場職員評判體育通信比賽文

八年九月一日

查本屆省教育行政會議議決各學校體育通信比賽案業經呈請 省長核示茲奉
指令內開呈暨議決案各附件均悉該案應准由該廳長令行各縣轉飭遵辦此令
議案附件存等因奉此合行錄案公布令仰該知事轉飭勸學所長遵照辦理此令
計抄發議決案一件見前

通令各縣已經公布之議決案應限期實行以求實效文

八年八月二十二日

案查歷屆省教育行政會議議決公布案迄今尙有未見實行者若非規定實行期限
何以督促進行本屆省教育行政會議開會時有請議已經公布之議決案應限期實

行以求實效者當經大會議決並呈請 省長核示茲奉 指令內開呈及議決案均悉即仰通令各縣知事遵照辦理此令案存等因奉此合行錄案公布仰該知事督同勸學所所長將歷屆省教育行政會議議決公布而未經實行各案查明具復至本屆議決各案公布後應遵照規定實行期限力謀進行並於每學年終將辦理情形具報備查此令

計附議決案一件見前

訓令省立各師範學校加授童子軍學科文

八年九月十六日

案查本屆省教育行政會議議決省立師範學校一律加授童子軍學科及組織童子軍年齡應有限制而重保育案業經呈請 省長核示茲奉 指令內開呈及議決案均悉所陳第一案應准由該廳長令行各師範學校察酌遵辦第二案應准由該廳長函知本省童子軍聯合會妥議辦理此令案存等因奉此除將第二議決案函知本省童子軍聯合會妥議辦理外合將第一議決案抄發仰該校長察酌遵辦此令

計附議決案一件見前

通令各縣組織童子軍年齡應有限制而重保育文

八年十一月十七日

案查本屆省教育行政會議議決省立師範學校一律加授童子軍學科及組織童子軍年齡應有限制而重保育案前經呈奉 省長核准除將第一案令行各師範學校察酌遵辦外當經將第二案函知本省童子軍聯合會妥議辦理在案茲據復稱本省童子軍現行組織法規定十二歲以上十八歲以下業已明示限制等情准此除分行外合行令仰該知事轉飭各校一體知照此令

通令各縣規定縣公署主任據屬資格並令報詳細履歷文

八年九月二十二日

案查本屆省教育行政會議議決縣公署教育主任據屬其資格應遵照省公署五年十二月三十日公布省議會議決注重各縣教育人員案第一項比照縣視學之資格應令各縣知事自此案公布之日起限一月以內將教育主任據屬開具詳細履歷呈報省廳備核其有不合資格者一經查明應令撤換等語當經將議決案呈請 省長核示茲奉 指令內開呈及議決案均悉應由該廳長查照省議會議決注重各縣教育人員案第一條再行通令各縣知事遵辦具報此令案存等因奉此除分行外合將省議會議決注重各縣教育人員案第一條鈔錄令仰該知事遵照辦理並限於十月

三十一年以前將該縣教育主任據屬開具詳細履歷二份呈報本廳以憑核轉此令
計鈔錄省議會議決注重各縣教育人員案第一條

按教育發達全賴主持者之得人故各縣之第三科科員以及縣視學學務委員等關係最為重要用得其人
方足以謀進步否則日言頓整庸有濟乎茲將急當注意事項列左

一關於資格者 縣視學學務委員等雖早經規定資格而各縣均未能切實奉行第三科為一縣教育行政
機關科員資格向未規定致各縣知事徇私委任流弊良多應請比照縣視學資格不得隨意任用有不合
者立即分別撤換且須報明省署以便查察

●奉 省長核准酌辦案

教育廳呈省長

(請核示議決地方教育經費徵收機關應照額按期撥放案由)
八年八月二十二日

呈爲本屆省教育行政會議議決地方教育經費徵收機關應照額按期撥放案請予
核示施行事竊查各縣地方教育經費原就常年收入附稅雜捐等項列爲預算惟徵
收機關往往藉口於收數短絀不能照額按期撥放致學校無法籌墊時起恐慌本屆
省教育行政會議開會各縣有請議令行地方教育經費徵收機關對於地方教育經
費應照額按期撥放者當經大會議決理合將議決案錄呈 鈞鑒仰祈 核示施行
實爲公便謹呈

附指令八年八月三十日

呈及議決案均悉候分別函令察酌遵辦此令案存

教育廳呈省長

(請核示議決增設省立實業學校案由)
八年九月四日

呈爲本屆省教育行政會議議決增設省立實業學校案請予 核示施行事竊查本
屆省教育行政會議開會嘉定縣議員請議籌辦省立中等職業學校蕭縣淮安等縣

議員請議增設省立甲種農業及工業學校當經大會議決理合將議決案及原議案繕具清摺備文呈請 核示施行謹呈

計呈議決案一件原議案六件見前

附指令八年九月十一日

呈及議決案均悉存候酌辦此令

●未奉 省長核准案

財政廳咨

(奉省長指令教育廳呈報議決整理屠宰稅教育特捐及中資捐案由
八年九月十一日)

江蘇財政廳爲咨會事竊奉 省長第一五二五三號指令貴廳長呈報本屆省教育行政會議議決整理屠宰稅教育特捐及中資捐案由呈及議決案均悉(中略)查省頒徵收中資捐規程第五條此項徵收細則及說明由各縣審察本地情形妥定呈核原以民國產業賣典事項其習慣上之手續各有不同故畀以自訂細則之權俾收因地制宜之效若加拘束轉多窒礙所呈細則應予存查仰財政廳長轉咨教育廳遵照此令案存等因奉此相應咨會貴廳長查照此咨

教育廳呈省長

(請核示忙漕滯納罰金留縣五成及徵收費盈餘撥充地方教育費案由
八年八月二十二日)

呈爲本屆省教育行政會議議決忙漕滯納罰金留縣五成及徵收費盈餘撥充地方教育費案請予 核示施行事案查忙漕滯納罰金留縣五成各縣支配用途未有標準徵收費開支贏餘前由省議會議決撥充地方公益並奉 鈞署公布在案本屆省教育行政會議開會各縣請議將忙漕滯納罰金及徵收費撥充地方教育經費當經

大會議決理合將議決案繕具清摺備文呈請 核示祇遵謹呈

計呈議決案二件見前

附財政廳咨八年九月二十日

江蘇財政廳爲咨會事本年九月十五日奉 省公署指令貴廳呈報本屆省教育行政會議議決忙漕滯納罰金留縣五成及徵收費盈餘撥充教育經費由奉令呈及議決案均悉查忙漕滯納罰金留縣五成前編八年度省預算時以收支未能適合改列省收入項下本屆省教育行政會議所議全數撥充縣地方教育費一節應從緩議至徵收費盈餘一項曾於五年十一月准省議會議決留充地方自治經費經本公署公布並迭令該廳嚴催各縣造報由廳通籌核辦在案惟究竟各縣是否有餘能否酌撥仰財政廳長轉令各縣知事遵照查復由廳核議具報並咨教育廳查照(中略)此令案存等因奉此除通令各縣查復外相應咨會貴廳查照此咨

教育廳呈省長

(請核示畝捐及貨物稅帶征教育特捐案由)

呈爲本屆省教育行政會議議決畝捐及貨物稅帶徵教育特捐案請予 核示施行
事竊維各縣教育經費異常支絀欲圖擴張教育非先籌畫經費不可查畝捐一項各

縣已有舉辦者第三次省教育行政會議業經將此案議決未蒙 核准公布施行至
貨物稅爲國家正稅帶徵教育特捐似與尋常苛細雜捐不同本屆省教育行政會議
各議員有請議畝捐及貨物稅帶徵教育特捐者當經大會議決理合繕具議決案備
文呈請 核示施行謹呈

計呈議決案二件見前

附財政廳咨八年九月十八日

江蘇財政廳爲咨會事奉 省長公署指令貴廳長呈本屆省教育行政會議議決畝
捐及貨物稅帶徵教育特捐案由呈及議決案均悉查征收畝捐貨物稅帶徵教育特
捐於民力商情恐多窒礙本年各處且有災荒商業亦仍凋敝所請均從緩議仰財政
廳長轉咨教育廳遵照此令案存等因奉此相應咨請貴廳查照並希將議決案飭繕
一份送由敝廳備案至級公誼此咨

教育廳呈省長

(請核示議決菸酒公賣帶徵教育特捐案由)
八年八月二十五日

呈爲本屆省教育行政會議議決菸酒公賣帶徵教育特捐案請予 核示施行事竊
查菸酒一項係屬消耗物品即捐稅略重揆諸寓禁于徵之義猶屬相符蘇省菸酒公

賣施行已久遞次省教育行政會議開會議員有請議於菸酒項下帶徵教育特捐者均經大會議決未蒙 鈞署核准施行本屆省教育行政會議各議員仍以菸酒公賣帶徵教育特捐請議當經大會議決理合繕具議決案備文呈請 核示施行謹呈
計呈議決案一件見前

附財政廳咨八年九月九日

江蘇財政廳爲咨會事本年九月六日奉 省長指令據貴廳呈本屆省教育行政會議議決菸酒公賣帶徵教育特捐案請核示施行由內開呈及議決案均悉查菸酒公賣帶徵教育特捐迭經第二第三次省教育行政會議議員提案請議本公署當以菸酒兩項課稅已重再征特捐恐涉苛擾未予施行惟消耗物品捐稅略重誠與寓禁于征之義尚屬相符而地方教育收入稍增亦于普及前途不無小補旣據議決呈請前來候照案咨請 財政部核復令知可也仰財政廳長先行轉咨教育廳長知照此令案存等因奉此相應咨請貴廳長查照此咨

省長公署訓令(由同前)八年十月九日

案准 財政部咨復內開准咨開案據教育廳廳長呈稱竊查菸酒一項係屬消耗物

品即捐稅略重揆諸寓禁于征之義猶屬相符蘇省菸酒公賣施行已久遞次省教育行政會議開會議員有請議於菸酒項下帶征教育特捐者均經大會議決未蒙鈞署核准施行本屆省教育行政會議各議員仍以菸酒公賣帶征教育特捐請議當經大會議決請仿照本省屠宰稅帶征教育特捐成案於菸酒正稅外帶征教育特捐三分之一請咨部核令蘇局分行飭辦等情據此查菸酒帶征教育特捐一案從前述經省教育行政會議議請核辦當以公賣事項尙屬創始稅外加捐恐涉煩擾暫未准行現在設局有年推行漸利而其爲物屬於消耗即使抽捐略重誠爲寓禁于征與東西各國重稅消耗品之原則亦尙相合據呈前情相應咨請查核見復等因到部查該廳所稱於菸酒正稅外援案帶征教育特捐三分之一事關增收菸酒稅捐係屬全國菸酒事務署主管之件除咨行全國菸酒事務署查核辦理外相應咨復查照可也等因准此合行令仰該廳長知照此令

省長公署訓令(由同前)八年十月二十九日

案准 財政部咨開前准咨開據教育廳長呈請於菸酒正稅外援案帶征教育特捐三分之一請察核見復等因到部當以事關菸酒稅捐係屬全國菸酒事務署主管之

計應如何辦理之處應咨行全國菸酒事務署查核辦理并一面先行咨復貴省長查照在案茲據全國菸酒事務署復稱准咨開准江蘇省長咨稱據教育廳廳長呈稱竊查菸酒一項係屬消耗物品即捐稅略重揆諸寓禁于征之義猶屬相符蘇省菸酒公賣施行已久遞次省教育行政會議開會議員有請議于菸酒項下帶征教育特捐者均經大會議決未蒙鈞署核准施行本屆省教育行政會議各議員仍以菸酒公賣帶征教育特捐請議當經大會議決請仿照本省屠宰稅帶征教育特捐成案於菸酒正稅外帶征教育特捐三分之一請咨部核令蘇局分行飭辦等情據此查菸酒帶征教育特捐一案從前迭經省教育行政會議議決請核辦當以公賣事項尙屬創始稅外加捐恐涉煩擾暫未准行現在設局有年推行漸利而其爲物屬於消耗即使抽捐略重誠爲寓禁于征與東西各國重稅消耗品之原則亦尙相合據呈前情相應咨請察核見復等因到部卷查蘇省屠宰稅帶征教育特捐一案前於本年四月間據該省財政廳呈報修正屠宰稅施行細則案內原細則第三條規定遵奉江蘇省長公布教育行政會議議決案按照部定稅率帶征附稅三分之一作爲補助教育經費等語業經本年核准指令該廳遵辦在案此次教育廳呈請援案于菸酒正稅外帶征教育特捐

事關增收菸酒稅捐應如何辦理之處相應咨請查核辦理等因到署查菸酒兩種係屬消耗之品於正項稅費之外帶征教育經費如果時局大定公賣政策業已完全實行原無不可惟現在成效未彰稅費正謀統一若再附收特捐恐於改革進行轉多障礙該省所請帶征特捐一節實難照准相應咨復查照並希轉咨江蘇省長查照等因相應咨復查照轉令遵照可也此咨等因准此合令該廳長知照此令

教育廳通令各縣

(爲菸酒公賣帶徵教育特捐未奉照准由)

案查本屆省教育行政會議議決菸酒公賣帶征教育特捐案前經呈請 省長核示
嗣准 財政廳咨開奉 省長指令本廳呈同前由內開呈及議決案均悉查菸酒公賣帶征教育特捐迭經第二第三次省教育行政會議議員提案請議本公署當以菸酒兩項課稅已重再征特捐恐涉苛擾未予施行惟消耗物品捐稅略重誠與寓禁於征之義尚屬相符而地方教育收入稍增亦於普及前途不無小補既據議決呈請前來候照案咨請 財政部核復令知可也仰財政廳長先行轉咨教育廳長知照此令
案存等因奉此相應咨請查照等因在案茲奉 省長指令內開案准 財政部咨開
前准咨開據教育廳長呈於菸酒正稅外援案帶征教育特捐三分之一請察核見復

等因到部當以事關菸酒稅捐係屬全國菸酒事務署主管之計應如何辦理之處應咨行全國菸酒事務署查核辦理并一面先行咨復貴省長查照在案茲據全國菸酒事務署復稱准咨開淮江蘇省長咨稱據教育廳廳長呈稱竊查菸酒一項係屬消耗物品即捐稅略重揆諸寓禁於征之義猶屬相符蘇省菸酒公賣施行已久遞次省教育行政會議開會議員有請議於菸酒項下帶征教育特捐者均經大會議決未蒙鈞署核准施行本屆省教育行政會議各議員仍以菸酒公賣帶征教育特捐請議當經大會議決請仿照本省屠宰稅帶征教育特捐成案於菸酒正稅外帶征教育特捐三分之一請咨部核令蘇局分行飭辦等情據此查菸酒帶征教育特捐一案從前迭經省教育行政會議議請核辦當以公賣事項尙屬創始稅外加捐恐涉煩擾暫未准行現在設局有年推行漸利而其爲物屬於消耗即使抽捐略重誠爲寓禁于徵與東西各國重稅消耗品之原則亦尙相合據呈前情相應咨請察核見復等因到部卷查蘇省屠宰稅帶徵教育特捐一案前于本年四月間據該省財政廳呈報修正屠宰稅施行細則案內原細則第三條規定遵奉江蘇省長公布教育行政會議議決案按照部定稅率帶征附稅三分之一作爲補助教育經費等語業經本年核准指令該廳遵辦

在案此次教育廳呈請援案于菸酒正稅外帶征教育特捐事關增收菸酒稅捐應如何辦理之處相應咨請查核辦理等因到署查菸酒兩種係屬消耗之品於正項稅費之外帶征教育經費如果時局大定公賣政策業已完全實行原無不可惟現在成效未彰稅費正謀統一若再附收特捐恐於改革進行轉多障礙該省所請帶征特捐一節實難照准相應咨復查照並希轉咨江蘇省長查照等因相應咨復查照轉令遵照可也此咨等因准此合令該廳長知照此令等因奉此除分行外合行令仰該知事知照此令

教育廳呈省長

(請核示維持災荒各縣教育經費案由)
八年八月十一日

呈爲呈報本屆省教育行政會議議決維持災荒各縣教育經費案敬請 核示施行
事竊查本屆省教育行政會議 職廳核交常熟吳江兩縣議員及常熟縣縣教育會會長請議維持災荒各縣教育經費一案經大會議決由職廳呈請 鈞署訓令被災各縣知事查明災荒情形會同地方士紳對於現有教育經費收入不足之數預籌抵補至遲限文到一月內具報省廳備核在案理合抄錄議決案及原議案各一份備文呈請 鑒核應否公布施行之處敬候 訓示祇遵謹呈

附指令八年八月十九日

呈及附件均悉本年入夏以來霪雨爲災崑山常熟吳江溧陽宜興五縣業經委員查勘在案茲據該廳呈送維持被災各縣教育經費一案前來應候先行訓令崑山常熟吳江溧陽宜興等縣知事妥爲籌畫具報核奪毋庸照案公布此令附件存

勘誤表

同 同 同 同 同 同 同 同 訓 語 類 別
上 上 上 上 上 上 決 案 詞

五 三 三 二 一 二 九 八 二 頁 數
四 八 八 ○ 四 二

一 ○ 二 一 三 一 四 一 五 九 九 三 行 數

三 一 三 一 九 三 五 三 六 一 三 四 字 數

又 貴 貴 案 領 身 令 江 誤

有 責 責 按 頒 體 特 今 江 正
字 衍

同 同 同 同 同 同 同 同 同
上 布 案 上 上 上 上 上 上 上

二 一 九 九 八 四 七 五 七 五 六 八 六 ○
二 二 九 九 八 四 七 五 七 五 六 八 六 ○

七 六 第五格 第七格 二 一 一 ○ 二 三 二 八 二 二 五 六
七 六 第五格 第七格 二 一 一 ○ 二 三 二 八 二 二 五 六

皆字下 二 三 第一排 第一排 四 三 三四 二 八 二 二 三 四 三
皆字下 二 三 第一排 第一排 四 三 三四 二 八 二 二 三 四 三

之 賢 恒 工 就 補 以

得 圖 運 動 運 動 廣 懾 一 救 補 己 原

上海图书馆藏书



A541 212 0014 5020B

